

江
南
通



江西通志卷之第四十五

賦

唐李德裕劍池賦

余屆塗豐城弭楫江渚問埋劍

亦有淪棄非遇識者無繇能振雖人亾劍去而故事可悲因維舟俄頃以爲此賦云天地鬼神龍泉太阿光耀時足沉埋日多往者紫氣衝星時人莫識吳已亾而氣存寶乃隆於敵國既精感而上達當龍變而不息未遭風雨之會尚假雷生之力豈通塞之有時何顯晦而難測我不自振掘之而得雖潛朽壤之中靡受莓苔之觸誠宜英主用之提携指揮內以靖諸侯外以服遐方爲東序之秘寶備有國之光儀一見畱於邑長一獲佩於台司始謂伸于知已終乃屈于不知既而長鳴玉匣躍入連漪化鋒鏑今奮迅煥精光兮陸離垂尾蒼波斷鯨鯢之族矯首清漢巖江海之砥昔時在獄今成廢池寶常棄於茲土人載懷而孔悲况乎耶溪水涸赤岸山閉巧冶既没作者曠世風胡已遠杜武



復逝斯物倘存知者誰氏惟人代
今去不畱嘆嗟雙劍今焉可求
吳筠雲液泉賦

坤元孕氣潛暢于泉冠五行之首為萬物之先爰
有清流流出此山側處蒙險以難知猶井灑之不食

我搜靈秘載披載登見其地僻至潔源淡有恒沍
寒不為之縮炎暑不為之增考室以飲樂在枕眩

珍俾元玉之膏德並雲華之液疾可蠲年可益引
克狎翫唯意所適懸之則皎潔壅之則澄碧畫浮

光以悠揚夜舍響而浙瀝陰陽為災水旱失節不
雨炎夏暨于元月汪汪洪波久已竭耿耿瀑布今

已絕挫江湖之浩蕩况溪澗之微劣斯泉秉彝毫
纖無虧雖遠不霑惠而近有所滋彼崩濡于疇昔

豈不慙涓涓于此時夫醴泉無源而易涸丹溜乍
見而難挹曷若平以為鑿酌焉取給何似神山之

漢帝臺之漿涌異域之表湛無人之鄉
茲亦標奇於絕境真可謂靈而長也

宋李問仰山賦并序
孫興公賦天台山特遙想
帝賦游山寺惟獨其景物之佳諷詠一時游覽之
勝至于依本以美物準實以贊事山林川澤之富

鳥獸草木之美宮廟之輪奐人物之魁梧悉未聞
也予既思摹前作而賦仰山非欲離出異俗高論

藻詞為遠寄冥搜散懷投與之事恐山靈誚作逋
客姑詠其所聞額其所見以謝其所移而已

鳥顯何山岌業京峙據手春臺之陽阻乎秀水之
溪枕吳頭以盤固壓楚尾而仰止連屬群峯迴環

千里北跨羅霄東下渚田西接安成南曜螺川岡
巒襍積而疊翠洞穴谿澗而宿雲修竹阿那以蒼

葦嘉木青葱而紛紜谿壑錯雜以繚繞翠微縹緲
而蓋蓋草茂靈根花敷錦繡或抱石以延蔓或含

烟而吐秀木末翺翺乎飛鳥戾巖駉駉乎走獸絕
網依樹以織空窠房聯窠而托阜峯入漢而猶巨

崖欲翫而不絕春林鋪碧以搖風秋潭澄淨而納
月盛夏含霜先冬霏雪龍湫渟水于山腰佛刹倚

殿于巖腹在晉則二神示現于霸蹤于唐則高僧
始來而卜築廡廡田原茫茫菽粟茶芽藥苗珍果

嘉穀亦莫殫論而脩錄也其峯則有集雲師子唐
興仰峯峭峻峭嶒嶒嶒穹崇峻若太行高俾祝融

俯視三峯于木末左顧百疊之盤龍聳嶒嶒嶒以入
望計膠葛而難窮巖嵌谷澳嶺屬岡連巍巍峩峩

拔秀摩天望鍾山之永若繞帶瞰萍實之墟如點
 烟澗溜懸厓而噴沫以奔道藤蘿繞翠則藁倚而
 連牽一日之間而氣候不齊或雨或暘而乃寒乃
 暖蓋天龍之所宅而人莫測其所以然而然也其
 水則濤瀑碣穴合流異源一出集雲之腰一而出
 子之巔注厓度澗汨活飛泉測激滂流吐漱潺湲
 高則迅復增澆石雷震電激不平成聲磬確礧
 窞乃若坳積潭澄回旋漫平撓之不濁濇滉注
 雲之源其穴如箕實為閭尾有石廣畝當前如砥
 其淵淥淨以湛湛其流清冷而瀾瀾是謂上潭也
 其流未長有石如梁隘雨而橫臥渚一水以為潢
 是謂中潭也由梁而下千尺蜚瀉徑委注於石澗
 曾晝夜之不捨是謂下潭也師子之源瀑流天半
 界塔影而三分至山麓而其貫接瀨逕龍潭之水
 繞靈濟古祠之岸槩乎合眾委而下梅州然後澗
 澗而泝泝厥田惟上厥土黑壤陸複而平地高而
 爽于是田以水而東作原以火而冬耕麻菽稻梁
 粘黍薊杭或先種而後熟或戮力而共成木則有
 山梨櫻桃赤柏白楊棧桐檀樺松栴楮樟栢翁張

以應時楓招搖而抱陽揔青條而握翠布綠葉以
 森陰分枝列榦擢本千尋谷風歛起以增悲秋蟬
 得蔭而長吟于而樂者樗櫟葉而尉乎鄧林其竹
 則筍淡毛若筋白燕黃玉板枝橫而斨直日箭猫
 頭最巨而莖瘦曰方藹清風而颯至夏碧玉而鳴
 琅稟蒼潤之高節宜有實以來鳳其草則歲莎蘇
 蒿薜荔芭蕉芋葛黃精萍蓼蒲菱含芬吐芳而可
 結以佩鋪茵展綠而可藉以遨毛羣羽族陸離紛
 泊春戲白鷗秋陣黃雀燕鶯子規鸛鶴烏鵲蜚生
 夜鳴山雞晝啄或裊芳林以謹課或弄烟蕪而揮霍
 野猪以類而羣熊山鹿時鳴而警鹿猿連臂以飲
 澗猱矜捷而升木高無畢弋之患下絕網羅之逐
 飲啄各得其性飛潛自遂其欲悉孔翠于羽毛盡
 充肥于肌肉蟲則有山龜水蛭蜒蚰虺蛇螳螂伏
 翼蜈蚣蝮蟻絡繹暗織黃蜂曉衙蟻循緣于古木
 蝶徘徊乎芳英蚊蚋入夏以遠遶寒蜚經秋而苦
 鳴憤未伸于屈蠖朗孤照于流螢花則有蜀葵頽
 桐芙蓉山丹罌粟巨霜玫瑰幽蘭山茶金燈石榴
 木蓮瑞香異康廬之色莎羅同西竺之妍木犀噴
 九里而芳馥月桂吐四時之紅鮮藥則有稜桂細

辛百合菖蒲黃蓮白芨牛膝鷄蘇厚朴綠幹而夏
 剝薯蕷尋苗而冬斲果則蓮藕菱芡黃橙丹橘棗
 李梅柿木瓜茅栗唐與之紅桃梅州之紫梨剖之
 若胭脂食之如匡蜜園圃則有苦苣波稜蘘荷芡
 薑芥藍決明蔓菁蘭香又有紫芋蒟蒻紅莧白茄
 合葷蕘草頭芹芽春蕨夏筍秋茶冬瓜由古由
 今若動若直無容支離而徧誇粵有高人來自玉
 莽觸霧披雲沿溪而上乃與二神邂逅相遇丐山
 卜菴展一坐具神敬聽而弗康徙下流而遠去遂
 遷廟像空山拔樹夜半密移朝成區宇驅鬼役神
 雷雷風雨爵封公王以福茲土精祈必應誠禱則
 與其靈威莫得而縷數也由是于第三峯下開大
 施法門更代易世經晨越昏營辦之力相繼土木
 之功益繁殿堂樓閣高下相吞廊廡垣墻左右維
 藩虹梁偃蹇橫臥驚湍浮柱飛榭高櫺廣楹曲榭
 環句而相扶重簷杈枒而橫蜚堦肥屈曲而嶙峋
 櫺檻璀璨而流離飾以金璧文以丹漆衣以楮聖
 繪以雲物或螭蟠而蚪停或龍出而魚沒或流曜
 以合英或暉天而映日微風萃而簷鈴亂鳴碧雲
 合而樓鐘更遠響金磬之鏗鏘流梵唄之婉轉于

是破竹逗泉同源異口繞砌穿渠填饌注在道之
 于近則瀾滿于池沼決之于遠則灌漑乎畎畝蓋
 神靈密扶其棟宇將歷千載而不朽其中則有大
 為之圓鏡南唐之淨瓶貝多則羅漢攜來自乾竺
 佛牙則郡侯得之于胡僧本國錫以泰山之芝草
 賜之御札於延平皆自昔以傳今將永鎮而常寧
 者也至若聖世時康育生王塔現擬特千尺端方
 四面下臨不測之懸厓旁分瀑流而劈箭蓋天造
 地設而難知信神功鬼勳而莫辨菩薩現而靈雀
 羣噪羅漢出而祥雲忽變其燈光聖相之殊異實
 象季末法之所未見者也又有唐將軍避難之古
 寨鄭中郎挂寇之書堂耕夫時得其劍戟之舊物
 詩僧有比之巢由而成章由唐至今三錫寺額之
 徽號一徙基構而更張于是白足淨侶林樂雲堂
 治心養性仁壽而昌顧帝力之何有泳佛日之何
 長實斯人之幸也乃若重熙累洽代遭聖神天地
 氤氳萬物化淳風雨以時寒暑更循鳥無虞于覆
 巢獸不傷于掩羣淵津潤而崖不枯草木不夭于
 斧斤則豈特斯人之幸歟又茲山之幸甚者也

明金幼孜玉笥山賦

嶙峋占西江之上郡表南紀之孤青攬神秀於磅礴通仙靈於杳冥割晨昏而軼雲雨薄光景而生風霆登之者若廣寒百萬戶之玉寓望之者恍巫山十二峯之翠屏予嘗攀蘿絕澗繫馬西風斷蒼崖之秋骨舒一笑於奇逢攀危巢於栖鶻附垂翅於冥鴻發孤嘯於巖端振萬籟於笙鏞但覩夫華蓋倚天芙蓉削玉清霜利鏗劍插秋寒初月修眉黛橫空綠其瑰璋萬狀而東連者非臨川諸山列於前者乎重灘來遠千里如瀉烟消雨浹隱若垂虹雪立風濤疾如走馬行祠候龍女之暮歸別路泣驪駒之曉駕其蜿蜒百折而南委者非章貢之經流繞其下者乎西連石霜百丈之奇北挹閭皂寶金之秀或寬而坡陀或卑而培塿莫不瞻仰乎後先羅列乎左右則諸山聳處之尊真足以配南嶽不崩之壽也方將臨飛梁凌絕頂窮元微入溟滓抽石室之藏書校黃庭之內經俄遇鴻蒙先生虛無誕叟身珮蒼精手捫落斗或處靜而守嘿或談空而說有相與吐羅秀之奇胷騁懸河之辨口

候紫氣於青牛歎浮雲於蒼狗誕叟起揖於先生曰子亦通元者也獨不聞清江玉笥之山乎夫洞之天者三十有六而法樂固為第一福之地者七十有二而郁木固為無匹蓋天作而地藏宐鬼沒而神出今子以憑虛弔古之才拔俗出塵之質不遊於元都千樹之時而訪於昆明劫灰之日何其異哉僕固鄙人請告山川風物之美宮室羽儀之麗悉耳目之所及庶幾發吾子之蒙而祛吾子之蔽也在昔此山卓卓太古究其根盤罔知幾許錫以大白雲臺之名襍以羣玉秦望之所峯岑弗鬱嶸嶸險阻從嶽嶽岷岷哈岷岷嶺蟠者如龍踞者如虎方者如屏圓者如管斷者如日續者如組高者如立下者如俯呀者如吞突者如吐平者如削起者如舞向者如俯呀者如顧千奇萬狀不可遽數其上則小山叢桂漆園大椿松檜栝柏椅桐栗榛大餘連抱淡踞重坤夸條幡纒布葉鋪茶昂霄聳壑霧合雲屯白日而蛟虬動微風而笙吹繁禽則出穴雛鷓鴣銜書神雀黃鵠白鷗金雞元鶴旋日駕鶯鵲鶻鵠呈其吐綬名之搗藥雲彩星馳風毛雪落或翔而集或俛而啄是皆踰岷越嶂離瀛度

弱不遠伊邇於焉茲托其下則玉芝葳蕤瑤草綠
 縟葭若麝香荃蘭甘菊芎藭鶴化金鈴櫻粟抗紫
 莖揚清馥耀羣芳駭衆目被幽崖施中谷灼灼倚
 猗青青郁郁獸則馴虎飛孫麝香鹿或獻果而
 攀蘿或賣杏而收穀或食乎野苹或眠乎石竹餘
 則五色之毛千里之足茂先亦不能知爾雅所不
 及錄若不肥大蕃息絡繹馳逐以寢以叱不療不
 疾水則三溪八池七潭六源丹砂之片玉醴之泉
 服之可以永壽飲之可以成仙滴瀉瀉分蔓延酒而
 涓光涵曉鏡聲彈夜絃練橫甌瀉枝分蔓延酒而
 為雨積而為淵溉田百頃衣食之源然後觸穹石
 赴奔川東匯彭蠡同歸海門其中則蛟龍龜貝鯉
 鯉鱖鱣比目之鮠縮項之鰻沙蛤海蚌明珠出焉
 亦有羣飛屬玉竝浴文鴛雙鳧乘鴈鳴翠舞鷓蒼
 鱗繡羽舉一漏千莫不集於淺瀨浮於清漣唼嚼
 乎菰蒲菁藻棲息乎菱芡藕蓮建宮室則度其隰
 原拔斯柞棧爰命工垂乃程匠石巧者獻能勇者
 効力千夫雲從萬斧雷擊鑿石而龍門空斬木而
 虎穴赤發嶺表之瑰材集江南之佳植條鬼設而
 神運不一朝而山積於是寶圖呈於坤靈玉梁降

乎天寵傲配極之元都列飛霞之畫棟翬翼寓而
 欲飛螭負楹而不動華榱引明月於璇題藻悅綴
 浮雲於朱拱露闕角之蒼龍啄檐牙之丹鳳表以
 承天大秀之崇侈以天德乘光之竦叅錯乎萬像
 之鱗次彷彿乎九重之星拱觀其重觀疊樓右坪
 左槭飛甍驚海色之搖紅鉛砌鏤琅玕之連白窻
 綺䟽而結錢帶金缸而銜壁聚天上之星辰隔人
 間之風月周河漢之昭回順陰陽而闔闢宐上帝
 之高居近天顏之咫尺至若黃道雨晴瑤階塵輓
 翠蕤下元武之旌魚鑰起寥陽之殿羽衣翻仙子
 之霓裳雉尾擁官人之彩扇耀孤鶴於金莖鳴八
 鸞於翠輦魚龍舞九奏於鈞天鷓鷯肅羣真於旒
 冕濟濟乎山澤之癯昂昂乎珪璋之彥降笙鶴於
 緱山來鳥鳧於葉縣無非講道德於元文呪長生
 之秘典元霜杵月白帶香殘丹氣成虹爐存火煉
 進磨脯之新奇集龍根之宛轉水桃鬪瓜棗之筵
 銀瓮錫葡萄之鍾其精英發為人傑其方平重厚故
 之所常羨也鍾其精英發為人傑其方平重厚故
 為人也沉毅而富才峭直孤高故為人也磊落而
 多節遠而九仙擘爾之名近則八祖森乎其列故

孔梅沈謝之羣流歷秦漢唐宋而烜赫訪遺跡則魏氏之瑤臺何君之石竅臺聳東華赤谷之奇谷隱彤霞丹陽之輿箱峯蔓草之似袍墨沼寒藤之學草劉通慕仙籙於徒聞夏禹惜神標之未造涪翁僅吟於彷彿叔夜敢侔於醉倒逮及累朝舉由其道銀鈎賜金榜之鏤題寶篆降御爐於恩詔信為古今之名山非遯世延年者莫能到也言未卒先生乃欣然而笑曰子誠知管晏之齊人識昭襄之秦客但誇夫山川之為美而不知河山之帶礪也觀宮室之為盛而不知兩都之舊制也羨木石鳥獸之同羣而不知斯人之為貴也慕辟穀延年之可尚而不知所惡有甚於死也夫達人觀之大觀曾何足以芥蒂雖殺身以成仁真不亡而日在且夫大人物我本同橐籥聚則成形散歸寥廓高為星辰低為河嶽故箕尾墜而傳說亾尼山禱而聖人作二伯生而崧嶽降其神靈三蘇出而眉山為之蕭索相業應乎旁求王迹寓乎筆削為藩翰於西周著文章於東洛是皆為海內之安危兼天下之憂樂豈效乎沒世無聞但忘情於丘壑且子不聞蓬萊方壺遠則遠矣而樓船之藥未返瀉池之

壁已遺莖臺井幹高則高矣而茂陵之石馬無聲伯梁之金人有烈是二君者今安在哉今欲與子窺九嶷登大行上會稽探禹穴泝崑崙觀滌渤追太史之奇蹤繼前人之遺烈挽壯士之天河洗中原之戰血然後對禮樂於丹墀進輿圖於金闕則下視玉笥之山者曾何足比於一髮也哉誕叟聞斯言也狼顧鼠拱莫知所措夕陽今在山碧雲兮欲暮余乃拾銅雀於殘烟分玉蟾於墜露倚桂樹之秋香遂登**胡儼廬山賦**昔神禹之疏鑿兮奠山高而作賦浸而為湖爰有山而西寺兮儼穹窿而瀦兮渺巨浸而為湖爰有山而西寺兮儼穹窿而覆廬彼何人之昆季兮初卜居而宅其陽詢遺老而求其故兮傳其姓而曰圭於是招五老於雲中兮叅九真而翺翔攬香爐之紫烟兮濯飛瀑於石梁挽銀河於九天兮凌倒景之蒼茫雙劍倚空而嗟峩兮凜肅肅之秋霜俯龍淵於絕壁兮瀉碧澗之琅琅漱玉挺乎長松兮慨故址之荒涼掃蘚斑而求古跡兮信德美其流芳歟凌風而遐舉兮抵尋真之舊觀逕松蘿而歷九竒兮觀雲屏之煥爛天宇豁其澄鮮兮聳層巒於霄漢水簾三疊而下

垂兮儵瓊飛而珠散羗觸坎而輟轉兮懸素絲于
 天半迴風搏而混結兮烟雪毵之洞貫邀謫仙于
 松巢兮扣東林之禪扃倚三笑而長吟兮聽虎溪
 之泠泠兮升上方之天池兮誇絕頂之高寒靈籟發
 而婁清兮悚萬壑之驚湍鳥啣嬰於幽谷兮猿悲
 嘯乎巖岈熊咆龍吟不可以久留兮接空明之羽
 翰巨艦突而撐空兮何神化之渺漫披蒙茸而陟
 虎豹兮仰石磴而高舉坐飛閣以延覽兮付江山
 之一瞬紅葉忽其翩翻兮猶雨花之亂隕訪竹林
 之古寺兮云隱顯之靡常流鐘磬於崑寶兮顧杏
 雷兮何鄉俯盤盤之淡谷兮綺綉錯而錦張過淵
 明之栗里兮三徑沒而已荒挹高風于千載兮攀
 逸駕于羲皇余思夫古人不得見兮撫孤松而徬
 徨望白雲之悠悠兮覽紫霄之蒼翠迎鸞鶴于空
 中兮驟群仙之環珮臨墨池以揮灑兮希右軍于
 絕代酌鸞溪之一滴兮亦有乎滯礙道簡寂以
 遨遊兮仍羽人于丹丘陸子肅余于石潭兮耿星
 河之欲流余既縱乎元覽兮羗回車以復路度松
 關之迢迢兮問棲賢之故處乃少室之山人兮甘
 嘉遯而來居抑後賢之仰止兮藏簡冊于與區振

吾被于高岡兮扶天風于兩腋鹿呦呦而思岑兮
 闢紫陽之遺蹟洞哈呀而隱約兮山幽幽而無人
 葛蔓蔓于樛木兮石磊磊乎澗濱堂構餘乎瓦礫
 兮愁蛩吟而饑鼯呻余既感此而惆悵兮除積翳
 于榛荒採蘋蘩于沼沚兮就堂階而薦觸退即乎
 風泉雲壑兮聊詠歌而徜徉眾既告余以欲暮兮
 還余駕乎東鷺蟬嘒嘒而寒鳴兮草凄凄其夕露
 松陰陰而月朦朦兮渺蒼蒼之烟霧亂日汨吾遊
 兮北征水茫茫兮山青稅吾駕兮佳廬訪古蹟兮
 窮奧區山之人兮潔修跨黃犢兮彝猶灑清風兮
 六合凜冰玉兮高秋歸來何喬新石鐘山賦并序
 今歸來來仙人兮林丘何公辨之詳矣士大夫喜
 之口有石鐘山焉蘇文忠公辨之詳矣士大夫喜
 幽尋而樂勝賞者莫不遊焉景泰六年春三月余
 與今夏官郎中王君尚忠奉使江南尚忠家湖口
 邀余躡舟絕壁之下以訪其所謂石鐘者水石相
 搏响若洪鐘始信昔賢之言不誣矣因為賦之後
 十有一年尚忠出示舊稿俾重書之因嘆余學之
 不進而悼勝遊之難再也乃刪其詞以歸之云
 乙亥之歲暮春之夕余與王子泛舟澄湖艤於絕

壁援危藤登懸崖以訪昔賢之遺迹于時天和氣
 清江空月明魚龍咸伏波濤不驚縱余日以遐覽
 舒懷古之幽情但見怪石嵯峨欲蟠欲飛或如兔
 形異狀不可殫名或如鳳如螭欲蟠欲飛或如兔
 如獸將行將驟巖粵靈雲拂嵐撲黛穴罅呀噎舒
 雲歎雷異哉石乎蓋造物者之所胚胎也俄而微
 雲生于廬阜長風來乎太空驅濤擁瀨吼鯨躍龍
 爰有洪聲發乎水中殷殷嗶嗶如游舜庭而聽鑪
 鐘之撞鏗鏗鉤鉤如入周廟而聞無射之聲闐今
 若雷颯兮若雨又如卻至使楚如金奏作于下余
 乃曉然而驚悄然如思問王子曰是何聲耶豈靈
 鰲奮首而三山頽耶抑海若驚起而號風雷耶無
 乃其工氏觸不周而天柱摧耶胡為乎有是聲也
 王子笑曰子不知耶是所謂石鐘者也昔者酈元
 言之而不詳李渤訪之而失實東坡居士泛舟江
 上以求之而後衆論定于其一也余曰石之為物
 乎其形未與水遇不聞其鳴水之為物湛乎其清
 未與物鬪曷嘗有聲彼鬪胡清越窾坎鏗鏘之音
 果出于水耶抑出于石耶王子曰不然夫水之性
 動石之性靜動靜相摩厥聲以應水之質柔石之

質剛剛柔相蕩厥聲以彰是非水之聲也亦非石
 之聲也水石相搏而聲出焉此石鐘之所以名也
 觀夫峭壁巖岩鐘之銑角也懸蘿裊裊鐘之旋蟲
 也丹崖翠壑鐘之篋簾也驚濤駭浪鐘之撞杵也
 是鐘也蓋天地為爐萬物為銅陰陽為炭造化為
 工齊侯不得銘其績而鳧氏無所預其功也嗟夫
 洪水橫流巨浸稽天象罔出而墜人螭蜃過而垂
 涎民其魚矣尚何石鐘之聽焉今吾與子脫介鱗
 而弁冕去沮洳而宮室泛蘭舟以遨遊聽承樂以
 自適揆厥所元伊誰之力耶于是相與徜徉眺望
 咨嘆感激已而雲消風止浪平響息水天相映瑩
 然澄碧返而登舟呼酒相酌乃鼓柁而歌曰駕吾
 舟兮泛長江馮彝起舞兮酌我以羽觴侑以嘉樂
 兮鼓鐘嗶嗶願嗶嗶念上古兮濁流湯湯孰致平
 孰理懷襄願嗶嗶念上古兮濁流湯湯孰致平成
 神功千秋萬歲兮永不志麻姑山賦出城闌以遐
 而捫幽度駘嶺之谿衍兮訪仙臺乎山之隄銅陵
 岷嶰而凝黛今紅泉汨灑其鳴瓊琪花瑤草紛不
 知其名兮桂樹鬱其相繆予乃凌犖確厲清冷窺
 石門之窈窕踞雲蓋之崢嶸石梁龍矯今臥波仙

觀翬飛兮凌空吸紫霞兮石閣招白雲兮羅峯步
 予馬于靈豐兮悵宿莽之離離訪緡經之遺臺兮
 蒼烟慘其增凄若乃崇岡嶺巖巖嶺嶺嶺旣丹光夜
 樂土花春殷非子期仙隱之所存乎寒燐宵飛山
 精暮泣折戟沉沙戰血凝碧非危郎駐兵之故柵
 乎山川宛其如昨兮嗟昔人其安在攀古栢之對
 枝兮增予心之永慨謂仙人之不從兮吾不得而
 見之謂英雄之不朽兮亦漸盡而無遺招黃鶴而
 訊之兮鶴翩翩其高翥尋斷碑于荒榛兮蝸蜒苔
 花闕而不可覩重予衷之耿耿兮撫幽篁而延跼
 迴颯冷兮欲秋斜月澹兮將夕駕予輶以復路兮
 聊容與乎田北騁予日以流觀兮見夏屋之渠渠
 萬瓦鱗鱗以波偃兮曰美人之故廬綠樹靄其承
 宇兮清泉琤其循除詠先生之遺風兮有左琴而
 右書爰茲境之幽勝兮恍王官與綠野欲誅茆以
 葺廬兮敢云信美非吾土何所獨無芳草兮羗曠
 瞻而懷茲念美人之好修兮苟去此而從誰倘解
 印以南旋兮將稅駕乎盱之湄從美人以徜徉兮
 終歲以湯顯祖攬秀樓賦
 微是居東維攬秀西儼

辨章畧漏存焉仰答天桴昏旦之候無爽俯和民
 紀旬宣之政有序厥由來矣屬乃赤標示舊靈仰
 告新革不日而已孚鼎有時而傾否方伯嘉禾陸
 公四明王公相與謀曰休哉功有半而可倍事有
 一而得三斯樓之設時夜是司顧以吾屬宣懷未
 乏羊杜賓至燕言或假僑札爰有沙城神仙之路
 遠在數里滕閣帝子之洲近隔重關非其使人難
 以卜夜微寧就此一臺之基增為三城之制咫尺
 足以豎體尋常可以發志出不嫌於久次進不妨
 於設險利用大作莫便乎是者上下俞同時物會
 貞賦取幣餘役以流傭令信工敏浹月而就剗甃
 並舉重復湊緻楣極琬璫軒窓玲瓏麗素而不露
 其材髹堊而不傷其質都作告脩司時練吉二公
 相與攝英寮從妙屬帥而登焉則見山川畢升天
 日加朗出草樹于綦履度魚鳥於几席南浦西山
 不在闕城之外矣徘徊流觀則朱邸華閉環珥于
 府寺英臺貴俊冠蓋於達巷以至都人琇厲之觀
 方外佐緇之處偉雅神麗指顧而詳漁唱田歌夾
 重湖之表裏軍漕估舶沸瀕江之上下孰非宇宙
 之精氣國家之利寶乎嗟夫事有合而成賁物有

大而可觀我勞如何就烟雲而取逸有客至止晦
 風雨以如期至於鼓吹晴飛戾天霄而益爽壺尊
 夕轉遲月露以方盈節之以陰陽文之以禮樂不
 其懿與樓成而中丞衛公適來撫我益新其政恢
 軍國之容復隍臺之制模觀精偉神色異昔樓增
 麗而勝焉歲戊之申月日之九陸公四明丁公偕
 憲伯溫陵李公錢塘查公及諸君子觴于此樓畫
 漏之聞連于晡下夜烏之咽通乎晨戒澄日氣於
 烟飛寫月精於霧靄固已極斐疊之妍譚盡淋漓
 之雅致矣總而攬之秀其外者山川脩仁智之所
 樂秀其中者人物兼富教之所歎倘千霄有異之
 氣恒存薄収無憂之言每驗則諸公取適於來旬
 吾屬從歡於上日蓋亦太平之盛事宐長久而無
 極乎彼夫城隅之宴忘其喪亂高臺之什夸乎霸
 餘方今洪淑吾無取焉諸公粲然而笑曰然則子
 為我賦之一言均賦敢居王子之先九日登高辱
 在大夫之後云爾若夫圖書上計之省樞旋布政
 之宮蕃北宸而拱峻劃南夏以成雄正經途於一
 軌極高閣而有融金城遠雷于允西玉漏灑梁而
 震東取陽陰而定體亦登降而在中制豈懸于飾

樸時有造於汚隆象除舊而布新事有約而助洪
 政自公而燕喜禮賓遊而會通勝寄攢羅於一舉
 意匠圖回於再重允規隨而命作叶和會而勸功
 引章貢之壞材集臨汝之精工乃作高門爰及遺
 堍土綠剝而厚下木層升而致美下如甕以穹隆
 上若堂其瑰瑋磴礧懸施繩斲兼椅蠹以九槎鋪
 以密砥重纜承而窈窕枝穿復以玲瓏乍井幹而
 宿斗倏丹艷以流虹納靈曦於陽馬閣佞濡於陰
 蟲庶歡呼而勿亟公賞成於具逢擁官聯而上陞
 立嶒岷而正容恍靈區兮湧地迫慶霄兮麗空蟲
 有事而後大章取新而不窮地響奮而盱豫天際
 翔而上豐准燥濕以維則度几筵而足容睇刻漏
 於蓮花叶信譽於祥風寅亮者資其察貞觀者賴
 其同謹戶牖而知時倒衣裳而在公具三爵以興
 言會羣龍之高盼承交臂以宣劬暢遠心而釋倦
 仍攬秀以榻危臨辨章而聳絢諒所攬之多秀豈
 吳餘而楚羨判休明於昔今豁懷袖於聞見方外
 內而具賞期霽晦而兼善紛慘悞以孤遊被溫仲
 之餘眷遲九日兮晞令名佇三山兮登薄躬沙城
 出谷其將晚滕閣扶櫺而未終竟夜飲而厭厭指

新構之形形清酒溢而山光凝纖歌揚而潛思充
 籟有沉於風律節殊應乎霜鐘雲晶暉其欽色露
 溥晞而向濃霧罩腓而晦晦日翼野以矚矚沙含
 虛於近陞灌吟寒於遠峯歷倒筍而去燕遵返宇
 以來鴻接山中兮桂枝渺江上之芙蓉迫年衢之
 冉冉曠天宇之溶溶蕩芳英於蘭苑懷幽人於菊
 叢陶頽然於刺史嘉率爾于桓公折黃房于醕醴
 警肅辰而切衷坐紛想于遊極起延竚於巖櫳像
 長雲之蜿蟺若前雨之空濛躡前榮而恣觀良鬱
 鬱以葱蔥鬱鬱兮宜下西山兮若畫測地象於神
 州輒金方其款跨上都隱屏于太行中土開靈于
 少華彼拔地以常然此瀕江而潤化瞰廻隍於淑
 渚出清都之臺榭影四序以恒流氣千年而不謝
 江則括坤為墟委乾為畔淙淙澶澶浩浩渺渺出
 沒瀨沈縱橫泮渙繹絡乎東濱之盡灑瀨乎南紀
 之半川懸水彘之所盤嘯海錯天珠之所流灌晦
 冥而風雲鬣鬣澹蕩而陰烟炫煥洞宵渺以無倪
 愜虛明之所玩流玩兮蒼郊筠之山兮以超矯廻
 風於丹陵上畱田而逍遙慢青烽于梅葛峴緱氏
 於巖椒白雲英其縹飛碧海堆而喚搖認落花於

桃嶮訝沉書于石橋乃有紫青懸瀑斗絕而起隈
 若秦人秀若蕭史天寶開而霞曙雲蓋移而烟靡
 崑膏玉以明球圖流珠而覆米灑泉壇于冠石度
 松門于屏几蓋西山之高二千其尺西山之環四
 百其里雖發地而厭原默在廬之徙委浥山帶以
 披衣邈屏風而疊綺輪茵接香爐之雲落液下清
 溢之水勢遠而危鬱岬岬嵒嵒夕陽于半江宿初
 月於層崖映松栝而氣美清嵐霏而色滋日射則
 陰霞委金雨過而生烟拂霓岸明涓而翠寫風增
 瀾而紺頽江女窺而巒霧紫幽綃織而巖戶稀白
 鳥光搖於杳嶂舟人影映於沈暉暉暉暉其可悅
 動冲溶而倍姿隔闕城兮洞視浣塵吝於襟期內
 盼則東西湖水潏沔以殷雷鎖院開而辨蜺束二
 之風雨自出長橋度以般雷鎖院開而辨蜺束二
 泖於淞茸泖大明於渤碣水花淨而香遠風色迴
 而態溢率良士以思瞿必都人而秀發時泛容於
 三洲唱凌波而未闕遶百花兮霞滙約九津兮雲
 泄綠淥漉以周迴記斗門之約節宜遠樓以西逝
 迺負關而東洩散盱章而脈清會宮亭而勢折卷
 八郡之風濤立二孤於喉咽信東南之都會倫西

北之門闕豈太真之議福將昇元之氣歌自中迤
 西官方所治鬼峩絡繹文樞武毗建中臺之龍節
 設行馬以馳麾既鼎立而置參亦嶽峙而分司受
 宮成之統總裁氣脈之機宜大府承而望縣翼壇
 祠蒼而庠序嶽物色音華之所蒞止明謨風愛之
 所棲遲訓恪則宵嚴于柝署務閒而畫偃於鈴扉
 通溝轉減經衢緯陌參差流離朱邸有赫啟化維
 寧載南而國委騰嬰於歌吹帶劉宗干盤石林章
 山兮采銅欵扶疎兮屬籍席芬英乎獻靖跨文明
 于淮益屬宗師而綺正收茂才而路闢被儒素以
 矜華朗慧慈而秀奕時節物以斯遊儋國風而咏
 適罷聞樂之層欵食衣稅之舊德扶輿中央精華
 喬皇山液奔流川暉而翔貴相上將公卿丞郎或
 橋梓而槐棘或墳篋而圭璋駢緋夾棨嗣鼎承筐
 偶必大而無降交累懿而益詳典則獨藏於望國
 風徽時映於公行必百世而猶祀在式微而亦張
 故老敦詩成童誦章道術門素經營國常七族奄
 而魯阜八姓彩而吳襄冠事業於本朝襲俎豆於
 其鄉月旦重於汝穎科目兼乎顏商里聚星與通
 德藹喬木而相望餘則所至而烟火萬家所向而

雲樹千窓或相止以如歸代謚作而無咤至乃郭
 塵表裏百物流羽輳估客之風期浹章門於廣潤
 襍奇琛乎萬里舶魚鱗於重鎮槩展成而授序紛
 駢擊而沸震貨如臺兮累榻寶若星兮流暈燭烘
 珥以彌出孰規鈞而見吝步旗亭以稽詣夥闌干
 而售後啟物力之高華識山淵之美蘊固頑艷之
 共性取資生而適韻然猶貴不粥於周度賤難得
 於老訓稟方伯之理靜忘闕賦之徵峻市無擾以
 無虞賈亦廉而亦信民日中而自退士三倍而無
 近却服御於天邪劭康功於田峻惟江之孺厥田
 十千雖水耕而火耨職善坊而固泉懸種稑於歲
 杪視黍稷於昏前怙寬鄉而償瘠趾樂郊而趨先
 適斯樓之倚徙厥高眺于天田原隰素而平衍厖
 臯繡而邈綿澹如雲之漠漠計井牧以無愆望杏
 花兮輕弱訊冷風兮陌阡意民天而遠想豈烟景
 之雷連若乃潮珣宕迭五百餘里黃荆白沙松蒲
 柏子柘葉長玲桃花淺水蓮芡多於蒲稗鳧鶩蕃
 於鰓鯉揭漁步之攸界翳澤梁之所坻風鮮景明
 烟消水平鶩鳴榔其如織鼓鈞絲而互經拂鷗翮
 於旅鴈雜漁唱於高鶯晝炊烟乎樵舍夕弭柁於

吳城喜多漁而獻公佐京耐於軒楹逗滄洲兮歲
 晚莞江潭而獨醒對時物於嘉魚咏聖風於有杞
 則有逢掖淡衣園橋方履顛顛祈祈雍雍濟濟或
 翱於庠或吟於里容服既則周行有禮尊悅皇風
 瞻趨素齒披文采友來會於此摘秀升之章句析
 孝文之經史鏤道祖於圖緯細次宗於玄旨若顯
 若親或哦或倚企飛檄而逸藻循伏檻以流思汰
 塵滓而空清引芳妍而蘊微類矯指而角鮮寔交
 頭而取師江山有興文之助風雲為接武之資龍
 門自天揭彼雲陲鹿鳴於莘宴我薇司駭樓中之
 撰結成世表之威儀江湖瀕而猥大豫章拱而見
 奇皆我公之攬擷獻王書而載馳厥有學道之侶
 高隱之倫慕澹臺之友教纍三百以為羣處孺子
 之式間倚一木而自珍來遊來歌載言載欣仰吳
 會兮傾言子俯滄浪兮吊蘇君豈風流之遂遠緬
 容與於青雲世何流而不波路有方而必塵章之
 門兮塵芾草之流兮波逝毓元命於江湖擘開神
 而演秘蛟宮啟靈窳乎真君沙城表識多乎聖人
 樽雲仞於西峯結飛客於南津撫城隍以逾故展
 空明而互新吹笙之壇掩藹文蕭之宅烟氲測控

鶴之玄景挹寫韻之清神緲僊尉今難即揆丹華
 而散髮際伶崖今有覲響天樂以鳴真庶仙人於
 樓居故延庚而挹辛西山之陽不死之鄉西山之
 陰無生之林渡江之旨奇特遠溪之笑清越西江
 之水無盡南嶽之風有鬱下雲居而振幡過上藍
 而拄拂聖諦冥今體常露凡情盡今境超忽坐盤
 中兮何事講虛空今何物相與詫黃龍於山中笑
 丹霞於木末呼裴相乎甘露點帝丹於靈徹樓觀
 等而平視喧寂民而何設領元釋於簪俎玩今風
 而古轍誕江陽之傲詭常寄言而設端曩神明之
 鱗萃今巖岫之空寒諒獨徃之已事洵絕地之匪
 難乍遊陟以成趣岌人寰而詎安祗吾流兮閱世
 蹇川途而獨詣南上瀨以忘疲比通津而又暨樓
 艦分風而轉颿鏡鼓接韻而浮吹路八達以如絲
 坐交衢而委轡疇四方之都雅極宦遊之體勢公
 應接以餘閑客周諮而有寄或雅歌兮投壺試清
 唱兮舉袂足登高而送遠具成歡而既醉乃至放
 臣淚國遷客思鄉赴建康而不果適交莞而未行
 亦有賢士失志遊子迷方覩遷謝而多悲感雷滯
 而自傷一登樓而慷慨冀宣寫於毫芒客也無勤

聽我勞音會計之司成賦是欽日至如鐘石斯起
 歲獻而漕艘載歆絕控引以無期灌天淵而在今
 則有允士煩于星渚艘檣廣於山林流粟羨於沙
 礫籌策高於崖峯艦柁取於魚鳥邪許殷乎笳音
 旗幟撓於荆吳謹囂徹乎暎陰見軍國之有衍慨
 塗泥之所任戒驕譁於水次妥積廩於潢淥時我
 公之約飭往聽矚以迴臨喟民膏於茲土悚國賦
 之惟金延少內以涓煩屬都官而獻樹終古有稻
 梁之色形民無醉飽之心鼓捺發而念遠掉歌濟
 而思淡思淡兮太息對景兮西夕秋志激而彌亮
 風候紹而無射柅流華而未光動寒姿於曠色紛
 下馳兮烟闕浮傾霞晦兮禽啁啾感授衣兮謝歆
 煥燭華燭兮重登遊進匏瓜而更酌承湖海之下
 流悵涼天兮北河遺佳入兮南州月微波而灑席
 風析木以宜秋發浮樽於漸臺進河鼓於宵籌絕
 天潢之閣道奉紫微而披廓宛衡殷其在南正杓
 攜於龍角轄左右之煌煌輔帝車而軌若偶少府
 於關梁躡天堦而周作步飛光兮意折想壯武於
 豐城何千年之寶氣得斯人而夜明河魁載西形
 如戴庄津梁在中號曰文昌主臨川而集計愧余

生於是鄉草木落而自出風雲興而詎央廓凜秋
 其在於此若端居而遠行喜布政之優游遂樂職以
 翔佯究由來之陂復豈逢今而大康蓋我江南以
 西也挾淺原於漢納抗虔樞乎甌粵錯餘方而有
 隧剪叢微而或孽巒隰體寬而重縕江湖氣急而
 輕發首柏舉之典替建斷黃兮合裂王政痺而澤
 弛物力恢而氣竭阻喪亂以何言諉尋常其固狀
 筭鴻醲之美業各未逾乎百年山川黧色窮于有
 元誕我高皇戴斗履衡虎變龍興日在金水風清
 漢荆歲在星紀天飛吳京初震出於南昌訖乾戰
 于康郎賜觀燈于南浦詔騰鹿于西崗宴羣臣而
 天歌夜清禮元聖而春旌曉翔父老欣欣士女洋
 洋何江漢之首被而韶英之遽鏘至於今二百餘
 年洪都拱真人之蹕廬山為天子之障法物具而
 加精官列盛而彌莊偉我諸公有濟其郁衛公撫
 茲益斐其菴漢流聲于次公唐宣風乎九齡陶姑
 孰之大志顧大康之廉貞耿河南之槩亮王新建
 之虛靈九臯來而憲重三原至而賦輕讞决爽鳩
 于林鶚文學倚蘭于蔡清並師濟而休嘉各勤施
 而茂社群榻奮平輿之節邑絃奏道州之理迴秀

色于干旄鬯惠氛於蘭體雲無覆而不卿露有灑
 而必旨南斗之熒不人西郊之霖自灑出明月於
 海昏莫枯章於郡邸武寧希夏雪之零新吳斷佗
 穀之秕麥窺間而岐秀稻旅生而再葦洲野牧而
 不收戶肥矜而有醜女尊行以網直叟遊詠而都
 偉擊秀盛以恭承起歡娛而伏膺會大往其何極
 鞏方來而載寧善諸公今有作慶微生兮樂成蔭
 層覆之眈眈對清珮之盈盈景斜延於夕佳趣遙
 攝於秋屏目煩燎而下盡興澄敲而上征商颺卷
 而戶洞暗河低而坐傾悟挈壺之戒曉憬通鑿而
 遲明樂燕胥其匪報激高歌乎列星歌曰山巉巖
 兮江逶迤結飛樓兮含翠微兩暘貞兮流音徽鼓
 淵淵兮漏遲遲宜明政兮發嘉德宜登臨兮受光
 色來清觴兮眷今昔江南西兮秀無極

帥機千金堤賦
 惟郡邑之神用昭化妙之初質在天
 而為雨露於人則為血脈雨露竭而物不滋血脈
 枯而生不殖彼鄭導溼而秦疆若翟罷陂而民瘠
 道謀固難于成功利巨豈作夫無益繫吾郡之地
 形實臨汝之交滙合二水而繚城故風氣之完聚

嘉顏李之築堤覽遺跡而追慕胡陵谷之變遷汝
 水決而東注遂渙散而外反豈回環而內顧歷數
 百載而寂寥亦氣數之屯阨一覆轍之為懲談隄
 事而悚慄譬懲羨而吹壑將因噎以廢食成與虧
 其有時兮天與人其相因我大夫之領郡兮實李
 冰之鄉人甫下車而恍慨眾咻之紛紜曰眾循
 習而偷安余豈不懷夫宴息憫外疆而中乾可坐
 視而莫恤况前賢排建闢允築陂乃謀監司監司
 是從乃聯貳守協恭和衷乃率屬幕聚財鳩工經
 之營之不亟不惰率取給於贖緩豈勸借於閭左
 乃濬河沙以疏西嚮之路乃破湖嘴以遏東潰之
 怒或衰之或益之行無事而為智將抑之陽與之
 不與水而爭利乃捷石築掃以為經久之計乃作
 梯滾水以殺奔湍之勢爰募鮫人沒水下石鈕貫
 連環以膠投漆牧牧實實雖萬撼而不搖似固南
 山之無郗精意感神巨靈鼉屬庶民子來奮勇和
 會故得期年之間遂變滄桑蓬塊之區忽為水鄉
 經營乎擬峴浸漫乎黃塘故道乃復邪流以陘不
 數里而同臨水今若寶劍合於延津于馬觀其四
 郊浮游近縣則南望建武北眺豫章輻輳四達通

惠工商蓄洩有脩長我稔稂隄之分野正宜文昌
 必有異人以繼晏王于是乎沙明澈浦渚戲鴛鴦
 文鱗出躍鷗鷺集翔駕鵞屬玉箴疵鳩鶴莫不咀
 嚼菱藕出沒波光倒景則搖乎雉堞捲幔則矚乎
 帆檣水縈紆而如帶池周呀而為湯但見山川悉
 在於鏡裏銀河似接乎天潢鳧舟搖颺欵乃謹揚
 轉輸而一舍無重繭將逆而百里不舂糧潤下克
 炎鬱攸不起家無待于藏珠作不煩于儲水兌運
 以時魚集鱗次陸珍海錯羅列市肆錫阿霜穀無
 足而至鞠鞠殷殷遂為大邦雖介處於江外與中
 州而頡頏若夫春日遲遲蒲稗因依白蘋轉綠修
 蘭被涯青霞感浪而明媚光風拂水以漣漪至若
 薰風自南沸濤衍溢苑柳成帷靚河如拭憚溽暑
 而濯纓晞華髮以枕石又如紅葉墮川寒烟收橘
 菊岸委金澄潭浸月悵望伊人心魂飛越及夫空
 江雪飛屯雲沉黑疎林逗舟而舉火漁人曬網以
 吹笛野寺霜鐘此景何極合四時之佳麗因茲堤
 而有獲爾乃沙頭別友江干送客彩鷁雲仍冠蓋
 絡繹仙侶同舟欣焉共適又如月夕花晨徘徊宴
 賞涉江而採芙蓉遵洲而檻宿莽或連光景于修

襖或遣逸興于南樓桂掉蘭楫以遨以遊于焉酒
 繫長絲殺羞方管震澹清歌郵削妙舞浮葭吹從
 金鼓似採蓮吳越之濱若張樂洞庭之浦白雲截
 響流水徽琴遊魚竦聽時鳥和吟合歡而罷不繼
 以遙皆所以澄神盪垢愉志汰襟爰有博物君子
 命世英豪散意方外單精雅騷厭劇市之塵囂欣
 水宿而遊遨臨清流以活潑對沙鳥而揮毫六念
 既靜五蘊斯洗搖筆生風摛詞炫綺吐江左之錦
 心窺揚馬之淵懿皆江山之振翼成不朽之盛事
 也豈不休哉然大夫猶遜大功而不可謂人神之
 協謀乃鎔鐵犀以鎮上游迺新廟宇以報神體冀
 吾州之豐樂期帶礪於千秋於是邦之士民相與
 歡釀忭舞曰大夫有大造於吾土思所以尸而祝
 之者豈殊於畏壘嗟夫凡民可與樂成難與慮始
 卽鄙生白首雕蟲闇於事體亦切私憂而過蕙昔
 人謂經綸天地之謂才良有以也千載一逢敢揚
 厥美遂作頌曰惟此金堰久遠巡今誰其成之斷
 且仁兮彼美洗洗照城闈兮公為雲雨澤我民兮
 公為慈航渡波旬兮召伯之埭永昭垂兮仲通之
 書帝將馳兮奠封疆浴日月冠洪郡塔吳越邪

江西通志 賦 卷之五十五 十一

竇塞兮地胤回瑞應昭兮產賢才儼千丘兆麟項

秋而作固頌古徐大夫之德兮悠哉

山寺賦 視他方特異初項大守捨宅為寺嗣有紫

雲師重興與疎山白雲稱兩高僧碑碣無傳為補

賦之若夫仙嶺為冠陀山繼笏孕金氣於西垂起

台星于北未極一脉之紆綿縱群支而嶠峯馬鞍

凹雲間之兩鏡木阜懸天半于一扎削石壁之危

巉擊金潭之急磕紫一水之如環列諸嶂之若闐

泉淙淙而夜鳴雲英英其朝發九曲波明三峯雲

豁碧欲浮而欲沉青若描而若抹固紫霞之所藹

對亦丹青之所溢鬱青石冷風其欲乳赤芝傾陽

而自馥中既極乎莊嚴迺足容乎那刹遂使支遁

開壇遠公貯鉢頓錫杖于湫潭放毫光于石塔玉

笈承於諸旃金容滿乎群薩前殿後閣左廊右闥

瓔珞玲瓏翠恩洞越固已巧竭乎般匪恍若宏登

于閭闔謂紆巷之境窮忽高楹之秀闕礙傍曲之

無奇乃蔓衍而益絕掬溜泉之如飴卻封苔其懼

滑風啟山櫺雲橫石榻嗒嗒而午唱金鷄裊裊而

篆飛寶鴨法鼓填填起于林間慧燈炯炯溢于屋

缺更登薨其若梯再升階而有闕神磨濯其自眠

仙聽馴而可掇訝朝菌之如雲羨夜芝之若月爰

有秉教沙彌傳經老衲跌坐談禪胡跪白佛吾耦

喪而都無外客造而不訖其或雲房已寂僧衆無

諱既超正果還滅空華塊處一如土之委地尸居

又似人之坐化無色無相在頂鵲之自巢不見不

聞聽山鬼之我詐悟身世之俱空知我人之皆假

真如透入于風旛元宗秘傳于午夜頓覺菩提之

非樹始知明鏡之無瑕又或經旛四部乘演三車

分法宮于龍女啟金篋于恒沙燒旃檀而翻貝葉

揮如意而落天花楞嚴圓覺金剛法華新有如手

之未觸誦不聞口之有罷喜頊石之與佞訝天龍

之亦下他如夔下苦修田中力作星已繁而未眠

天尚瞑而催獲火蒸蒸而汗滌肉酥酥而貌惡或

渴或餓或跛或羸問半偈而如訛發粗言而更妥

固真性之自存覺闕僧之反墮固肫肫乎其足多

也至乎四海行僧遠方遊足蒲上三食桑下一宿

謁普陀于南巖訪峩眉於西蜀閩陟武彝華登王

屋朝發謝羅夕歸天目問佗佗而所入益淡談空

空而叩之有續又津津乎其使人肅也迺若晨鐘

賦

賦

賦

賦

賦

賦

賦

賦

賦

賦

賦

賦

賦

賦

賦

賦

初動高春乍啟履巉巖而不憚捫藤蘿而上躋挹
 烟光于衣袂曩旭影于襟裾傍雲根以涉趾攀月
 窟而進驅遂辨吳門之匹練乃望函關之紫氣摘
 白榆而叫閭倚崆峒而劃七每搔首而問天輒墮
 巾而傾醺與天對博乘口之車時隱時現江一
 孟若滅若沒羊城一區詫上頭之無人忽此間之
 莫侶綿蠻格磔媚不絕耳歲蕊峭蒼遠俱窮睇藥
 供野賓之群呼果得伊威之餘芋雙壁更臨九關
 如履回觀僧室之所在杳不知其所之少焉月出
 晚霞一縷濤聲起于樹間鳧影落於洲渚一江水
 月自浮萬瓣蓮花更斌遙聞暮聲之涇涇欲眠歸
 雲之霽霽亂日困于酒食迺思淡味困于赤紵迺
 樂山居守淨土之曠蕩而逃世者托之嗤彼俗子
 緋衣禮佛已遊方外復留鬚髮無始之趣未融有
 終之相豈閱如獼猴之在檻耽耽乎不怠乎
 栗與核直阿難之摩登何足以共躋乎此垵
 戚姑

山賦
 山黃居井山乃麻姑則時自有麻姑山寶殿
 瓊樓名人詩賦滿焉有司歲時又從而祀之崇隆
 甚矣乃戚姑以不涸之汪濊再沃寰區祀典缺焉

索一殘碑斷碣了不可得吁盛衰之理否泰之勢
 卽有之耶亦待其人而後行之耶余旣爲之作記
 登高之餘復爲賦之後有作者余且爲糝糠之揚
 焉爰汝上之盡處有戚姑之山焉葱青鬱綠竒舊
 芊綿蕪原火位乃蒞金垣辭羣支之勃萃方崛起
 而如卷藜葳蕤之蒼莽下液瀟之潺湲初若麓埤
 之平易倏乃奮聳之莫先怪茲類狀之魁父乃亦
 爾極其攀援矧陰暄無定氣色常遷或塵中黑雨
 而此際青天或人間澄日而此際霏烟朝朝暮暮
 而此際年年乍震乍靄乍雲乍靄膚寸而合不崇朝
 而遍雨天下焉始焉發睇東山之偏如孟如沼乃
 望金川金川有山白馬如練如馳如驟如迴如迺
 于焉改額乃移就北靈谷是承如屏如戟如迴如迺
 之墮珥如仙人之駐鳥惟江一帶之相環乃婉
 婉出其肘腋于是回眸定視轉從西僻堯嶺如杲
 思以綴我隙神嶺如圭壁益增我憤有冠有笏有
 几有席仰如端居俯如代役綿綿延延紛紛籍籍
 見之不窮數之不獲爰是歸焉乃山之腹面乃南
 方群崖如簇望之乍青窺之正綠瀾瀾漫漫蔥蔥
 郁郁雲裡几端棋盤如穀天涯一點軍峯如鏃繫

因四望之紆綿乃見群峒之拱伏惟此一山之崔
 崔特狀中處而不仆少乃進焉排其扇戶內有壇
 壝側開廊廡朱甍紅闌金盃玉簾拂檀氣之氤氳
 聞鼓聲之誦詡謂庭闕之已窮忽佳明之更睹足
 益進焉乃謁仙姑姑雖去矣魂猶睠此是惟七月
 之七日余方假寐恍然遇之宛然處子韶潤多姿
 雙髻如刻餘髮更施精彩奕奕厥妙在眉眉如刻
 畫方正均齊上之不昂下之不低如山如月如娟
 百媚雙眸炯也星以麗之朱顏醜也日以暄之體
 之綽約也雲以行之音之流利也琴以調之宜凝
 空視空嗔空喜空默空詞宜行宜止頃羅袪之從
 風見纖指之森而乃素肱之軟膩即不見固可自
 思本語言之未啟何芬氣之先遺少焉神定迺迴
 視之更覺風神朗散韻字猶彝法狀光彩之照映
 人與玉而相宜既而相見厥衣襜如肅狀秉禮余
 曾不可乎仰視余既有言曰滄桑代變宇宙推移
 海上歸來于今何如姑有言曰滄桑代變宇宙推移
 潤我田佈護之今且湮矣荒瓦類墳人間流落胡
 不治之姑有池矣在山之埤泠狀清冽可以樂饑
 惟茲樵子暨乎牧兒踐喋其上曾不可答嗚呼噫

嘻青蛙籍籍蔓草纍纍今且荒矣胡不修之惟姑
 對曰唯唯仙無居宅瓦壝何為仙無饑渴井池何
 為滄桑有代變宇宙有推移仙人御風乘氣固自
 如余方笈青雲之偉冠倚長劍之陸離擊招搖以
 為祛履彗星以為綦晞玄髮于崑崙濯素足于咸
 池奏賓云左仙之曲與德音四珠共之彈吹篥而
 戛國腹亦雙成芸香之在茲既悲慄聽而婁斷條
 居巢銚鉞之可喜子休矣儒道有為仙道無為始
 不可思議久之余夢覺矣仙歟
 人歟了不可知而以之自思

皇清李來泰文昌橋賦并序

頗元秘率六十年而一成毀若有數焉幸丑六月
 橋大壞公私空竭莫適為主郡大夫黃中劉公至
 首事興復期月而成民不知役諸臺將上其績于
 朝嘉津梁之盛事集輿頌之煩詞敬為賦之
 海之上游應雲漢之中紀會龍首而升元準鶉尾
 而列紫氣震霽乎楚津膏瀾潤乎吳汜粵表冠纓
 閩標屏几因山川之離合肇至人之經緯烟霞網
 之星澄歷盱池而雲委川原霍靡以遐矚烟霞網

緼其表裏引赤芾之繩繩接飛猿之豸豸峽束梁
 而折肱石依門而舉趾梁壘兮工塘隋經今夢水
 九井之天雞盡鳴千金之石犀自止蓋郡城之建
 千有餘年而汝水之源八百其里辨九坎兮九星
 貫天階兮天市法羅堰之北津象牽牛之南指錫
 嘉名曰文昌會禎符於臨汝是知道有亨而濟屯
 物無成而不毀厥毀伊何百川初波灑澗澗洞浩
 汧瀆沱方水風之互擊亦金火之相磨土覲解而
 墳裂石齒碎以皚峩高岸為谷無平不頗壅焉聲
 兀舞於盤渦嗟巢居之無恙等穴處之有沱筭已
 窮於舟楫績莫繼於牂牁彳亍兮公莫之舞伊鬱
 乎榜柁之歌詎神人之煉石孰精衛之填河國僑
 之輿誠陋王周之粟則那厥有神君猗歟大雅原
 本山川經營原野熊軾轉而甘雨隨朱旛臨而惠
 風灑爾乃識表雙鯨路隨三雅匪每人而悅之若
 由已以溺者聚西鄙之匠石材南山之松檟水方
 涸乎天根綆豫施乎炙輶爰就澗以攻堅乃平塊
 輒於跨始自元冬訖于朱夏我歌且謠或聞而詫
 當其律轉元陰形凝白堊澗風嗜膚寒霜沒踝公

徒倦乎斧柯没人窮乎裼裸乃至梅東初漸桃漲
 方寫積潦橫流奔泉直瀉見衝霖之駭岸驟驚風
 之震瓦徒扼腕于波濤諒難加乎枿槎惟大夫之
 格天和陰陽而集霰霰集沙而不揚水居壑而就
 下水霜屯乎帝車風雨調乎國社去春潦與夏霖
 符會昌於璧馬稽唐宋之舊編積積銜銖于商賈猶
 且倚董勸于鉅公資因緣于蘭若迄眉源之再築
 償千金于婺寡蓋一聚此于累歲之餘鳩徒于窮
 鄉之社何公私之爾忘歸一人之陶冶陶冶今既
 就公私今匪疾乍虹舒以電移若山奔而石驟土
 欲絕以還連波方剖而忽奏力將岸爭勢與空闢
 珠圓折而月移璧方滙而風皺花氣朝披苔痕夕
 秀高映天梁低分石竇前砥柱以障流後開函而
 决雷爭捷疾於半葦駭天工而雲構登平城以北
 望維豫章之初分獅石之風煙晝會虎洲之音樂
 夜聞翠芊芊於筆架氣郁郁於凌雲山開徐室理
 憶陳君睇金雞之餘繡滙浮石之波紋蓋將望長
 安而指吳會泝江鄂而極襄鄖惟斯橋之布武東
 車馬而載奔望衡對宇于東之麓雲林之峯三十
 有六冶飛上幕之金彩映番君之族盡甌越以懸

車歷龍虎而折軸曰履道之孔彝寧交岐之是卜
 近則荆國柘岡謝史靈谷石門之限自開南北之
 井獨漉心退層巒目眩奔瀑徵仙石之塵飛辨馬
 耳之氣伏無兩川之曲紆等一壺之可縮瞻銅陵
 之鬱葱閱城闈而西逝採峩峩之玉茗占華子之
 仙桂金石分而雲流日月沸而泉響龜踪田而長
 存鹿啣花其既逝猶且眺玉筍之珠光奔南斗之
 劍氣悉重趺而策蹇忘障泥而載箠遡寶華於巴
 源曰紫元之所麗月明子晉之笙風舉浮丘之袂
 公遠祖以由拳叔元髮而雙髻率千里而薦歆無
 與嗟於揭厲南雲油油覆於舊州羅漢隱形之石
 賢良焚書之丘攬浮甌於鵠井窮破介於龍湫刀
 鋸形而謁魏珊瑚碎以懲鄒紅蓮今碧慈竹昔修
 長空雲散溪水逆流彼神靈之炳迹亦曳履而遊
 遊乃若庭開翠幙衙擁黃紬軍峯卓以拄笏芙蓉
 列而綴旒通麻姑兮笙鶴挹武彝兮鐘球墨有食
 而既濟丹合節而置郵置郵東郊歲事方殷璞甫
 田之土壤形大牢之噉哮歡有先於蜡息禮惟重
 於陶匏喧舞歌其闐積縱士女之謹嗽經闌干之
 迢迢方掩靄於靈旃維公侯之布始輯盛軌而下

教况麻源之南戒建督府而分茅出襦牙而引笛
 入奏凱而歌鏡甲晃兮日御旗拂兮雲梢驥飲泉
 而不度車臨流而若膠縱橫鞭而飛渡或假道而
 旁鈔困大川之飛輓盡遂人之芻茭棧無絕而不
 續律有臧而靡滄度貌貅於枕席莫風雨於車轍
 名矣康莊也先民有作我聞在昔漸飲道腴涵濡
 聖液趨象嶺以橫經步鰲溪而挾策率巨步而規
 行無直尋而枉尺感月且於王郎追風流於謝客
 步朗月以吹簫臨清漳而岸幘亦有溝猶驚儒下
 里縫掖步壁水而心疑道蓬山而與劇徘徊駒隙
 之陰屢顧兔園之冊引步踐笑言啞啞駭視聽
 之鴻詭侈天人之擘畫若乃縱意重元馳情堅白
 道清城而聞津寄革履而指宅話東海之一碧問石
 龍沙之箭機證曇嚴之餘譯白雲之藤女猶鮮曹溪
 之香泉初滴道有合於津梁悟已融於履鳥乍西
 城其振衣倏東湖其舉錫東湖之隙民生孔贖啟
 關以家視道如尺飽勉齋之社倉習荆公之雇役
 朝披星而趨蹠暮瞻河而褰襖既朝夕之自公亦
 原田之既闢引馘術之糞除膏衍隰之鹵斥土貢

三脊之茅野有再登之麥厥有洋洲沙石疏碼沃
 我桑麻宜於蒼蒿候闕折而入市飽露鮮與雲澤
 啟曠土之餘阜習里社之擊刺無合圍而掩群亦
 叠雙而貫隻甫灑血於郊原旋炙膏於俎市並麋
 至以如歸望雉上之不隔惟彼河壩魚鹽委積服
 賈牽車筮擔引船土無滯於珍奇俗有需於布帛
 况吳越之經途亦滇黔之寄跡較劑質於牙駟逐
 奇零於市格或包飯而趨虛或垂橐而舉陌須俊
 交馳良楛匪擇既熙往而攘來亦言龐而事易懷
 桂樹兮山幽奉芙蓉兮水滌詞靡靡於竹枝歌纂
 纂于桃葉動凌波之靚粧響空廊之步履既舍危
 而就安曷褰裳而病涉則有慷慨孤臣羈棲倦客
 王粲登樓之思楊朱岐路之泣潮生夕而月初明
 潦淨秋而灘正急俯危瀾以悠悠顧清流之泚泚
 聊極目於煙波暫寫懷於都邑嗟乎酸苦者角徵
 之氣剝輕者江湖之習氣潤下而善崩習囂煩以
 難給念往事之未周幸今茲之既翕時則金風乍
 動玉露初濺天高雲靜水落氣鮮星房綴兮碧戶
 月闕敞兮丹泉大夫于是俯睥睨而下眺駕虹霓
 之蜿蜒上鏡下水漪塵洗煙正萬寶之告阜集會

計而靡愆鍾石舉而山積漕艘集而雲連餉京邊
 之儲粟貢內府之金錢競先輸而沆險率舉步而
 稱便既在公今燕喜賦思樂兮笑言朱井之烟猶
 赤墨池之氣常元搏羊角而直上鳴白鹿之潺湲
 助流雅頌之化詠歌中和之篇時攸介而攸止亦
 無黨而無偏豈止初月出雲爭看鶴唳長虹飲澗
 競駭龍眠而已哉歲事有恪民功曰庸天時會于
 地利物曲聚於人功惟上相之司命永協極乎斗
 中助邪許其曷力歌畏壘而焉窮歌曰烟河魁
 今戴筐協開陽兮文昌貫雲漢兮天章峙石鯨兮
 相望遵王路兮平康順長道兮周行公無倦兮津
 梁頌明德兮無疆

徐世溥東湖漁者賦

有序 家世江上別業榆溪 在邑之廬又臨東湖日侶漁

者習而為賦綴敘所見至于筌簞簞焉

籥之制筒矢舟車之事槩不錄焉

古有漁者厥號庖羲世傳其術潛者出之大江湯

湯長網橫絕忽然碧山篁篲鳴咽杳窅曲溪有立

垂綸彼何為者獨窳窳言我觀東海潛有多漁人

隨鷗泛宅與桴俱朱樓華館環其旁長梁飛虹飲

其中滙五溪而璋合連別澤而珠從若夫堅冰始
 泮條風正歸榆將學眼柳未成眉蟻浮栢臘懶祭
 蘋暉驅葉艇以孤進逐葭鷓而翻飛爾其龍分蓮
 候彈翳槐陰紋吹曉綠洙漲昏雲遮黛鬢日射
 朱鱗乍携胥以求羨渺黜而漸沉及夫柯消露
 渚潦退霜汀薄寒離落殘暑橋亭馳如脫箭泳似
 開琴爰溯洄于中沚或疊進而斜征于斯時也則
 有鳥啼岸曙鶴唳川明振疊成雨搖習飛星偃隨
 竿僂仰與眾與又或夕陽依堞殘霞半樓羣筇背
 日衆舫截流水歌無曲寒嘯動秋爾迺雨舸踰踏
 烟蓑晚披林燈欲舉浦氣纏霏霧中聞語知是雙
 麗若乃四埜無人千廬月白躍亂金光遊迷咫尺
 淵亭亭以漾影波渺渺而同色筏無乾迴管不虛
 擲至于凍雲結蕊野白枯天風侵面苦鳥靜人潛
 猶復頂青拒雪負黑當綿念室處之妻澹恐斟酌
 之或愆其渙翁也倚脊齟齬素髻蕭條晨無盥籬
 醉發謳謠夜指犂角秋嘆楓蓼其漁父也俠渡子
 胥暇詰三閭于今遺族戶向東湖落日亂棹依葦
 傾壺擊鮮趨市羸金媚孥其漁子也稚語川中閒
 嬉碧泥俯仰微艱縱送獨美毋呼以餐兄來相倚

得魚固懼鰕亦可喜諒庖
 擻之古民其忘機亦如此
 徐世溥山居賦

出自西門言涉

江許背遠城郭依于山阻負巖為楹因麓開宇山
 中有人來叩余戶公子胡為山居良苦春畏出蛟
 冬畏伏虎虎谷蹲以生風蛟天飛而挾雨是以居
 人春戒于雷陰行者有直號以求伍爾乃凄飈恒秋
 寒日不午峻隱霄而難旭幽含嵐而易暮見磴雲
 以生悲復狂風之常怒迴阿激峭崩松飛相悄悄愴
 寂歷恍惚驚無魘含睇以媚人援擲果而相侮斑
 蛟蠱毒元蟻蠅巨宵眠輾轉閑居錯迕且今守令
 失政氓不安堵稻稼鮮汙盜賊時舉嗟短垣之易
 超諒非薄墉之可禦公子何不歛跡深閨安神遠
 宇春盼陽景冬避嚴苦秋衣納清夏簟却暑或意
 至而遊嬉維傷時而慕古對酒當歌停觴看舞友
 朋相存從容燕語承色笑之康怡倚縞紉而延佇
 孰與夫離遠親賓狸糴為侶哉答曰嘻山中人未
 之知也獸枯槁者夸朝市為榮華好寂寞者嘉山
 林之翛逸居陋逐紛苦喧慕寂性各有安趣各有
 適子之所言匪余之所則也今夫倚崖為壁鑿岫
 為宮陵薄相帶丘麓相縈前則紆阡廣陌背則巔

復岡重啟南戶而眺遠碧俯北窓而瞰懸紅朱霞
 界天峯初醜而繼赤斜暉半視壑含黃而矐隴奇
 石碕礧怒峙相向雪膚鐵色是不一狀或獸而蹲
 或人以望欲墜復倚傾撐橫嶂背登高岡羣峯嵯
 峨川原在目高下交過古道曲直新阪陂陀其雲
 生也荏苒龍從蒙茸婆娑擻擻相逐若期于阿橫
 巘無缺出谷有波奔紫崖而黑掩映綠樹而白多
 爾乃彌天垂雨通畦溢澗飄飄翕忽不知所散其
 風生也輕盈縹緲清和寒涼搖青蕩綠振柯鳴篁
 出自幽谷來集衣裳爾迺季秋元冬凜冽勃蓬廻
 薄衝激浩呼洶湧若長江之澎湃林壑爲之震動
 逮其狂闌怒緩樹定草靡千山倏靜不知所止木
 則叢灌茂林蔚然四植柯葉交加枝幹相直橘柚
 千章杉松百尺蒼皮兕形碧鱗虬色其受霜而秋
 黃苦凌寒而冬碧或懸垂于傾岩亦橫生于絕壁
 繡天餘影透日有隙靈卉奇藥雜產其中女羅薛
 荔繚繞其側薈蔚芬芳難以殫記卉木藥芝不可
 備識鳴禽不一覘睠參差飛翔林中往來投擲赤
 白異彩組綬備色長尾宜照文羽如織高冠長距
 好音連翼飛不避人呼而就食鳩獨鳴而知雨鳥

羣栖而知夕鏡兎得霜以桀驕麇麇避雪而遂馴
 騰武者逞氣藏跡者養文往來狃狃相從跋跋見
 援猱之攫木思有巢之遺民嗟元風之既邈孰及
 朴而含淳其爲俗也禮簡人情樸而閒閒戶不盈
 五室不連三素布裹首居者不冠散處谿谷佃于
 壁間旬日浹辰無人往還客至止駭而出觀當
 慈母之操箠稚子則走乎山巔遠村舉火而烟纓
 阜雞栖于堞而牛歸阡獸不網罟鳥無驚喧維斯
 人之易與將逍遙今永年且其連山隱伏平疇相
 翼塍埒縱橫水木明瑟面畦枕硯流觴從杯浮
 澗水上有磐石喬木來風夏可偃息流觴從杯浮
 瓜沉李濯纓濯足惟吾所適晝遊越以眺望直歸
 休乎巖室孰與紛紛歸市之人擾擾趨關之客哉
 然則公子何不擇勝區開名園道枉渚引清漣植
 嘉卉育飛翰招走屬致淵潛構臺榭啟亭軒披畝
 史釋靈篇閨房窈窕遠近芊綿與良朋達士論說
 乎其中暇則盤桓乎其間縱觀乎其前斯亦人間
 之至樂足以自怡其天者也曰未也苑囿之觀沼
 池之樂秦鵠鷓鴣養魴鱣環以長堤灌以清渠種以
 楊棣植以芙蓉對客鼓琴呼童吹竽酌芳醴歌飲

趨携手而遊接袂連裾皆富貴之侈淫匪達者之
 歡娛若乃峭峯萬尋去天四五構室其下離群絕
 侶日暮登高以望大荒見千里之楚楚哀壑際兮
 威遲岡阜莽兮迴互平沙曛兮蒼黃曲陵繆兮紆
 組耽峯岬之綺望感蘭菊之蕪終古蒹葭蒼而思
 秦木葉落而傷楚或悲起乎秋天或思同乎春女
 感興懷于丘陵仍遣情乎島嶼嘉危峯與明壑將
 飄飄兮輕舉苟余情其信樂又何戀乎金閨之與
 玉宇高山兮峨峨曾崖垂兮青莎樹木兮蒼蔚清
 風兮振柯欬啾啾兮徂鳴禽翔飛兮暮過陟崔嵬
 今四望青山纍纍兮若螺幽人兮空谷羌獨處兮浩
 歌目極千里兮曠莽思美人兮傷如之何

江西通志卷之第四十五終

江西通志卷之第四十六

詩 古體

五言 晉釋慧遠廬山東雜詩

崇巖吐青氣幽岫棲神跡
希聲奏羣籟響出山澗滴

有客獨冥游徑然忘所適揮手撫雲門靈關安足
 闢流心叩元局感至理弗隔孰是騰九霄不奮冲
 天翻妙同趣自均一悟超三益

廬山諸道人遊石門

有序 石門在精舍南十餘里一名障山基連大嶺體絕

衆阜闢三泉之會並立而開流傾岩元映其上蒙
 形表于自然故因以爲名此雖廬山之一隅實斯
 地之奇觀皆傳之于舊俗而未覩者衆將由懸瀨
 險峻人獸跡絕徑迴曲阜路阻行難故罕經焉釋
 法師以隆安四年仲夏之月因詠山水遂杖錫而
 遊于是交徒三十餘人咸拂衣晨征悵然增興雖
 林壑幽邃而開途競進乘危履石並以所稅爲安
 乃援木尋葛歷險窮崖猿臂相引僅乃造極于是

擁勝倚岩詳觀其下知七嶺之美蘊奇于此雙闕
 對峙其前重岩映帶其後巒阜周廻以為障崇岩
 四營而開宇其中則有石臺石池官館之象觸類
 之形致可樂也清泉流而合注淥淵鏡淨于天池
 文石發彩煥若披面檉松芳草蔚然光目其為神
 麗亦已備矣斯日也衆情奔悅矚覽無厭遊觀未
 久而天氣屢變霄霧塵集則萬象隱形流光迴照
 則衆山倒影開闔之際狀有靈焉而不可測也乃
 其將登則翔禽拂翮鳴猿厲響歸雲迴駕想羽人
 之來儀哀聲相和若元音之有寄雖髣髴猶聞而
 神以之暢雖樂不期歡而欣以永日當其冲豫自
 得信有味焉而未易言也退而尋之夫崖谷之間
 會物無主應不以情而開興引人致深若此豈不
 以虛明朗朗其照開遠篤其情耶並三復斯談猶味
 然未盡俄而太陽告夕所存已往乃悟幽人之元
 覽達恒物之大情其為神趣豈山水而已哉于是
 徘徊崇嶺流目四矚九江如帶丘阜成垤因此而
 推形有巨細智亦宜然乃喟然嘆宇宙雖遐古今
 一契靈鷲邈矣荒途日隔不有哲人風跡誰存應
 深悟遠慨焉長懷各欣一遇之同歡感良晨之難

再情發于中遂

共詠之云爾

超興非有本理感興自生忽聞石門遊奇唱發幽
 情褰裳思雲駕望崖想曾城馳步乘長岩不覺質
 自輕矯首登靈闕渺若凌太清端坐運虛
 論轉彼元中經神仙同物化未若兩俱冥

陶潛遊斜川

開歲倏五日吾生行歸休念之動中
 懷及辰為茲遊氣和天惟澄班坐依

遠流弱湍馳文魴閒谷矯鳴鷗迥澤散遊目翩然
 睇曾丘雖微九重秀顧瞻無匹儔提壺接賓侶引
 滿更獻酌未知從今去當復如此否中觴縱
 遙情忘彼千載憂且極今朝樂明日非所求

湛方生帆入南湖

彭蠡紀三江廬岳主衆阜白沙
 淨川路青松蔚岩首此水何時

流此山何時有時運互推遷茲器
 獨長久悠悠宇宙中古今迭先後

六朝宋謝莊遊豫章西觀洪崖

幽願平生積野好歲
 月彌拾簪神區外整

謁靈鄉陞林遠炎天隔山深白日虧遊陰騰鶴嶺
 飛清起鳳池隱暖松霞披容與潤烟移將遂丘中

性結駕
終在斯

鮑昭登廬山

懸裝亂水區薄旅次山楹千岩盛阻
積萬壑勢迴紫龍從高背貌紛亂襲

前名洞澗窺地脈聳樹隱天經松磴上迷密雲竇
下縱橫陰水實夏結炎樹信冬榮嘈噴長鷗思叫
嘯夜猿清深崖伏化跡穿岫闕長靈乘此樂
山性重以遠遊情方躋羽人途永與煙霧并

從登香爐峰

辭榮盛荆夢登歌美息繹徒收杞梓
饒曾非羽人宅羅景藹雲局沾光扈

龍策御風親列途乘山窮禹跡含嘯對霧岑延蘿
倚峯壁青冥搖烟樹穿跨負天石霜崖減土膏金
澗測泉脉旋淵抱星漢乳竇通海碧谷館駕鴻人
岩棲阻舟客殊物藏珍怪奇心隱仙籍高世伏音
萃綿古遁精魄蕭瑟生哀聽參差
遠驚覲慙無獻賦才洗汗奉毫帛

謝靈運登石門最高頂

晨策尋絕壁夕息在山棲
疏峯抗高館對嶺臨迴溪

長林羅石穴積石擁階基連岩覺路塞密竹使徑
逃來人忘新逕去子惑故溪活活多流駛噉噉夜

猿啼沈冥豈別理守道自不攜心契九秋幹目翫
三春蕙居常以待終處順故安排惜無同懷客共

登青

石壁精舍還湖中作

昏且變氣候山水含清
暉清暉能娛人游子憺

忘歸出谷日尚早入舟陽已微林壑歛暝色雲霞
收夕霏芰荷迭映蔚蒲稗相因依披拂趨南逕愉
悅偃東扉慮淡物自輕意愜理
無違寄言攝生客試用此道推

谷

華子岡麻源第三
南州實炎德桂樹凌寒山銅陵映碧澗石磴瀉
紅泉旣枉隱淪客亦棲肥遜賢險徑無測度天

路非術阡遂登羣峯首邈若升雲烟羽人絕髣髴
丹丘徒空筌圖牒復磨滅碑版誰聞傳莫辨百世
後安知千載前且申獨往意乘月
夜宿石門

弄潺湲恒克俄頃用豈為今古然
夜棲木落知風發異音同至聽殊響俱清越妙物
莫為賞芳醕誰與伐美
登廬山絕頂望諸嶠

人竟不來陽阿徒晞髮
啓平途俄已閉巒隴有合沓往來
無蹤轍晝夜蔽日月冬夏共霜雪

梁陰鏗劍池

清池自湛淡神劍久遷移無復連星
氣空餘似月池夾篠澄深綠含香結
細漪惟有蓮花
鐔猶思匣中雌

又和百花亭懷荆楚

江陵一柱觀潯陽千里潮風
烟望似接川路恨成遥落花
輕來下飛絲斷易飄藤長還依路荷
生不避橋陽臺可憶處惟有暮將朝

元帝登江州百花亭懷荆楚

極目纔千里何由望
楚津落花洒行路垂
揚拂砌塵柳絮飄晴雪荷珠漾
水銀試酌新春酒遥勸陽臺人

朱超道和百花亭望荆楚

亭高登望極春心遠近
同莫恨荆臺隱雲行不
得空柳色浮新翠蘭心帶淺
紅若因鵬舉便重上龍門中

庾肩吾奉使江州舟中七夕

九江逢七夕初弦值
早秋天河來映水纖
女欲扳舟漢使俱為客星槎共
逐流莫言相送浦不及穿針樓

隋范雲泛邳亭湖

迴艦承派水舉帆逐分風蕩漾
疑無際飄飄似度空檣烏排鳥

唐宣宗浮雲宮

道人西蜀來自謂八百歲愛此萃
林幽穴居聊避世真風度萬劫神

仙邈相繼靈岫摩天空鳥道入雲際石罅紫苔封
泉泓墨龍憇碧桃花未開白鹿跡已逝春風撼山
館急雪舞林際滌除衣上塵刮盡眼中翳何當
贈刀圭豈復便俗吏吾不學李寬盜名取嘲戲

張九齡石頭驛樓

山檻凭高望川途渺北流遠林
天翠合前浦日華浮萬井綠津

渚千艘咽渡頭漁商多未事畊稼少良疇自守陳
蕃榻嘗登王粲樓徒然騁目處豈是獲心遊向跡
雖愚谷來名亦盜丘息
登城樓望西山
城樓枕南浦日夕顧

西山宛宛鸞鶴處高高烟霧間仙井今猶在洪崖
久不還金編莫我授羽駕亦難攀檐際千峯遠雲
中一鳥閒縱觀窮水國遊思徧
彭蠡湖
湖湖流多
人寰勿復塵埃事歸來且閉關

行泥映晨趨北渚逗浦已西日所適雖淹曠中流
且閒逸瑰詭良復多感見乃非一廬山直陽許孤
石當陰術一水雲際流數峯湖心出象類何
交糺形言豈深悉且知皆自然高下無相恤

沈頌早登西山

遊子空有懷賞心杳無路前程數
千里乘夜迅輕馭繚繞松篠中蒼
芒猶未曙遙聞孤村犬暗指人家去疲馬懷澗泉
征衣犯霜露喧呼溪鳥驚沙上或騫翥娟娟東岑
日照耀
獨歸處

權德輿劍池驛

龍劍昔未發泥沙相晦藏向非張
茂先孰辨牛斗光神物不自遠賢
聖亦傍徨我從豐
城野慷慨心內傷

包融送東林廉上人還廬山

石谿流已亂苔徑入
漸微日暮東林下山
僧還獨歸常為鑪峯意况與遠公遠道性深
寂寞世情多是非會尋名山去豈復無清機
獨孤及早發望廬山
雨罷山翠鮮冷冷東風好斷
崖雲山處是向峰頂道誰謂

白居易春遊西林寺

下馬西林寺翛然進輕策朝
為公府吏暮作雲山客二月
匡廬北水雪始消釋陽叢抽茗芽陰竇洩泉脉熙
熙風土暖靄靄雲嵐積散作萬壑春凝為一氣碧
身閒易澹泊官散無牽迫緬彼十八人
古今同此造獨有不才者山中弄泉石
重過江州

題別遺愛草堂兼呈李十使君

曾任鑪峯下書堂
對藥臺斬新蘿徑
合依舊竹窓開砌水親曾决池荷手自栽五年方
斲至一宿又須迴縱未長歸得猶勝不到來君家
白鹿洞聞
直泊鄱江
明月滿深浦愁人臥孤舟煩
道亦生苦
寃寢不得夏直長于秋苦乏

衣食資遠為江湖遊光陰坐遲暮鄉國行阻修身
病向鄱陽家貧寄徐州前事與後事豈堪心併憂
憂來起長望但見江水流雲樹藹蒼蒼
煙波澹悠悠故園迷處所一念堪白頭

李頎無名上人東林禪居

草堂每多暇時謁山僧
門所對但群木終期無

一言我心愛流水此地臨清源吞吐山上日蔽虧
松外村孤峯隔身世百衲老寒暄禪戶積朝雪花
龕來暮猿顧余守畊稼十載隱田園蘿篠慰春汲
巖潭恣討論洩雲豈知限至道莫探元且願啓關
鎖於焉
微尚存

李白廬山東林寺直懷

我尋青蓮宇獨往謝城關
霜清東林鐘水白虎谿月

天香生虛空天樂鳴不歇宴坐寂不動
大千入毫髮湛然冥真心曠劫斷出沒
潯陽紫極

宮感秋作

何處聞秋聲
攬之不盈掬靜坐觀衆妙浩然媚幽獨

白雲南山來就我檐下宿
懶從唐生決羞訪季主
十四九年非一往不可復
野情轉蕭散世道有
翻覆陶令歸去
望廬山瀑布水
西登香鑪峯南見
來田家酒應熟
瀑布水挂流三百
丈噴壑數十里歛如飛
電來隱若白虹起初驚河
漢落半灑雲天裏
仰觀勢轉雄壯哉造化功
海風吹不斷江月照還空
空中亂濺射左右洗青壁
飛珠散輕霞流沫沸穹石
而我樂名山對之心益閒

無論漱瓊液且得洗塵顏
仍諧宿所好永願辭人間

劉長卿題王少府堯山隱處簡陸鄱陽

故人滄洲
吏深與世

情薄解印二十年委身在立壑買田楚山下
妻子自耕鑿羣動心有營孤雲本無著
因收溪上綸遂接林中酌對酒春日長
山村杏花村落陸生鄱陽令獨步建安
作蚤晚休此官隨君永栖託

顏真卿醉石

張良思報韓龔勝耻事新徂擊不肯
就捨生悲縉紳嗚呼陶淵明奕葉爲

晉臣自以公相後每懷宗國屯題詩
真子歲自謂羲皇人手持山海經頭戴
漉酒巾興逐孤雲外心隨還鳥泯

孟浩然自潯陽泛舟經明海

大江分九流森森成
水鄉舟子乘利涉往

來至潯陽因之泛五湖流浪經三湘
觀濤壯枚發弔屈痛沈湘魏闕心恒在
金門詔不忘遙憐上林
鴈水泮也回翔

王維遠公龕

松路向精舍花龕歸老僧閒雲移錫杖落日低金繩入夜翠微裏千峯明

燈

杜甫天池寺

天池馬不到嵐壁鳥繞通絕頂青雲杪層波白石中鬱紆騰秀氣蕭瑟浸

寒空直對巫山出兼疑夏禹功魚龍開闢有菱芡古今同聞道奔雲黑初看落日紅飄零神女雨斷續楚王風欲問支機石如臨馱珽宮九秋驚鴈序萬里狎漁翁更是無人處誅茅任薄躬

獨孤及登廬山東峯觀九江合彭蠡湖

百川灌彭蠡秋水方

浩浩九派混東流朝宗合天沼寫心陟雲峯縱目還縹緲宛轉衆浦分差池羣山繞江妃弄明霞彷彿呈窈窕而我臨長風飄然欲騰矯昔懷滄洲興斯志果已紹焉得忘機人相從合魚鳥

元結喻瀼溪鄉舊遊

往年在瀼濱瀼人見我驚我心與瀼人豈有辱與榮瀼人異其心應為我冠纓昔賢惡如此所以辭公卿貧窮老鄉里自休還力耕

况曾經逆亂日厭聞戰爭尤愛一溪水而能存讓名終當來其濱飲啄全此生

顧况僊人城山

何草乏羈姿無山不孤絕我行雖

響洞明滅晚禽曝霜羽寒魚依石髮自有無還心隔波望松雪

宋蘇轍劍池

劍氣直干斗精誠初莫隔全身寄獄

一出腰間雜環佩亦既報之得稟稟出當乘風雷歸手中物躍去延平水三日飛霹靂出當乘風雷歸當臥泉石千年故滕王閣客從筠溪來敬側舟一穴在三歎泉上客滕王閣客從筠溪來敬側舟一

水接霜風出洲渚草木見毫末氣奔西山浮聲動古今樂樓觀却相倚山川互開闔心驚魚鳥會目送鳧鴈滅遙觀客帆久更悟江流闊使君東魯儒

府有徐孺榻高談對賓旅確論精到骨餘思屬湖山登臨寄遺堞驕王應笑滕狂客亦憐勃萬錢罄一飯千金買豐碣豪風相凌蕩俳語終倉猝事往空長江人來逐飛楫和篇亦蕪陋抱黃庭堅寄分恨費彈壓但當倒瓶甕一醉村江月

寧郭明叔知縣

嘗聞清水巖空洞極明好虎狼仙
部曲鐘鼓天擊考雲生臥龍石水

入煉丹竈有意携

張叔夜寄題靖安呂延平釣亭

豫章富人物歷數煩僕指先生釣璜孫盛德邈相
似却顧徐洪輩瓊瑣詎足紀修竹照清漪邂逅聊

復爾吾君邁周文未省獵渭水矧此江之韓駒鳴
涓相距數千里會遇倘有時必為蒼生起

水洞 崇山蓄靈泉萬古去不息瀕為萬斛深散入
千渠溢其東滙民田又北尋山膺斷崖如破

瓜飛瀑中蕩激大聲或雷霆細者亦竿瑟未流
垂半山十里見沸白得非拖天神常恐浮地脉

洪駒父擬峴臺 崇臺面空濶遠眺真高明一水來
朝宗響環抱荒城連山頗偃蹇却

略倚翠屏緬懷青溪上興與峴首并客從豫章來
及此春服成公子有好懷良辰始茲登初筵挹溪

光中觴闕雨聲翠幄列茂樹金沙漲回汀鷗鳥舞
不下漁舟縱復橫尚恨夜氣歛不見白月生信美

非吾土少
留空復情

謝逸正覺寺

避暑訪禪客頃作城南邀秋風颯然
來草木鳴蕭騷復起水東興兩漿搖

輕舫何處可盤礴有寺臨江臯門戶頗幽邃野徑
深蓬蒿升堂脫冠坐洗盞傾濁醪初筵談名理清

言洗塵勞徐徐雜詠諧坦率真吾曹尚餘清淨業
詩成謾揮毫人生一瞬息逝水行滔滔歸與不秉

燭樓頭
霜月高

曾季狸羅漢石

吾聞大幻師種種示方便雖於土
石中神力亦週遍君看此翠琅乃

有羅漢面慙慙作禮相形質皆可辨初觀頂相殊
次觀雙足現僧袍如輕綃風舉勢旋轉得非方廣

尊影若此石片千年磨不盡若堅金百煉我來一
瞻敬贊嘆未會見摩挲睇翫久欲去反番戀叮嚀

善守護尊者具神變會躍馬泉 山靈從何來崩騰
當清夜闌神光照金殿 躍馬泉 山靈從何來崩騰

軍水犀光照夜疑闕於戰聲撼武安瓦森然
毛骨竦舌在不能下對此神驂姿可以一戰霸

林夢英碧澗書堂 臨川遇鄒君示我銅陵辯相邀
遊其間百聞須一踐自從雙耳

聳已辨兩足蘭武彛乃招隱仙都聊策蹇遙睇麻
源村夢思勞輾轉今披碧澗記華岡訂訛舛疑信
吁莫論是非爭之福但欣泉石竒堂成書可輦晁
侯雲夢宵夢處參墳典家有萬竹坡琅琳悶營剪
徘徊康樂舊此興尤不淺人生貴自得假物非至
善山川侈其逢所託名借顯嚴光釣于灘叔子登
乎峴氣象不抵摧吾徒志當勉相思邀未
到烟霞日舒卷惟應原上月共照人孤獨

吳曾羅山

兒時聞羅山窟穴居神仙念念每欲往
終為俗累牽茲辰復何夕風日媚晴暄

偶與二三子徑來踐前言崎嶇涉岡澗峭蒨凌雲
煙崖斷或如瀉坡平俄若川有泉何自來但覺聲
涓涓縈迂若蛇走往往注山腹田徘徊一濯足去袖
風翩翩俄登最高嶺中觀屋數椽嶙峋老石像摩
娑不記年棗花破叢管一笑為嫣然石屏與翠壁
擁從相後先物色恣觀覽萬界滿眼前適問同遊
人茲為第幾天不然何秀拔不與衆降連長安在
何許無乃落日邊十年苦捨攘戰血腥已飄飄然茲
塵外客一壑能自專倘得此樂疑已飄飄然茲
遊恐難再遲番不能旋如何林間月弄影明涓涓

催歸來恨早正恐陵谷遷到家追悔甚誓將世務
捐却尋向來路迹斷難扳援春雨正濛密澗水鳴

潺湲彘猶不可
上愧爾無仙緣

李浩述陂

數椽臨蒼波我目得以寓長溪山根來
澄潭一回互萬象森可掬翛翛澹清素

草短牛羊饑沙暖鳧鷖聚枯槎出斷岸野艇橫遠
渡荒寒何代城隱淪尚門戶昔時歌舞地今人採

樵路回薄萬古
心斜陽在烟樹

陸九淵踈山

村靜蛙聲幽林芳鳥語警山樊紛皓
葩隴麥搖青穎離恨付西江歸心薄

東嶺忽忘饑歎
憂翻令發深省

孫覲仙遊山

簷牙啄林杪華殿浮青紅天風吹泐
滲萬籟含笙鏞木樨已著花濯濯秋

雨中傾姿出素面一洗丹粉空幽香襲金袂冷艷
棲房櫺迫此芳歲殘一笑當誰供群仙立通明矯

矯駮鸞龍相隨歸岐源山樵子應門立老僧迎客
闋苑遺恨寄西風入湛湛玉甃寒唧唧銅

銚泣小軒風雨過窓戶青紅
濕晚花向秋研黃蜂正衙集

朱熹潤溪

我行欲安適莽莽窮山陂晨裝遠林表
午憇通川湄曠望思慈親行役嗟吾兒

喟然陟屺嘆歸心浩無涯冰霜徒御寒
卧龍處蒼峭神所鑿下有寒潭幽上有明河落我

來愛佳名卜築尋幽壑永念千載人丹心豈今昨
英姿儼繪事凜若九原作寒藻薦芳馨飛泉奉明

酌公來識此意顧步慘不樂抱膝一長吟神交付
莫冥

漢

簡寂觀

復天秋山氣深日落林景翠亦知後騎迫且
陸仙子久挹浮立袂於今知幾載故宇日荒廢空

餘醮壇石香火誰復繼更憐韋刺史五字有真意
虎竹付歸人悲風起橫吹沉吟向絕迹

浩蕩發幽寄來者知為誰念老儻三喟
東西二林深尋兩林間清波貫華屋蓮社有遺跡
草堂非舊築修廊餘故刻好醜雜泥王

亦復記經行

天池寺

疎身長林端策足層崖表仰
深慙後人讀瞻空界潤俯歎塵寰小天池

西嶽峯佛手東窈窕杖淵明祠予生千載後尚友
履往復來憑軒瞰歸鳥千載前每尋高士

傳獨嘆淵明賢及此逢醉石謂言公所眠况屢巖
壑古飄緲藏風烟仰看喬木陰俯聽橫飛泉景物

自清絕優游可忘言結廬倚芬峭舉
觴酌潺湲臨風一長嘯亂以歸來篇

白玉蟾帶月遊西林
悄然無人聲但有一林月誰
指前路蒲地鋪翠樾清露滴秋衾宿氣飛霰屑遙

岑有無中烟渺天空潤劍氣衝牛斗長嘯蒼崖裂
山行二三里詩腸思酒渴冷雲曳山腰暗水洗石

骨勒馬過斷橋枯木凄欲折枝頭驚鳥散草根鳴
蟪蛄試問宿如何孤猿啼不歇柴門自推敲殘燈

更明滅回首古招提地僻居窮髮紅裳照經幢紫
殿閉鎖闥題名墨未乾壁上龍蛇活乘燭出

雲房古徑蒼苔滑黃鳥啼四更驚破梅花雪
周惇頥題蓮花洞

潺湲來數里到此始澄清有龍
不可測岸水寒森森吾樂蓋易

足名濂
朝暮箴

蘇軾潯陽紫極宮次李翰林韻

寄卧虛寂堂明月浸踈竹冷然洗我

心欲飲不可掬流光發永嘆自昔非余獨行年四十九還此北窓宿緬懷卓道人白首寓醫卜論仙固遠矣此士亦難復世道如奕碁變淵明祠潯溪化不容覆惟應玉芝老待得蟠桃熟

詩呈次元仁弟

世俗眩名實至人疑有無怒移水中蟹愛及屋上鳥坐命此溪水名

與先生俱先生本全德廉退乃一隅因拋彭澤米偶似西山夫遂即世所知以為溪之呼先生豈我輩造化乃其徒應用三峽橋

吾聞泰山石積日穿柳州柳耶似愚溪愚

世與石關深行九地底險出三峽右長輪不盡溪欲滿無底竇跳波翻潛魚震響落飛狖清寒入山

骨草木盡堅瘦空濛煙雨間瀕洞金石奏響響飛橋出激激半月殼玉淵神龍近雲雨亂晴晝垂甍

得清耳可嗽燕不可嗽

黃庭堅次蘇子和李太白潯陽紫極宮感秋詩韻

追懷太白子瞻

不見兩謫仙長懷倚修竹行遊紫極宮明珠得盈掬平生人欲殺耿

介受命獨往者如可作抱衾來同宿砥柱閱頽波不疑更何卜但觀草木生葉落根自復我病二十

年大斗从不覆因之酌蘇李蟹肥社醅熟

李觀魯公碑

他人工字書美好若婦女倚嗟顏太師赴赴丈夫武麻姑有遺碑歲月亦

已古硬筆可破石鐫者疑廬語驚龍索雷關口嚙天下雨怒虎突圍出不畏于强弩有海珠易來有

山玉易取惟恐此碑壞此書難再覩安得同寶鎮收藏在天府自非大祭時莫教凡眼覩

張商英香林院

瑟瑟松上風冥冥竹間露窓虛簾色寒石側蒼苔古長廊寂無人殿

閣一鈴語此意兩蕭然徘徊不能去

趙善堅化成巖

低帽白焦衫跨馬北巖路為我撒炎歎時有清風度杖策躡游屐捫

蘿窮幽趣怪石鳴瘦筇狹徑窘危步雲間啟溪洞
玲瓏天巧露僧居羅上下鍾聲苔晨暮長嘯排翠
靄圍棋驚振鷺陶寫屏絲竹恐為風景汚拂薛
題蒼崖縱橫醉中句茲游豈易得載酒莫辭屢

李原古雷潭

城東僅十里霧迹傳古今兩山夾寒潭秀水清且深山光與水色上下相

浮沉傍有釋子廬高低託叢林停艦叩門扉勝槩閒追尋殿宇隨石級危檐巧相欹是時秋色高霜雪捲微陰輕風弄黃葉村塢鳴疎砧高閣瞰空迥影落澄波心晴暉射窓壁爽氣飄衣襟僚友盡佳士璞玉兼渾金設席具餽果酒瓊仍自斟天高向日晚欲去又狂吟誓將樹微績此地須投簪

王古妙峯寺

修徑轉巖阿危亭臨木杪清明江練直紫翠山屏遶林巒獻奇秀圖畫極

天巧松杉韻

輕風笙簫奏雲表心知游魚樂目送飛鴻杳浮生黃梁夢幻事何時了惟應觀勝妙坐可清紛擾豈須登

泰山閒看諸峯小

揮策度窮谷撐空見樓臺丹崖幾千仞中有佛寺開老僧如遠公磨門走

韓元吉雲洞

蒿萊下馬問所適褰衣指崔嵬飛欄倚石磴曠蕩無纖埃坐久意頗愜爽氣生樽壘仙官是何人白骨藏莓苔舉酒一酌之慨然與我懷丹砂固未就白鶴何時來不若生前樂長嘯郵此盃

陸九齡應天山

我家應天山山高數萬丈上開園池美林壑千萬狀山西有龍虎煙霞耿相望寒清漾微波暖翠團前嶂天光入行舟野色隨支杖吾黨二三子幽賞窮清曠引興谷雲邊題名巖石上碧桃吹曉笙白鶴驚春帳一笑咏而歸千載應可尚

元揭傒斯三峽橋

嗟峨仙都觀遙望丹霞天後有岷嶺霞晝蒼莽芊群秀一時集安知非列仙持觴豈相醜罷琴抗高言天道信悠悠邈人情何拘攀靈君不可致落景詎少延仰雖慙冥冥俯實憂元元主人顧坐客此中可忘年

虞集應天山

象山何崔嵬先哲昔愛之循麓得清流良田屋參差似是菴源人雞犬相

因依鄰鄰白沙曲奕奕丹蘄施冷水自天來襍花散玕琪所以上方士悠悠係遐思丹霞炫金壁清

露在茅茨海島陋徐福慢亭卑
武彝仙者自有道黃鶴時往來

何中芙蓉山

若若青芙蓉峻秀琢寒玉危流千丈
飛鏗錡石相觸幽閣魚龍宮荒寒霧

雨蓄凄神不可留前登散遐矚參差雜花
動香氣泛幽谷日照丹霞開萬峯洗晴絲

黎廷瑞登法雲寺

偶與幽人期頗愜滄洲趣嵐影
倒虛碧天光澹晴素烟橫雙鷺

起木落孤帆度僂闌足清眺隱几得元悟顧此
半日間愧彼經年任更遲雪中來臨風看瓊樹

明劉基龍泉

茲山近南服勝迹冠朱方石骨入海
服地脉通淮陽金精孕清淑水德融

嘉祥寒舍六月水潤狹九里長鯨頤狎復起虎口
哈還張發竇始窈窕流渠遂汪洋澄澈瑩玉鑑鏘

鳴合宮商靜台元機妙動見大智藏養德君子類
膏物農夫望野僧向我言其功殊匪常飲之祛百

邪能使俗慮忘漱漱入靈府喉舌生清香爽漸
動毛髮飄忽凌風翔何當楊湛列盡洗貪濁腸

淵明祠

江左青瀆亂桓盧遁相尋劉裕起寒微長
驅掃氛祲秋草雖未枯霜雪已駸駸陶公

節義士素食豈其心我才非管葛誰能起沉淪所
以歌去來歸卧五柳陰悠悠多感激悵恨寄謳吟

哲人貴知幾芳名留至今
臨祠三嘆息懷古一何深

李夢陽曲江亭閣

纜舟金華潭遂陟岡山閣蹊徑
阻紆鬱岩水光參錯夏林一何

清餘雨浙未落高覽景自異况值晚霽廓夕日明
錦湍歸雲擁華薄近日山聿蒼遠嶺復岑嶸曠蕩

感遇寓倪仰嘆今昨不見往者悲祗覲來者樂顧
瞻大江流愈恨代謝速源湧竟誰禦謙守諒能曲

所貴遺榮名
觀義願有勗

張翼魯溪山

天開魯溪洞界在吳楚間龍從映草
蔚翬藹羅峯巒蒸雲作甘雨流水與

層湍豈無神物護似有蛟龍蟠我行屈徂暑履岵
良苦艱居氓頗好事勸我陟噴岫肩輿入窈窕應

接開心顏苔楸落斑剝瑤草翻朱殷鏞鼓答幽響
龍象相廻環石田分十二一一長琅玕下臨千仞

淵江漢通潺湲因之坐終日頓忘塵外喧清冷颭
天籟忽欲凌雙翰命酌歌短什索與山靈言吳鉤

豐嶽隱楚澤芳蘭捐茲山信奇絕所遇非大觀峯
高馬蕩渚川遡翫花源詞工與墨妙題品紛汎瀾
藉令當孔道豈與荒榛攢
仰天浩然嘆雄劍鳴珊珊

余曰德蘇公祠

雲卿管樂流世運屯不返托志遠
行邁結廬東湖苑秦圃日芟藝業
履繼宵拊拮据良苦辛心迹棲自穩故人據高位
書辭誠欵懇置之了不問咎嘆聲隱隱滅跡不終
日無亦鑿坯遯黃鵠
摩穹蒼羅者空悲惋

王汝賓天池

有客約登山正在冬初日天清山骨
癯木脫雲根出霜楓欺野花深林行
暗室一笑天池
嶺羣峰盡如失

劉松石盤嶺

沙崩崖舊時劈始登足慄輕稍瞰心
林揚圓鋒覆錡釜懸澗瀉甌甌常時風雨交雲氣
走霹靂兀坐蒼茫中憤然欲無敵黃緣背前路陟
巘欣後覲委蛇冠形霞巖業掛赤霓梯危出深窈
指道轉岑寂寒葩泓零露幽翳明的礫迂迴落坡

陀清展方蹶踏喬林雜松檟道宇粲簷滴逝將近
天人披髮調笙笛神仙豈在遠塵慮恐未滌行歌
答清嘯次第記所歷迴風散殘甬列宿光可摘群
動亦暫休啼蜚在葭荻意行得無為念此增感激
楊士奇題永豐龍潭書屋
開軒面澄潭潭水綠於
染其下蟠蛟虬四時興

有滄嘉樹羅葱菁烟霞互舒歛晴漪漾春牖涼颼
含暑簞俗轍謝經過書卷恒不掩探微心有得行
素道無歎逍遙視天宇油雲馳
冉冉度跋沂上樂誰當歎與點

王守仁青原山次黃山谷韻

恣觀歷川郡驅馳倦
風埃名山特乘暇林

壑盤紆迴雲石緣歆徑夏木深層隈仰窮嵐霏際
始睹臺殿開衣傳西竺僧構遺唐宋材松風溪溜
急湍響空山哀妙香隱元洞僧屋懸窮崖板依儼
龍象陟降臨締階飛泉瀉靈竇曲檻連雲榭我來
慨遺跡勝事多湮埋邈矣西方教流傳徧中垓如
何皇極化反使吾人猜剥陽幸未絕生意存枯荻
傷心服前事莫負生前杯烟霞有本性山水乞歸
骸崎嶇羊腸坂車輪幾傾摧踈散麋鹿伴澗谷終

追陪恬愉返直澹聞寂辭喧
 謝滢哇千古自同調豈必時
 遊非偶來且從山叟宿勿受
 夫催東峯上烟月夜景方徘徊
 若人天師破戒飲陶令違誓
 陶意竟攢眉乃知病維摩不受
 亦傳疑
 題三笑圖
 遠公白蓮社
 大笑

鄒守益武功遊機心潭及龍潭

石函鑿玉匣奔流太古雪下有雷霆

鳴飛鳥不敢越攀蘿往往從之路滑足屢蹶斬菅坐
 盤石神魂自清潔機心從何來乃為此潭涅朗咏
 侑行觴不知月已沒諸生步更健魚貫升截紫遙
 尾猿猿迹直犯蛟龍窟瀑布九天來四壁如削鐵
 濺注雲氣腥陰風竦毛髮歸來手指畫霏霏如玉
 肩逝將洗塵慮共飽深石炭靈山久有聲勝事多
 未發短歌扶竒踪聊用俟來哲

甘公亮遊石屋

石屋茲重遊尋我花谷石細路入林深不見舊苔跡烟霞最深處茅

亭藏石隙美人占卧雲花谷呼咫尺下有藕菱池
 上映青天碧朗月升梧桐舫坐遂忘夕披襟入我
 懷水月一般白神化俗不分即此安吾宅

張孟循送鴻墩

我有千古意寂寥誰與論故人在何所幽尋仙之墩木落陽鳥至秋

風起平原升高寄遙思素琴聊一彈漸翼渺天外
 青真自飛翻緬懷洙泗間斷斷大聖門希聲吐遜
 志曼異三子言斯文未墜地游泳太古渾曠達子所尚神游周八垠

王宗沐遊玉山示諸生

拂衣凌天門玉瑯在雲間揮手開霧雨蒼翠呈巉爨

北斗麗金闕東華峙崇閣上疑閭闔卑下俯囂垢
 幾自矜所居處非復同人寰平生山澤姿兼得解

中綸

湯顯祖青雲亭上作

孤生翫元滌風標好弘獎遠懷塵外踪乍此堂中賞亭隧

遠阡綿川臯歷遐廣暖暖見人烟蕭蕭覺林響野
 牧散坳堤巷犬鳴墟壤綠水閉荷蕖原畦半菰蔣

南郭坐來青西山幾時爽雲深山鬼暗風輕谷神
 做虛爨故有適寂靜寧無想青雲恒不銷白髮偏
 能長未獲了明窗難辭嬰世西池望二仙橋映秋
 網故物豈重來幽人自茲往
 光登臨愛夕陽鏡中蒲柳色衣上芟荷香聽雨初
 番展當風一據床倚蘭延客語修竹以隣芳紫翠
 連山曉青陰隔水涼坐
 看人世小仙馭白雲鄉

李夢陽擬峴臺集

巍巍東隅城俯瞰清江曲依依
 城上臺軒檻爛以屬臨川固名

肥才俊况相逐深冬靜晨陽取暇肆延矚乾河白
 浩浩雲深曠我目驚風起孤鴈遙山響寒木徒倚
 發昭迥沈吟嘆先躅故激日奔改危址幾崩覆但
 觀碑字滅奚咎推謝速寫觴聊竟夕朱絃為君續

廬山陟嶠

伊昔謝銜歸志頗諧綸鈞其追河上跡
 切慕蓬池嘯孰知紫芝慮竟荷青雲耀

值秋歷江郡弭節登廬嶠沉深九疊秀峻極千峯
 峭錦繡亂岑峒曩晨夕改觀眺晶晶遊氣歛皛皛寒
 日曜飛瀑迅雷邁奔峽還龍躍躄遊遽忘歸久住
 輕時謂天池絕亦捫石鏡坂可照矧茲二三子芬

馥含清妙霜嵐澄 德安趨潯陽

始征晨風息雲流
 日色展登陸艱且

西夕從歌傲希調緬維時仲秋交颯颯林颺捲綠竹垂
 澀厲澗一何緬維時仲秋交颯颯林颺捲綠竹垂
 我車丹花映行幘肩巒唯存松繡石盡成蘚攀攀
 雖多悅登頓迺勞倦日中迫廬岳蹊徑愈迴蹇雲
 湧連遙嶠雨暗失近巘奔崩萬壑會嶮絕一徑轉
 遽躡川梁沒幸遇石瀨淺道以習坎利用始既濟
 顯介石諒益固巨川豈遂眩誰哉能預謀隨寓斯

可遣

劉穎郎席次李空同擬峴臺韻

古臺何岩岩奠此
 荒城曲溪流宛周

遭原谷紛糾屬使節自天來旌旄隨風逐嚴令肅
 高氛清旭曠遠矚孤騫迅雙鷗際海極一目清嘯
 發雲端遺響振林木百年誰幾人曾此跋華躅洗
 觶挹元漿大斗從屢覆論文邁往先得句厭巧速
 寥寥二雅音
 無乃今見續

徐瓊金玉臺懷古

三十侍彤闈大隱翫朝市矧乃
 赤松遊足抗青雲志風流非外

獎炯介敦明懿履阜俯迴谿自古稱奇麗朝暎彩
鷓明直魄潛虬媚擊古悵悠哉風景忽云異金柅
亦以蕪金隄亦以噴誰
使白渠成慰我滄洲意

丘兆麟九日青雲峯

載酒望青秋高臺足並遊亂
鴉投遠樹孤鶴下平洲菊色

寒仍艷蘭香冷更幽一江榮若帶三市小如甌靈
谷元相對瑤湖碧欲收看花頻把盞作賦漫登樓
杜曲人猶健龍山宴未休
不知誰帽落朋輩盡風流

羅倫湧雪亭

王風一委地異端乃橫行鳳鳥久不
至蛙蠅紛吹鳴風雨晦白晝虹蜺橫

太清使君遊丹霞道士吹紫笙元鶴自天翔仙犬
花間迎使君謂道士當寧憂蒼生老夫荷天澤痾
哉此孤笑因觀魯公碑豈慕麻姑名王事傷
靡鹽載駟用經營黃冠亦黔首慰我萬古情

謝士元登麻姑山

縱策八烟蘿縈迴度空谷更上
齊雲亭憑高騁雙目巖泉挂晴

虹恍惚衡廬瀑仙子多棲居棟宇雲間蠹野鶴
還飛瑤草冬更綠山神著靈響敬畏予所獨於焉

舉烟祀祈年介嘉穀粃粃魯公碑昏訛猶可讀義
烈感精神直欲相追逐載誦泰伯詩調古誰能續

羅玘送南城鄭邑候之任

在風擗屋角穿隙衾鐵
冷君心去如飛脂牽覺

僕猛邁歸拜松楸此味未雋永安知凋瘵邑萬室
坐深奔餓虎吞羔豚饑蛟食鼃鼃章甫以屨苴逢
揔今裸程善人噤吞聲有若物在哽踟躕無控訴
空餘列行省常虞漢池中竊弄在俄頃犒童與殞

豕絕不以力逞君行
納吾污此實邦邑幸

袁宏道天池

山以雲為郵雲窮山石見石貌呈巧
心瘦妍競奇變暄涼隔下天葛締易

柔練一石一狂呼前石翻為殿萬仞瞰奇
雲倏綉倏飛片撫松坐枯岩一往謝塵罟
遊廬山

初入東林雨中

窮天刻冷翠濃雨洗幽青濕雲坵
西嶺坐見武昌晴遠公昔菴此蓮

花漏初成岩竇列宗雷石梵徹天清想像醉五柳
顛顛望釜鑄曠心聞法語啼兒畏錦綳達哉遠師
鑑禮法憐裸程客兒雖百醒不以易一醒千二百
歲後白藕無根榮蓮宗啟未社唐子慙道萌掬流

浣塵貌寒潭吹古醒山僧如石瘦蓮堂空幾楹

何棐天池寺

曉行望廬峯暮方至其麓殘紅返照明倉皇戒行速大砲震空山陰崖駭

羣伏橋臨錦繡澗亭臨錦繡谷風泉萬壑哀猿鳥千崕蠹梯天到半雲猶未及山腹曲徑踏諸峯肩

輿喙群僕披霞及門隅甘露洒泉霖翠絲裊蒼松琅玕戛青竹青池醮碧虛烟霞共薰沐星辰若碍

冠水月良可掬文殊迴石臺庑行足踏踏光怪飛佛燈鐵峯露舡舳合眼陪雲眠啓足恐天蹴半空

響松濤滿天奏琴筑塔嶺石雷題御臺碑悚讀顛仙不可求遺世羨孤獨乳泉滴自天手崖覆如屋

寶樹一雙竒翠蓋兩團簇爐峰渺何許經臺為誰築安得生羽翰御風觀四隩廬山多景竒杖之入

詩匱他日一展觀宛然猶在目

王在晉佛手巖

巖有仙窟靈光透十丈垂雲既可俯似屋亦堪仰天丁斲頑石混

沌鑿罔象我佛現金身跏趺席平壤野火燒松雲瀨氣挾秋爽上有長流泉時聞出清響瓊漿靜涓

瀝太滄直洗泐西方玉蘂蓮倒挿青霄上因之窮妙相其如示諸掌

曹學佺遊匡廬

名山何以殊一往便寂寞不知風雨來幽麗安所託蕭疎入長林鬱

葱在高閣衆峯氣時孤其文乃更錯出入肆余步處處看泉落雲霞無定姿瞬息不相若惟茲一響

臻更勿他聲作夕陽已欲盡與之流大壑倘厭世人患可以免銷鑠

方漢能仁寺

舍舟謝水宿入寺暝色重寒城深落葉古院靜鳴鐘忽上溢浦月照見匡

廬峯竹林人不到我欲試竒蹤

鐘惺小孤山

是峯瘦而特名曰小孤宜石筍何曾帶盆蓮祇一枝禽鳥誰所視形影共

為疑水與之周始烟無可蔽虧登焉堪四面過者不多時流時相持處舟舡未敢遲

黎慎蒙山

飛峯起天中凌雲疊連鵠征驂駐其巔還眺入冥巖泉烟際瀉崖石空中削

天風送黃鵠長飛向寥廓盤盤青天外原地何磅礴丈夫四方志天地安所托仗劔歌遠遊徒御總

欣躍崑崙九千里
煙霞正綿邈

馬遊龍九仙臺

高臺入層霄凝露非一狀嵌空石
鏡明金碧互滉瀆窮幽得絕境劃

開天宇曠一峰碧雲山千崖如湧浪氛霧襟吞吐
參差鬱鬱相向蕭條落日外河流明遠嶂祠殿日荒
涼峻嶒時策杖仙人
去不返明月空臺上

劉同升人百花溪望玉筍

朝看入雲峯暮看上玉
筍朝暮白雲裏無復人

間事行行若無蹊時與飛鳥值沿澗欲尋源偶爾
山樵至指點削壁間仙臺藏勝地懸猿上攀蘿履
屐聊可置山半天鷄鳴鐘聲聞午寺不知下界遙
寂歷聽寒吹嶮絕得幽敞劃然茲境異亂峰如浪
涌撲面起蒼翠山茶盡日開紅果林間墜時時聞
勝賞往往逢奇致相招拾瓊草煨芋供晚食與子
謝塵網春服裁薜荔明朝憶舊溪已
覺跡如寄莫令游興慳但羨幽人遂

徐穎峽山寺

峽山迤水泥香氣不得上竹栢結高
寒寺門闕青嶂泉從東峰來神丹有

遺響飲者不知
功齒髮日加長

寓蕭洲田莊

暄風變時節春衣猶
未換城郭日驅馳郊

來滿濁酒聊自傾醉即眠山館

朱健滕王閣社初集

瞻彼江上閣亭亭閣古今瞻
彼閣下流滔滔任浮沉相將

誰不朽風雅足照臨水光疑識面山契託知音願
解紉蘭珮和之以為琴撫琴風雨至倏忽蕩層陰
古今調不爽
道在高與深

皇清李元鼎擬同熊雪堂遊西山風阻弗果

勝遊良
未極蕭

條擁素統川原隔浩渺波影漾晴瀾庭梧聞墜葉
輕霜弄曉寒豈不憐鵬背而言食馬肝幽谷有遺
音高天度彩鸞起視東湖曲亦復涌驚湍何必登
滕閣作賦才子安踟躕聊爾爾誰云天地寬漸近
秋冬際為懷良獨難會
當共酬唱一笑且成歡

趙進美雨中泛彭蠡

乘流發棹歌晨氣散原澤掛
帆不知適千里寒雲白遠岫

藏杏冥長風破空碧阻樹哀禽鳴近浦游魚擲平
 湖天外淨蒼山雨中積容與鳧鷖鄉慘淡龜鼉宅
 孤煙冒遙嶺頽波泛危石川聲北渚合地勢南州
 坵箬笠漁父吟薜荔幽人迹攬衣獨道遙恨矣遐
 征望廬山 匡廬天下奇多難茲遊壯負日位清嚴
 客望廬山 過雨意凄曠萬峯通一氣合質森殊狀
 晨夕無晦明荆粵有背向城郭靜煙餘草木蔚霞
 上潛壑幽不測遙岫孤如翔飛瀑動蒼嵐白雲媚
 高嶂湖光澹欲平輕棹遠初放慨嘆發歌謠葵猶
 聊舒望靈區地貴偏遐迹吾能抗松桂自當浚羽
 人應不妄何日坐望瀑布 崆峒劍有神吳門馬如
 茅苔揮手謝塵埃 望瀑布 練孤影出重巒萬樹承
 奔瀾愈覺蒼崖危時見浮雲斷遠疑日氣射靜使
 山光變千仞下驚鶴八月劃飛電寒聲走丘壑餘
 沫潤邑縣睥睨霞愈明蜿蜒景南康偶作 流連數
 將晏因嘆靈岫奇始知造物幻 南康偶作 峯奇薄
 暮湖水綠遠思集帆檣山光澹樵牧雲分白
 鹿院日入青牛谷旣懷徵君柳更覓居士竹
 施閨章湖西行 方牧坐微飲此事舊所無軍精日
 夜急安敢外躊躕昨日令方下明

日期已逾攬轡馳四望蕭條少民居荆榛蔽窮巷
 原田一何蕪莖老長跪言今年水旱俱破壁復何
 有永訣惟妻孥歲荒復難鬻泣涕沾敝襦腸斷聽
 此語掩袂長驚吁所慙無敲撲以榮不肖軀
 國恩信寬厚前此已蠲逋士卒待晨炊 曉過淇陽
 孰能緩須臾行吟重嗚咽淚盡空山隅 曉過淇陽
 洞宿霧暗未收曉月照蒼翠謝公急游賞真搜穿
 潘灑衣袂清且歷巖壑得飽朝 青原謁五賢祠 姚
 爽氣丹竈竟何存山花紅委地 青原謁五賢祠 江
 有遺岸螺水盛苗裔從者紛如雲期會無虛歲遂
 令空山阿絡繹勤車騎絃歌響林谷縫袂滿僧寺
 四君尤挺出嗣音相鼓吹寂寥四十春講席蔓薜
 荔荒祠猶巋然俎豆將委地山鳥懷好音林木自
 深蔚昔人未云遠顧瞻泓流涕百年一須臾峻阪
 策奔駟徘徊岐路間白日忽西墜如何丁我躬吾
 黨竟顛顛頽頽題字破 莓苔振衣獨遐思
 鄭日奎望靈山 茲山何秀拔百里引瞻視人代幾
 戰爭山自終古翠攢峯七十二奇

詭不一致雷雨隱其中日月跳相避深窈望不盡
但驚截紫勢應有採芝人高隱雲深處我欲往從
之究此山中趣年年
遊展阻臨風空感唱

鄭大雅龜峯

圭峯三十二峯峰競孤峭森壁碍望
雲高崖觸飛鳥杉檜疑高秋雷雨鬱

冥與石罅走龍蟠雲巒蹲虎豹松濤引靈籟蘿月
失全照每咏洗石詩山僧坐谿篠萬象呈幽奇石
山扼樞要何當陟
高頂一領衆峰妙

黃文星懋大雄寺納涼有感

寺僻通芳徑湖遙渺
比隣青蒲鬱橫塘竹

柏蕭東林耀靈照殿薄狎鷗入風深良農勤去莠
千耦指不禁忍饑憂如煎呼賦淚沾襟妻孥相顧
失俯躬展呻吟安得
緩新秋歛厥憶鳴琴

費思居萬柳洲補柳詩

玉峯載清冽山環衆流互
良時花嶼繁沙明柳陰護

浩劫變桑田豈惟一溪故春風無榮木廿載悲寒
五使君毓勝繁杖策開筭路桃陰漸成蹊桑枝薺

無蠹念此山水鄉緼染茲嘉樹種柳沿溪深萬縷
榮新露城烟帶碧潯能使陰陰駐燕蹴飛絮香鶯
選繁蔭度彭州補闕名明湖蘇堤路仲甫與端明
千載有餘慕古來賢達人菘植見才具穠鬱還舊
觀山川亦奇遇年年
春風生父老攀枝聚

喻周早發大庾嶺

波行棹始弭捨舟遂納麓樹輪
半相糾衆力方交逐石路多乘

危岫壑環徃復蒙形表自然蘊奇增駭矚叠壁護
蒼寒日氣午難旭祠宇方入雲籃輿競遵陸庾勝
與梅銷二名不專屬南北盡日程去
來各栖宿休暇如能謀希聲散空谷

徐春溶文邱峯

何年受秦封縮印遂纍纍下有遁
甲書金字流玉髓乾坤秘鴻文六

丁不敢舉諸峯遙
起光吾肘欲懸取

江殷道陶白祠

吾愛陶處士高卧東籬下吾愛白
侍郎醉吟香山野出處各有懷古

今識此寡俯仰托詩歌惟用杯常把相去數
百年相合不相假風流至今存神靈依蘭若

楊大鯤由雲峯宿翠崖

携友入西山山行兩朝
夕是日行始佳迴巒翠

如積山花紫紅映蘭芳襲衣襲由來山行深所歷
靜魂魄招提出木末躡步恣探索老僧四五輩蔬
茗展清憚蔭松雜坐卧雲烟自相惜石磴百盤紆
香城五龍迹歇公開士秀點畫縱遊屐半嶺合雲
氣高風肅飛翮揮手綠礪行水聲下上清尋源無
古今不聞藉天澤清湍激復平水石媚澄碧側身
古巖底上有欲落石因思盛暑際舍此安所適群
峯西南向中有羽人蹟簫史不可追洪崖杳如隔
空餘縹緲思難化羈栖客前山日已曛翠崖旅還
逆重遣雪門師清風布高席欲盡茲山勝來朝蹇
策重

江臯漢邑署中憂旱

惟天作民牧民命責有司雨
賜既乖沴政令何所施三農

久失望仰天中夜悲此邦實困敝民力盡凋疲頻
年苦喪亂戶口多衰羸老農力耕鑿竭蹶憐雞皮
朝廷急租賦敢言輸納遲禾稼委焦土穉貸將安
之長踞告縣官頌緩須臾追豈不念疾苦正供難

寬期蠲租檄始下催科牒又隨郊原寡人跡誰為
征歛資帝閣非云遠此離難盡知拙吏空憂傷忍
淚對孑遺撫綏既無策誰信中心慈讀書貴經世
焉用抱負為所嘆時事艱才力難自持古來重循
卓為問當世誰勤勞固多累清白分所宜憂危在
社稷敢以祿多移一命雖云小我心期救時豈徒
戀溫飽坐使聲名虧憂
來招父老其聆雲漢辭

陳啓禧小孤山

四顧皆波靡一柱中流屹仰攀碧
落雲俯窻妖螭窟誰泛仙山來蓬

壺如可挹我欲駕
飛驂陟巘禮朝日

陳允衡望漑園懷萬茂先徵君

浮雲蔽長日悵望
故人宅欲尋驅車

路桑田變阡陌猶憶追從時村邊溪水白古木僅
有存人煙異疇昔空餘草堂在敗壁照松月緬懷
風誼幽澹然化形後徵書下巖廊素履介于石盛
世遂返真憂天畏兵革永謝林澗慙庶保詩書澤
遺文閱人代手跡爭愛惜
全名自古難後苑多奔迫

江臯過東林寺

八山問東林松杉蔽官路忽聞流水聲漸近虎溪渡到門逢老僧自

驚相識素携登三笑堂坐論崖壑趣扶筇蕪我行
曲折騁幽步古蹟半荒迷指點爭相顧春晴雪乍
消陰林氣寒沍為尋六代碑坐倚千年樹探幽
意未窮落日千山暮憑高指上方塔影烟中露又
山深路不偏寺古僧常靜環門遠翠屏沿溪倒峯
影流泉亦有神千年近石井轉驚陵谷遷不及招
提永當時卓錫人造化知能秉古今蓮社名高風
亦何迥清時慕林壑世外存箕穎我欲仰幽踪塵
俗終難屏惜別意茫然歸僧侯
烟嶺何日躡青鞋逍遙窮絕頂

吳照昇仙臺

匡山有佳氣曉望信昭擴欣然命巾
車紆迴遵林薄人遠泉益煩身登路

逾削幽襟入杳冥龕燈動斟酌南斗垂匏瓜九奇
散蓮萼雲深鶴骨寒夜靜天語落高卧銀河邊醉
枕神仙勝起來撫白榆朝曦映
丹壑恍疑出世入長生信可學

傅修頭陀寺

宿性厭塵喧名山結良契選勝及頭
陀來值霜天霽行行一以深亭午轉

昏瞠劃然復天開弘規敞妙制大哉頭陀師宗風
闡妙諦至今諸比丘能譚其軼事為言百丈山此
山之右袂相去百里餘師始實游憇愛彼峯巒佳
因窳開鑿勢長饒揮不停及泉奇鬼二兜蝥聚金
光驚起時一覘挺戈遂戰師師奔佯誘致一鬼留
守山一鬼追彌厲轉聞谿谷間逐師遁深隧鬼憤
不得師自到亦長逝其一畱守者不知所終既師
從隧中行安然幸無慮俯僕見隙光躡蹙纒一遂
從井出高峯即今頭陀寺山寺所由名名實以師
係指點何太真愴怛為一噫隧行或出山鬼苑誰
彼瘞地亦畏宗鋒天不窮禪鏡即持百丈高肯以
頭陀貫世衛紛層巒觴豆不足計團瓢亦百餘隸
處如瓜綴我游僅信宿初未求
根抵他年是故人築室申明誓

陳允錫鄱陽湖

西行江水長渡湖意愴恍彭蠡連
鄱陽水天共沆漭萬里事孤征臨

風發
慨慷

李仙客遊信州南崖次李崆峒先生韻

紫陽道範
存遺緒繼

亦宰俎豆代未衰觀型屢常滿躡級須陟
巖步趨詎容緩緬思泉水溶源尋毋迹踐

伍柳被命脩誌感成庶人稱在官抱關且擊析筆
墨會有役其勤亦云薄開卷

浦雲曉乘燭江月落先民有典型鉛槧徒糟粕當
其意氣時慷慨爭善惡一旦曲池平姓字供筆削
來者自成今去者自成昨嗟哉身名後杯酒良不
若伊余昔蒙難抗志待溝壑溝壑亦得所佳傳誰
與作

言七 唐杜甫廬山蘭若 巫山不見廬山遠松林蘭若秋
風晚一老猶鳴日暮鐘 諸僧尚

乞齋時飯香鑪峯色隨晴湖種杏仙家近
白榆飛錫去年啼邑子獻花何日許門徒

白居易琵琶行 潯陽江頭有送客楓葉荻花秋瑟
瑟主人下馬客在船舉杯欲飲無

管絃醉不成歡慘將別時茫茫江浸月忽聞水
上琵琶聲主人忘歸客不發尋聲借問彈者誰琵琶
聲停欲語遲移舟相近邀相見添酒携燈重開

宴千呼萬喚始出來猶抱琵琶半遮面轉軸撥絃
三兩聲未成曲調先有情續續彈說盡心中無限事
平生不得志低眉信手續續彈說盡心中無限事

輕攏慢撚撥復挑初為霓裳後六么大絃嘈嘈如
急雨小絃切切如私語嘈嘈切切錯雜彈大珠小
珠落玉盤間關鶯語花底滑幽咽泉流水下灘水

泉冷澁絃凝絕凝絕不通聲暫歇別有憂愁暗恨
生此時無聲勝有聲銀瓶乍破水漿迸鐵騎突出
刀鎗鳴曲終抽撥當心劃四絃一聲如裂帛東船
西舫悄無言惟見江心秋月白沉吟放撥插絃中
整頓衣裳起歛容自言本是京城女家在蝦蟆陵

下住十三學得琵琶成名屬教坊第一部曲罷常
 教善才服粧成每被秋娘妬五陵年少爭纏頭一
 曲紅綃不知數細頭銀篦擊節碎血色羅裙翻酒
 汚今年歡笑復明年秋月春風等閒度弟走從軍
 阿姨苑暮去朝來顏色故門前冷落鞍馬稀老大
 嫁作商人婦商人重利輕別離前月浮梁買茶去
 去來江口守空船繞船明月江水寒夜深忽夢少
 年事夢啼粧淚紅闌干我聞琵琶已嘆息又聞此
 言重唧唧同是天涯淪落人相逢何必曾相識我
 從去年辭帝京謫居卧病潯陽城潯陽地僻無音
 樂終歲不聞絲竹聲住近湓江地底濕黃蘆苦竹
 繞屋生其間且暮聞何物杜鵑啼血猿哀鳴春江
 花朝秋月夜往往取酒還獨傾豈無山歌與邠笛
 嘔啞啁哳難為聽今復聞君琵琶語如聽仙樂耳
 暫明莫辭更坐彈一曲為君翻作琵琶行感我此
 言良久立却坐促絃絃轉急淒淒不似向前聲滿
 座重聞皆掩泣座中泣下誰最多江州司馬青衫濕
 兩山門兩寺元從一寺分西澗水流東澗水南峯
 雲起北峯雲前臺花發後臺見上界鐘清下界聞

寄天竺山僧韶先

門作

遙想吾師行樂處
 天香桂子落紛紛

宋謝逸聞徐師川自京師還豫章

舟君居陋巷不

出遊滿城惡少弋鳧雁對面故人風馬牛別後坐
 寒燈火夜歸來眠冷江湖秋馮驩老大食不飽起
 視八荒
 提削緱

蘇舜欽逸老亭

修水崩騰落雲端傾八群山自榮

十澗四時爽澗花濛濛數步行人不相見但聞千
 軍萬馬橫陣來石激驚湍自相濺忽然瀾漫為平
 川遠近人家壓深淺其間有亭號逸老山水之間
 為勝選黃氏有子樂其親締葺之勤由富贍蓋憂
 高年厭家事竭力營此欲自遣親意雖知風物佳
 豈若百子常在眼君胡飄飄事遠遊手龜背鯨兩
 足趺故鄉不到已逾年又非踟躕牽仕
 宦何如輕舟早還家日對雲山奉遊燕
 黃庭堅石池潭
 吾家溪潭動百尺坐見游魚可倒
 指月明無風水不動釣絲鑑中出

朱鯉乘閒具席於草岸呼網一舉常百尾贈霜炙
 玉眠鴟葵樹掛落日醉不起幾年手版頰青山起
 魚舫聲不入耳涼秋九月後吏事瘦馬奔走黃葉
 裏有酒不得好景飲訪古或問芻牧子指我石池
 十里近蒼苔畏崖碧無底楚王此遊嘆寂寞創奇
 造幽有遺址我來徘徊知足否廢興盡可付流水
 髣髴故舊在吾目濯手漱齒有餘思開尊喜與風
 景遇蘆花入杯勸人醉漁翁有意助酒卮青竹盡
 日垂香餌我疑溪靈斬異景不遺紅鱗滿人意人
 生天地未歸客計較貴賤羞犬彘當須醉倒載月
 歸不信夢 寄題安福李令愛竹堂 淵明喜種菊子
 鄉流不止 雖自殊心期俱不俗千載得李侯異世同風流為
 官恐是陶彭澤愛竹偏如王子猷寒窓對酒聽雨
 雪夏簟烹茶卧風月小僧知令不凡林自掃竹根
 培老節富貴於我如浮雲安可一日無此君人言
 愛竹有何好此中難為俗人道我
 於此物更不踈一官窘束何由到

歐陽修廬山高歌

廬山高哉幾千仞兮根盤幾百
 里峩然屹立乎長江長江西來

走其下是為揚瀾左蠡兮洪濤巨浪日久相衝撞
 雲消風止水鏡淨泊舟登岸而望遠兮上摩青蒼
 以掩靄下壓后土之鴻龐試往造乎其間兮攀綠
 石磴窺生罅千崖萬壑響松檜懸崖巨石飛流淙
 水聲聒聒亂人耳六月飛霜灑石砭仙翁釋子亦
 往往而逢兮吾嘗惡其學幻而言嘯但見丹霞翠
 壁遠近映樓閣晨鐘暮鼓杳靄羅旛幢幽花野草
 不知其名兮風吹霧濕香潤谷時有白鶴飛來雙
 幽尋遠去不可極便欲絕世遺紛龐羨君買田築
 室老其下插蒔成疇兮釀酒盈缸欲令浮嵐暖翠
 千萬狀坐卧常對乎軒窓君懷磊砢有至寶世俗
 不辨珉與砭策名為吏二十載青衫白首固一邦
 寵榮聲利不可以苟屈兮自非清泉白石有深處
 其意矧碑何由降丈夫性節似君少嗟我欲說安
 得巨筆如長杠

白玉蟾琵琶亭

長江浩浩送千古江流不斷魚龍
 舞蘆花荻花愁暮雲天風吹我客

溢浦移舟回首思故人凄然一登琵琶亭琵琶亭
 上廬山出琵琶亭上楚江橫嗚呼我祖唐少傅堯

率天中已歸去客來倚棹問漁翁香山居士今何處水魂雲魄挽不回濤山浪屋空崔嵬橋鳥驚起水鷗睡遠船明月夜徘徊旅居江左秋風慘江上黃昏月黯黯那堪送客聞琵琶况對怨女不傷感洛陽城下蝦蟆陵下有甲妓何娉婷花落色衰婚船客獨守孤舟伴月明手撫琵琶意嗚邑挑攏撚抹緩復急大絃哀哀小絃悲孤舟嫠婦豈不泣霓裳纒歌六么鳴四絃盡作裂帛聲碧落黃泉兩妾苦幽愁暗恨不堪聽稟如猿咽梧桐晚疑若鶯啼春晝暖鴟絃轉處如邊笳宮調彈時若羌管江州司馬一斷腸燈前老淚如雨滂老婦低眉嬌滴滴琵琶掩面羅衣香初彈如珠復如縷一聲兩聲落花雨訴盡平生雲雨心盡是春花秋月語羅衣搵淚向人啼妾是秦樓浪子妻流落煙霞歸未得青樓昔在洛陽西今嫁商人豈妾意一曲蕭騷直不寐秋風吹破居上心琵琶聲聲隨珠淚居士左遷辭小邦出鷲志願猶未降聞其曲聲見其語萬斛愁腸如秋江江花江草廬山下春江花朝秋月夜江風颼颼江水寒不見長安十年話當時風月亦有情為伊翻作琵琶行居士悲樂似此婦此婦激

發居士情居士還朝此婦死琵琶古聲今已矣邦人江上似此亭古往今來亭下水柿葉翻紅楓葉黃荒烟厭蓬月隨檣星霜磨老香山句香山骨冷今如霜亭空江濶情何極一思古人一歎息兩岸黃蘆今盡樓山水窟中安樂國江國妻凉人自愁香山一去三百秋長江不啻愁人恨淚與江波還共流九江風月嗟無主孤月依然幾今古江頭愁絕到三更琵琶不作亦凄苦我來造是九世孫思賢懷古獨銷魂悲風如舞琵琶調哀鳴如歌琵琶聲古人去不復返孤亭寂寂寒江遠琵琶無聲萬艇橫留得廬山遮醉眼

謝幼槃栗里淵明祠

淵明歸去潯陽曲杖藜蒲屨巾一幅陰陰老樹嘯黃鸝艷東籬燦霜菊世紛無盡過眼空生事不豐無意足廟堂之姿老蓬華環堵蕭條僅容膝大兒頑鈍

懶詩書小兒嬌癡愛梨栗老妻日暮荷鋤歸欣然一笑共蠅室我詩未遣愁肝腎醉裏呼童供紙筆時時得句輒寫之五言平談用一律田家酒熟在打門頭上自有漉酒巾老農時問桑麻長提壺挈

榼來相親一樽徑醉北窓卧蕭然自謂羲皇人此
公聞道窮亦樂容貌不枯似丹渥儒林紛紛隨溷
濁山林高義久寂寞假令九
原今可作舉公籃輿也不惡

錢若水陳義門

居近東崖對白雲義風深可動人
倫兒童盡得詩書力門巷偏多車

馬塵樓上落雲粘筆硯池邊怪石間松筠鄉閭豈
獨民遷善塔砌羨聞犬亦馴朱實垂庭紅橘熟清
香襲座藥畦春他年好卜
為隣住悔葺吾廬洛水濱

劉敏求滕王閣

閣中環珮知何處游子再來春欲
暮鶯啼紅樹柳搖風疑是當年舊

歌舞古來興廢君莫嗟君看紅日正西
斜西山不改舊顏色換盡行人與落霞

高宗題汪狀元澗底松

有松百尺大十圍生在澗
底寒且卑澗深山險人絕

路至苑不逢工度之天子明堂欠梁木此求彼有
良不知誰喻蒼蒼造物意但與之材不與地金張
世祿原憲貧牛衣寒賤貂蟬貴貂蟬與牛衣高者
未必贖下者未必愚爾不見沉沉海底生珊瑚歷

歷天上
白種榆

謝枋得題龜峰

三十二峯峯最高脚踏高處真人
豪近觀靈山一培嶠俯視彭蠡無

波濤眼明始見滄海澗心閑却憐塵世
勞後百千年誰獨立萬古一覽皆秋毫

孫覲分宜道中

老牯挽犁泥沒膝剌剌青秧滅水
出大麥登塲小麥黃桑柘葉大蠶

蒲筐猿鳥相呼聚儔侶纒絲百箔聞好
語此時物色不可孤勸君沽酒提壺廬

王十朋七月三日至鄱陽

我來鄱君山水州山水
入眼常遲留絕境遙通

雲錦洞清音下瞰琵琶洲千越亭前晚風起湖入
鄱陽三百里曉來一雨洗新秋身在江山畫圖裏

洪邁送制置使王剛中帥蜀

上都門外垂楊陌葉
經霜不堪折春光

猶未到梅花何物堂板送行客路人驚問去者誰
高牙大纛爭光輝君王應念蜀父老故輟侍臣來
紫微明光起草文章手却聽元戎報刁斗回首翔
鸞一夢中玉簫緩送成都酒邛郯九折何足驅慙

慨功名真丈夫成都花錦
君莫戀早晚歸凱持鈞樞

魯鞏麻姑行

軍南古原行數里忍見峻嶺橫千尋
誰開一徑破蒼翠對植松栢何森森

危根自逆古厓出老色不畏莓苔侵修竹整整儼
朝士下蔭石齒明如金遂登半嶺望城郭但見積
靄紫江潯岡陵稍轉露樓閣沙莽忽盡橫園林秋
光已過花草歇寒氣况乘巖谷深我馳輕輿豈知
倦侯忽遂覺窮嶽峯龍門誰來此中鑿玉簡不記
何年沈泉聲可聽真泉籟泉意欲寫無瑤琴斗回
地勢平如削擺經百頃黃差參洞開三門兩出路
却立兩殿當厓陰深廓千步抵巖腹桀木萬本摩
天心碑文磊落氣不俗筆畫縹緲工非今世傳仙
人家此地天風冷冷吹我襟今人豈解不老術可
怪綠髮常盈簪根源分明我能說一室傾倒輸琅
琳清高既不擁耒耜方社又不持戈殫我丁軾軻
豈暇議直喜虛曠開煩襟清誦出口若先措白酒
到手無停斟對山人執袂與我言畱我饋我山中禽
玲瓏當臆急雨灑窈窕隔溪孤笛吟未昏已移就
明燭病骨直宿添重衾神醒氣王自無睡到曉獨

愛流泉音起來身去接
塵事片心未省忘登臨

題圭峯渡

荒城懶出門常
掩春風欲歸寒

不飲東隣咫尺猶不到况乃傍溪潭石險風光得
暖纔幾日不覺溪山碧於染欣然與客到西岸衣
幘不避塵泥點谷花洲草自萌芽高下逆生如刻
剡梅花開早今已滿若洗新粧竟妖臉柳條前日
尚樵悴時節與催還荏苒沙禽翅羽亦已好爭趁
午暄浮翠漱從今物物已可愛有酒便醉情可憐
君厨山杏舊所識速致百壺須瀲灩心知萬事難
刻畫惟有醉眠不知忝預愁酪酌若大熱已令灑
屋鋪風簟

潘烈過藍田鎮

藍田傍午猶煙霧盡說山深有豺
虎蒼苔滿徑行跡稀樹底湍流壯

如鼓山禽格磔山蟬幽煩矜浙浙渾如秋直從一
舍得平陸却喜滿目皆良疇時逢老長聊訪問言
語嗚嗚顏休休為言近來好官府我輩得以安鋤
耰催科不煩頑暴革往昔凋瘵今來瘳樵山漁海
田可稼衣食自足儂何求聞之使我每與嘆觀國
於野真良猷誠能豈弟知教養何地不可為魯周

輕風霽日客懷好
步履撫詠心悠悠

王廷珪寅陂行

安成城頭烏宿啼鳥未起鷄登
木傾村入城來送君馬首肩摩袂

相屬但見麗眉不識各何物老翁出山谷老翁持
酒前致詞家住西城大江曲大江兩岸多腴田古
有寅陂置官屬自從陂廢田亦荒官中無人開舊
瀆只沿故道堰橫流陂旁秔稻年年熟今年雖旱
民不憂田頭已打新春穀誰云此陂會當復老父
曾聞兩黃鵠嗟哉如君不負丞躬行阡陌勸農耕監司
項背只相望風謠滿路胡不聽胡
不聽寅陂行爲扣天閭叫一聲

李綱彭蠡

神禹治水江爲最遷迤透蛇鍾作滙泓
澄不獨陽鳥居浩蕩端使羣川會羣川

已會江不湍朝宗到海東南安烟收雲歛望不盡
眼界始知天宇寬世傳揚瀾并左蠡無風白浪如
山起我今謫宦此中行何事恬然風浪止陽候也
自可憐人不學世人皆世情好風已借一帆便霽
色更增雙眼明晚來盡舸鳴六鰲超忽千山如脫
兔波心突兀見星宮雲際崢嶸望廬阜世間此景

良不多洞庭山峽真么麼其浮
大白期一醉對此不飲當如何

戴復古賦宋正南湖山清隱

故人昔任金華峯面
帶雙溪秋水容故人

今任伏龍山陳陶故園茆三間千載清風徐孺子
門前共此一湖水百花洲上萬垂楊白鷗羣裏歌
滄浪故人心事孺子高故人詩句今陳陶短衣飯
牛不逢堯何如繡鞍上著錦宮袍瓦盆對客酌松
醪何如紫霞觴泛碧葡萄荀豆其然火度寒宵何如
玉堂直照金蓮膏吟成禿筆寫芭蕉何如沈香亭
北醉揮毫再三問君君不對目送飛鴻楚天外細
讀山中招隱篇超然意與煙霞會照影湖邊雙鬢
皓此計知之悔不早三椽可
辦願卜鄰荷鍾相隨種瑤草

文天祥發吉州

已卯六月初一日蒼然亭下楚囚
立山河顛倒紛雨泣乙亥七夕此

何夕煌煌斗牛劍光濕戈鋌雪雷電擊三百餘
年火爲德須臾風雨天地黑皇綱解紐地維折妾
婦偷生自爲賊英雄扼腕怒鬚赤貫日血忠死窮
北首陽風流落南國正氣未亡人未息青原萬丈

光赫赫大江
東去日直白

陸游擬岷臺觀雪

垂虹亭上三更月擬岷臺前青
曉雪我行萬里跨秦吳此地固
應名二絕山川滅沒雲作海亂隨天花自成態狂
歌痛飲豪不除更憶啣枚馳出塞蘆摧葦折號饑
鴻欲傳粉黑無良工摩挲束絹三嘆息收入放翁
詩卷中明朝青天行日轂萬瓦生烟失瓊玉世間
成壤本相尋却
看晴天暈眉綠

吳南壽靈谷山

嘗聞天台八萬四千丈髣髴根蟠
東海上赤城丹霞二石梁幾欲從
之路難往吾州喜有靈谷山懸崖秀出羣峯間興
來騰身覽頂絕十步九折勞躋攀追尋凌雲撫遺
跡門對長江秋水碧洪波浩蕩繞山流鷺睨鷗窺
雲樹黑焚香再拜禮浮丘烈烈北風吹殿頭直深
何處候笙鶴披
衣托宿南巖幽

劉桀羊角山詩

羊角仙人在何許江南杳靄蒼煙
暮空餘拳石在人間至今指作神
仙處當年館宇幻玲瓏只今阻絕那能逢市上無
非神仙輩人心自隔蓬萊宮我來訪古思綿邈月
滿樵樓夜吹角神仙咫尺
不可知汗漫帝鄉何可期

王茂建獅子石

魏石凭江數千尺猛踞雄蟠最奇
崛今古人傳獅子名巉巖戍削如
天成幾回風吼訝超躍盤礴崩騰撼山嶽黑雲黯
直疑氣蒸蒸落月底巖類晴燦女蘿搖烟香鬣動古
苔疊翠連錢擁五虎之名仍差我呀然徑欲超層
波猝逢斯石巖中屹顧視睢肝如却立乃知度物
亦有尊態狀髣髴同其真世間
形勢有如此元化杳冥那可論

謝邁鳴玉泉

山露秋陽何赫赫山亭秋冷多秋色
豈惟醉耳玉琮琤照眼寒光如練白
舊聞瀑布垂雲間恍疑銀河隨天關
西望香爐不得往箇中原布小廬山

孫覲東塔山

山氣鴻濛衣自濕獨行曳杖穿雲入
老翠陰森萬竹蟠浮蒼漱灑千峯立
邂逅幽尋到蕭寺拊掌一笑掀百蟄
酒醒佛火照黃昏坐聽北窓風雨集

王安石驪塘

門前楊柳二三月枝頭綠煙花白雪呼童羈我果下驕欲尋南岡一散愁

綠岡初日溝港靜與我門前綠相映隔籬仍見裊裊垂佇立惆悵去年時杏花園西光宅路草煖沙

晴正好度興盡無人檝我迎知隨倦鴟歸薄暮

楊萬里謝山劉長者讀書堂

前輩學詩如學仙吾謂讀書當亦然神丹

九轉骨可換聖門一簣功相先劉公結屋高山巔豈効羽客餐霞烟鄴侯三萬足高尚霧雨養豹知

幾年文章笑拍班馬肩書堂看來咫尺天會當擢桂廣寒邊祇借謝仙雲鶴駢

并枚異題昌山聖姥廟

分宜古縣環清溪重岡復嶺如奔馳行逢山斷水流

處關城廟枕山之西我來落日在前嶺摩挲一讀盧肇碑嗟唐去今亦已久尚餘文字光陸離云昔

秦人有天下鏖戰六國愚黔黎礪山雲氣望不見神物乃降江之發雷轟電合助光恠蜿蜒隨地皆

群兒赤鱗玉鮪奉鼎追逐其旨憐老慈老仙先去環珮冷安能蟠螭從兒嬉劉累不出浮俗隘况

肯委質羸與斯珠宮貝闕世所希銅環十二白玉屏紉蘭作佩香披披招搖手掉芙蓉旗哀彈清瑟

和宓妃大川擊鼓勞馮彝巨魚踴躍龜鼉隨暇躡瑣細不得追廟門開闔風颼颼千年萬載龍居之

野巫偵伺薦酒卮簫鼓坎坎來宮祠五彩不辨虺與螭聊以幻化驚群迷嗟我四海外望霓無復空

抱明月輝好施膏澤與六合豈止但慰袁人思歷堦酌水致此辭退以遺誼傳于詩才慳語類論甚

卑龍兮謹勿相詞譏

祖無擇廬石

袁山之陽秀水側草覆遺基誰氏宅皆云子發其姓廬往以文章名籍藉

宅中舊物何所存惟有嶙峋一巨石闊纔三尺高倍尋久卧塵沙群瓦礫余心好異因獨往下馬環

觀聊拂拭地表可見十二三已足惟駭動魂魄呼工運鋪塹其旁挽以長繩百夫力謹然鼓譟登大

車恍爾如萊巨靈劈選置東湖最佳處四面澄波映天碧倚空突兀無與鄰頓覺亭臺增氣色彎環

幽竇莫敢探恐有乖龍飛霹靂余嘗南游到陽朔象峯轟轟春笋植柶蘿踏蘚窮之遍若此奇卓曾

未識郡人奔走來如雲故老驚視復唧唧乃言此
 石遇真賞屈指于今年二百沉埋曠代誰爾珍一
 日見價逾逾荆壁嗟予束髮大夫後區區志尚惟忠
 直十年再謫非不窮猶慕慕堅純無改易如何故老
 不我愚感物再三形歎息石不能
 能言人有言勿使他時重埋阨

范成大游仰山謁小釋迦塔訪于惠二王遺跡長

老混融堵田谿淵清洄洄梅州問路寒雲堆連空

夾道立相逢無言心眼開翠微中斷雪礪吼兩耳

不辨其喧豗林間靜極成斷相政要萬壑號風雷

出如蓮盆繞金地龍宮避席餘蒼崖祖師抱膝坐

古塔大禪海眼翻天來勝空役猶我未眼拄杖踏

濕撞莓苔問龍亦借一席地解包聽雨眠西齋當

年公案忌錯舉神通佛法同坑埋混同菴中的的

意笑我舌本空崔嵬茲事且置飽喫飯梯田米賤如黃埃

張嗣古蟠龍山蒼龍蜿蜒復颯颯崢嶸頭角摩九天劃然下覽衆山小蟠伏此地今

千年雲盤霧結三十六鱗甲參差動林谷不將霖

雨矜神功却向寒崖散飛瀑灑風吹我衝晴烟飛

薨金碧縣山顛白雲脚底飛欲盡此身恐在層霄

邊問漚堂前舊消息拍碎闌干人不識心隨境轉

萬化新跳出世間真自得清興未盡還歸來却立

平地聽風雷紛紛冠蓋趨塵埃此龍此寺長崔嵬

梅堯臣盧石咏袁州太守蓬山客來過盧家尋惟

舊蹟埋沒尙存三四分雨淋日炙如被惜太守惻

虎穴誰為雄辭通造化方能敵殿後吾雖胆力強獨鞭疲馬終無益

張謬靈棲巖

截截業業如山簇磊磊落落石如屋上有綠樹之陰陰下有寒溜之泠泠

通天有竇十餘丈遊子捫蘿來復往是中端合巢神仙桃花流水何杳然我來正值春風暮似笑賢勞又還去準擬醜酒聊從容對此坐想飛來峯

元揭傒斯玉筍山歌

大江之西洞庭東三山鼎峙爭長雄玉筍嵯峨與天通千

迴萬轉重復重十人避秦入山中池養十魚為九龍九人乘龍上虛空亦常飛入為九嶷四海照耀何其隆三疏不救莽賊凶曹瞞欺天塞帝聰玉梁白晝隨靈籙壽春真人抗靈蹤三壇佳氣長鬱蔥璇題翠羽開神宮九霞照地光熊熊急澗鳴玉相撞春羣峰四合如朝宗承天高年亮天功大秀幽詭和木同重巖洞壑守鬼工白猿復啼寶氣衝我欲求之白雲封金闕先生碧兩瞳弟子聞咏敬以恭巢雲駕霧雷飛蹤元洲長史白玉容八十二口來相從一人不復世莫逢忽而見之若發蒙朱宮

玉堂繡簾櫺青童素女清而丰桃花杏花相映紅忽而不見空溟濛或聞玲瓏響猶泚泚如金雞啼曉風向劉沈謝數十公遺聲逸響猶泚泚如金雞啼節何當降霞衣飄飄珮琅璫下與世人哀瘵桐身為風收常先鴻上佐皇羲播時雍還淳反樸服孝忠物不疵癘年穀豐氣酣飛上三會峰周賢四極摩蒼穹前有天柱如華嵩落日返照金芙蓉三峰東出號赤松雲臺太白相橫縱羣玉金扇遠更濃兩峰相倚如驅蛩紫微高歌紫霞冲石橋金桂爭巖崕長江外抱如白虹束以驚峽轟奔滾千今萬古聲淙淙百神歆集元氣融超凌蓬萊軼空峒仙來不來我心忡山中有草名碧茸食之千歲顏如童我欲求之不可窮願珮含景從仙翁紫袍白馬來兩駿奪取神君一尺銅坐閱絕景忘春冬

明劉松題胡典史所藏簡天碧西山南浦圖

草堂高人

好奇古手卷畫圖長尺五云是簡君之所為歷歷
 西山與南浦鴈原鶴嶺紛孱顏春水亂入螺螄灣
 章江楊柳綠如霧滕閣正在蒼茫間冥冥官舫北
 來遠風力漸紆帆漸捲天低白浪驛亭孤雲捩黃
 牛拖樓轉城中酒樓喧管絃歌女能舞花如烟菰
 蒲落日鳧鴈晚風浪杳渺嗟何年反思往時寇圖
 急列艦旌旗半江赤官軍血戰龍沙屯東北人家
 半荆棘為軍指點尋舊蹤我思簡君安得同高堂
 酌酒歲云暮如見積雪明東峯只今風塵尚蒙翳
 對此酣歌一飲歎豐城龍劍今有無亦欲看雲望

奇氣

楊士奇滕王閣送別

章江西來繞洪州滕王高閣

閣人間幾典廢昔聞貞觀全盛時大廷金冊封宗
 支時平還出領旌節富貴非常驕逸滋正對西山
 俯南浦雕欄朱檻參差起玳筵鳳管雜龍笙白晝
 歡聲彩雲裏畱連晚日下簾鈎別有漁歌聞上頭

回眸共盼滄州際杏彩蘭嬌擁娥翠只言歡樂殊
 未央城頭一夜飛秋霜三春榮盛逐流水佩玉鳴
 鑿俱渺茫年淡代易無此閣好事何人為重作絕
 世流傳蛺蝶圖東風粉色皆消落只今閣空臺亦
 平瀕江但有滕王亭松門薄暮掩修竹數葉瀟瀟
 寒雨青當時棄德航遊宴身後荒涼竟誰嘆一種
 南昌孺子亭行人下馬思東漢君行幾日過江津
 弔覽應知作賦新文章自昔三王盛還見今人繼
 昔人

曹學佺滕王閣歌

百里豫章城千里滕王閣江天
 肆下上雲物何寥廓崔巍鉅麗

宇中稀帝子乘遊歌舞飛露臺半壓鼉鼉背霞構
 全遮鳥鵲輦昔時宴客聞豪貴王勃一帆風送至
 文章不屬少年人未必江山能吐氣四傑之名從
 此買翻借滕王到千載殘碑屢化祝融灰勝韻不
 隨波浪改君不見今西山中有仙人今杳難攀梅
 福丹井已漫滅王喬白鶴空不還縹緲一抹之青
 鬟明滅變幻無時閉或將太古色現此頃刻間我
 來有意揚後塵無那章江如殺人綠波不肯流新

月芳草先期別故春春去今何處尋日沒兮江半
 陰蒲樹微兮照水深水氣浩浩以上侵似沙兮而
 颺疑烟兮而沉顧此淒淒之景兮而動子之長吟
 長吟兮舒懷抱北行不望金陵道南歸何必故鄉
 好子將涉江而蕩湖兮
 直眠匡廬之峰曰五老

萬嗣達廬山歌

廬山九疊雲錦屏高逼清虛窺帝
 庭俯矚溢城大于斗萬山雜遝如

浮萍銀河倒瀉石門東金壁斜開錦澗中白鹿未
 歸丹洞杳黃龍長去碧潭空觸石蒸雲郭郭上象
 馬龍蛇森色相環珮時逢帝女蹤芙蓉秋潤仙人
 掌岩僧乞食來天竺山鬼吟詩潛石屋洞口層冰
 六月寒山腰倒景千年瀑渺渺仙源信可求青松
 白石總丹丘何時一杖雙峰頂飄然長與盧敖遊

徐溥石鐘山

長帽坡翁有仙骨平生好遊山水窟
 彭蠡湖頭一放舟石鐘之山名愈出

我想是時清興酣天空孤月如白日微風嫋嫋起
 微波衝激石竇聲相和宛如簾簾發金奏時訝蛟
 鱷驚龍鼉爾來天地幾萬載俗耳不識將柰何坡
 翁仙去今已久賴有王君踵其後刊苔剔蘚尋古

碑傑句各章垂不朽令人望
止九江涓定有虹光燭星斗

陳弘緒洪崖 玉龍蜿蜒劈蒼石漱雨搖風幾千尺
清冷盪滌自古塵轟飛忽見崩崖折

搗藥臼存仙已去雪積藤笠知何處幽草幽叢閱
代淡白雲落落堆寒絮峭壁古篆點畫疑一字兩
字捫且推讀之不了脚踏立刮削老苔畱新詩赤
日墮山暝煙重吼泉勢撼孤亭動筇枝遙指翠微
燈虫聲滿 徑催清夢

陳邦瞻荷華山放歌 憶昔仙人駕象來芙蓉萬疊
洞門開元風翕歛播靈境紫

氣恍惚通蓬萊藥爐丹竈知無用絳節羽衣紛徘徊
徊雙泓窈窕貯瑤碧紅白蓮花相對開奇葩異萼
香噴薄太華玉井相崔巍石壇漠漠仍千載仙馭
泠泠去九垓靈幢寶蓋不復見道人遊客心空哀
我昔童稚負奇骨拂衣有志凌塵埃自料紅顏生
羽翰何須姹女結真胎百年此事雖如夢翻飛朝
夕白雲臺北尋崎嶇訪 華蓋却笑杜子非仙才

桂榮懷玉山 昔上三青望懷玉石龍迢遠驚飛伏
烟霧浮動紫翠間應有幽人住空谷

使君愛我携登山初夏秧田正抽綠岡扉掩映護
藤花澗道紆潛響晴瀑拾級懸登二十里捫蘿躡
磴超林麓飛身淡入天寨門別是乾坤開卜築遙
望宮墻數仞高百年往事今恢復峯尖森聳削芙蓉
蓉桂影扶疎散金粟點瑟回琴鳴溜泉禹疇義畫
分疆局虛堂淡處揖高風流盡煩襟出新沐明月
中庭最可人豈是當年棲老宿一
宵相對清心魂却愧來遲我獨行

高明靈山 靈鷲山為吾郡鎮岩岩氣象泰華侔上
支天柱七十二下孕水晶千百秋地接

東吳控荆楚星分南北介牽牛時
當亢旱吞雲霧大作甘霖遍九州

羅玘遊福興寺見斷碑剔苔乃南豐曾氏兄弟詩

讀之二十年夏選部到寺仍讀之督僧求題 木角
二通

佛日高傳呼有客來天曹二三騶騎餓欲踏主人
氣壓千夫豪手持長鏡獨兩廡古碑則有天我遭

尚書古文出孔壁大食空貢大寶刀洗磨碑合信
口讀無嚴先哲空莊騷庾僧炊燧出孟飯兩豆跽
進純溪毛掉頭不住上馬去却呼僧語隨雁屍僧
言圭峯老癡伯病牀去此纔九臯十年未病頗搔
括如以絲蠶手所繅敢言伯仲見伊呂子也天分
饒貶衰再麾僧歸取舞筆僧曰丐彼徒嗷嗷豈知
南豐世家韻中夜夢見踰垣迯獨羞嗅味不同器
新法首和仲也饗天曹陽秋太阿柄既从諛鬼仍
烹麀願生丁寧知我語史律高築嚴城牢美言一
經掩穢行錦帟偏與淫人韜僧頑如石百不諭頂
硯啣筆鳴聲號岷羸痿痺指嘔強心欲注瀉誰揮
毫燈龕明滅山月入蛇挂佛頭巖聽舉禪宮風露
倍剝蝕僧汝
歸去勸蓬蒿

曾榮五老峯 廬山高哉倚穹昊中有五老峯更好
蒼狀屹立開闢初從此巉巖盡稱老

憑誰削出金芙蓉黛光半落青天中東南諸山不
可數環繞只與兒孫同我生幾度過湖曲五老容
顏相見熟安得麗眉在此山偃仰峯頭號
西江眾流滙蠡一色瀾漫天接水雲消極浦鏡

西江眾流滙彭蠡一色瀾漫天接水雲消極浦鏡
光平風捲雲濤雪山峙春流拍空浩渺茫氣吞七
澤含三湘晴影遙連洞庭濶黛光倒浸廬山長我
昔揚舠泛烟波貝闕鮫宮儼相向拾得驪龍頷下
珠夜夜清
光瀟湖上

羅汝敬雲錦峯 廬山東南雲錦屏裂雲裂錦羅紫
青水簾捲秋天漠漠春色入樹花

冥冥屏陰處處青山小古刹微鐘自昏曉一鏡平
湖凝黛螺萬里長天度飛鳥故人舊隱斗南家玉
堂十載思烟霞何時乞得
南歸詔醉臥屏前掃落花

杏林 董仙學仙種杏花杏樹成林董仙去錦霞鞞
地五更風土顆垂空半秋雨藥爐丹竈封綠

苔虎臥林間呼不來空山何處尋行跡東風惟見
杏花開蹇予亦有尋真意書癖年來苦顛悴明當
借取麻姑鵬相
從一問長生秘

王守仁紫霞真人白鹿洞歌 何年白鹿洞正傍五
老峯五老去天不盈

尺俯窺人世烟雲重我欲攬秀色一一青芙蓉舉
 手石扇開半掩綠鬟玉女如相逢風雷隱隱萬壑
 瀉憑崖倚樹間清鐘洞門之外百丈松千株盡化
 為蒼龍駕蒼龍騎白鹿泉可飲芝可服何人肯入
 空山宿空山空山即我
 屋一卷黃庭石上讀

侍郎周廣題大唐寺

是何山中大唐寺百年一度
 春風來吹出疎林滿樹白千

朵萬朵梅花開老僧向我問出世攢眉懶說
 心上事更對梅花一大笑仰天脉脉皆忘意

羅洪先遊浮洲寺

湖邊草淡烟欲生湖上風吹雲
 倒橫今我作客發清興有人奏

笛來幽聲青天落水低樹合白鳥弄波斜
 日明蕭然對此亦何意枕石讀盡南華經

宋濂登廬山讀李太白詩

長庚曄曄天之章精英
 下化為酒狂在廬五老

森開張銀河萬丈挂石梁下馬傲睨立欲僵聳肩
 伸手神揚揚憶昔開元朝上皇宮中賜食七寶牀
 淋漓醉墨蛟龍驤人疑錦繡為肝腸麾斥力士如
 驅羊營營青蠅集於房金鑿不復承寵光并州可

識郭汾陽不可舟陽逢永王大風吹沙日為黃後
 視哀帝聞夜即蒼天欲使詩道昌頓詘萬物歸奚
 囊何處更覓延年方北海天師八尺長芙蓉作冠
 雲為裳授以葢笈青琳瑯蓬萊屹起滄海洋羣仙
 邀汝相翱翔誰將粉墨圖縑緙顧我一見心
 悵悵詩成仰視天茫茫夜半太白生寒芒

王世貞廬頂放歌

匡續先生幾千載周顛仙人安
 在哉開聲便喚竹林寺見影頓

築文殊臺浮雲四起忽無地舉足步步愁莓苔吳
 越應從下方出岷峨別向西天開擬呼聖燈照迷
 去更借鐵船凌漢迴山僧一
 笑挽我袖何如且住傾三杯

胡虛白廬山

我有紫霞想夢入匡廬峯仙人凌絕
 頂手掉金芙蓉芙蓉亭亭九天疊

嶂騰騰湧波浪五色雲中白鹿鳴三更海底金雞
 唱懸崖瀑布從天來匹練倒界青天開高人似是
 陸修靜邀我石磴行莓苔九江秀色可攬結欲跨
 長鯨作明月望斷蓬萊青鳥書琪花落盡無人折
 飛身上入香爐烟坐我萬疊屏風前翻肘手招五
 老坐一笑彷彿三千年松風冷冷吹夢覺鶴背高

寒露花落早知此景隔塵凡只今棲身向丘壑何
人寫此江上山雲山與我心俱閉明當會碾颺輪
去長謝時人竟不還

宗臣廬山歌寄贈明卿時以黃門謫豫章從事

日夜敲太白化為五老八萬尺並跨古螭下九江
猛風吹作倚天壁手懸石鏡照天門日日東西亂
相射香爐之峯插其南星辰燒作珊瑚赤青天忽
墜金芙蓉九十九峯破江碧峯頭白鹿啣紫雲紫
雲片片大如席石梁瀑布天上來百折寒濤寫琥
珀玉虹雙夾孤電翔急雷長闕銀河圻佛手巖前
石鼓高有時擊鼓天烏號三五山人驚且起東方
先生騎紫鰲帝前大醉黃姑醪下視八荒如秋毫
帝也聞之惡其豪一朝謫下廬山去九華之冠赤
霜袍腰間雜珮金錯刀彩霞捲地飄組練蒼烟排
馬拂旌旄旄直上峯頭叫五老五老却立呼其曹
來餐之白鳳膏醉持龍角如持螯江間古龍聲嘈
嘈倒鞭白鹿滿山走白鹿夜夜哭且吼赤松不敢
與之遊黃石不敢與之友樹杪九江如一線織女

抽來紉吾綬東折扶桑煮天橫白露玉莖日五斗
西方之萑摘為帚掃盡閭闔萬古之浮雲攬盡瀟
湘萬里之秋色一一掛之于楊柳我欲白日借羽
翰等爾彭蠡之左鄱陽之右不朕爾時白鹿來北
極又恐封狐嘯君前雄虺眺君後我亦竟不去爾
亦竟不來袖中彩繩十萬里直繫廬山入酒盃奇
峯峻嶺收崔嵬白鹿暫臥元圃臺與爾共醉三萬
六千日池上蟠桃十度開五老隨之日日哀長蹠
求歸百日迴朕後放爾廬山大江去東方先生還
蓬萊共駕濁龍逼九垓他日倘過廬山側江頭奉
石何有哉

邵寶東林寺

我行春山拾瑤草興到磨崖何處好
東林雙磎接水雲倚塔蒼松鐵柯老
遺跡可賞還可哀午風徐步岩花開遠公有道吾
未識千載曾見淵明來佳廬佳氣迎馬首萬峯明
月今宵酒皆前嘉樹多閱人莫向尋常論不朽清
晨海日光照庭潯陽北望橫烟汀僧釗幸為謝山
色覽盡江湖終眼青

王守仁東林寺

東林日暮更登山峯頂高僧有蘭若蘿雲磴道石參差水聲澗底石

高下遠公學佛却援儒淵明嗜酒不入社我亦愛山仍戀官同是乾坤避人者我歌白雲聽者寡山自點頭泉自瀉月明壑底忽驚雷夜半天風吹屋瓦

李夢陽天池寺歌

廬山絕頂天池寺鐵瓦為梁白石柱傳言周顛勞聖祖天眼尊者同顛在嶮絕下瞰無底壑屈曲穿綠帷一路填屬秋晴強攀陟俯之四海生雲霧岷峩纍纍西向

我杳杳長江但東注君不見寺東崖石鑄竹林穹碑御製山之岑周顛胡不畱至今周顛胡不畱至今虎啼日暮愁人心

米萬鍾煙水亭歌

南湖醉秋秋自銜沆瀣吞人塵眼斷水心波杪坐空烟點破碧

澄天一片劃朕天池精神開剪電崩冰走湖面一丸落手杯忽光廬嶽于峯盡供玩移樽逐月好放舟萬笛驚虹短篙戰歌聲入雲月亦喜來往傍舟如我戀龍池之龍何許居故吐寶珠華容宴主賓

雲水其情淡子夜流連不知倦隔林幽碧帶雲流傳自遠公禪講院停橈把臂祇樹林代異人非池

不變此宵良晤豈偶朕無奈前身蓮社彥相看大笑別湖干明日東西塵漫漫

洪周祿煙水亭歌

澄湖如鏡秋痕澹雀舫聲移驚瀲灩淺苔雲靚漲疎霜堤柳歸

鴉飛片片禪天龍護走奔虹仙逕烟霏盤紫電江帆日落星浦流夕陽小橋人影亂佳峯且面削芙蓉時有白雲層鎖斷山姿湖貌足幽尋晴好雨奇恣汗漫野鱗忽復劃漁燈罨影長空抱素練把酒誰堪問主賓寶月芳汀花雨散笙歌元草醉宗風千年事業湖山半

文德翼陶白祠行似江念鞠太守

城外晴湖水一曲春波漾漾鴨

頭綠長堤岑寂少人行兩兩三三鳧鷺浴夕陽緩步欲誰歸陶白祠邊柳依依彭澤辭來松尚在忠州命下丹已飛詠真一笏誰所憐太守頻過抵足眠世上不知五馬貴湖中但覺二公賢一尊却向匡山笑影涵千尺何孤峭賓朋勿散且徘徊藉草投竿漫學釣

藍智潯陽江

今日泊船九江西昨日泊船彭浪磯木葉風高雁初落蕪花水生魚正肥

荒城隔浦晴吹角明月誰家夜撫衣遙望故園秋色好青山有意待人歸

謝貞淵明讀書臺

昔人讀書有臺名至今此地有書聲門前碧玉環秋水松上笙

竿雜早鶯鶯聲乍起書聲歇曳履橋門有春色春色從來不可留還向溪中弄溪月

鄒守益遊武功

我從石屋訪葛仙芒鞋猶帶東陽烟山靈愛客苦淹留九日陰雨相

纏牽東遊龍窟西集雲足跡宛轉滇海壘新晴忽報鐘磬清仰視星河淨涓涓與來清晨理我髮追

逐同志升崑兀石磴盤回轉長虬觸目揮汗不肯歇俯首萬山波相春玉井碎茁青芙蓉澄川交暴

砂礪練比屋斜綴蜜房蜂團雲忽起障我熱兩袖颺颺駕剛風咫尺林木不得辨冷狀直入東吳宮

環視上下天一色僅僕爭愁雲雨急恍疑混沌天未開手扶兩儀分太極仙翁獻奇遽如許指揮白

雲鋪下土靈鎖不放塵氣來獨懸赤日照天府圓光熒熒敞玉京雲擁淮堞如銀城霓裳羽衣舞蹁

躑躅天廣樂鏘九成章亥所步幾萬里次濂無翳海波平洞開肝胆見上帝粗穢一條丹池清雷巖

石瞰滾龍峽相傳神篆藏瓊匣結茅且倚木榻臥初試囊中煮石法浩歌呼月正皎皎白兔怯寒杵

聲小香爐臙腫手可蒸檀烟撲鼻何縹緲徒倚不覺斗柄斜啟明先驅引絳霞陽鳥振羽若木華金

燈炫耀東皇家熊羆魂魄以堪拘朱輪推出羲皇車人家此時方熟睡誰識九中第一義羣虱莫笑

阮籍狂溷廁爭守李赤魅屈指奇觀此為雄青原玉巖皆下風脂車復欲入鄒魯丹檢一啟泰山封

方以智搜瀑行登高觀靦雲端福誰能剔出名山骨圖坪西葯具刀斧斬荆伐木搜

龍窟雁宕三壘皆後開飛流霞起猜天台今朝親剖碧崔嵬架梁崩岸扶懸崖卻因灌莽迷途躋一

臺臺高十仞雙溪來九老拱手披襟懷石筍拔地幢林栽乃臥石觚望大壑天關斧劈銀河湲白字

堂上遙呼錯穿叢跳嶮重開鑿中見匹練騰烟潤下垂無極難描邈舫翁身輕隨葉落墜崑崙大叫天

揮霍同行老少數十人先至上潭燒枯薪望聽煙關攀藤下果狀一窟環龍齧四壁陰墨如削鐵雷

轟電激撒冰雪俯視毛寒眼光裂沸濤萬變那能
說兀狀拍掌猿猴鳴童子拋石毒龍驚涇雲怒上
回頭冥濯足
歸寫圖坪行

劉永之題劉宗海清江碧嶂圖
劉君早年善山水
得意往往圖樵漁

西昌城西一相見忽朕贈我雙畫圖圖中似是清
江曲春雨蒼茫汀樹綠塵中彷彿辨飛帆水際依
微見茅屋漁郎繫船江石上一夜磯頭水新長孤
村日暮烟火微渡口歸人暝猶往碧嶂層巒翠轉
奇嵐光秀色含朝暉風林落葉酒青壁雲壑流泉
生翠微我昔結廬此山裏每愛秋嵐淨如洗經年
奔走厭風塵偶看新圖心獨喜憑君添我小綸巾
明當歸掃山中雲他日君來一相訪松根為子開

柴門

練子寧玉筍山歌
我所思兮玉山之峒崑燦芙蓉
今誰讀廬山謠熊侯家住劍江側慣掃秋山之黛

色聞予此典為寫之彷彿梅仙舊時宅梅仙今行

在邈清風兮滄海蹇彛猶兮孤舟弔遺迹兮千載
舟中所載非凡流差故人兮李與周按玉笙兮明
月下黃鵠兮清秋洞天兮石扇蘆鴈兮路轉橫余
劍兮視八荒訪蓬萊兮幾清淺張侯兮昂藏驂白
雲兮青霓裳窺玉梁之寶笈醉石髓之瓊漿千巖
萬轉路莫測酒酣一笑三山窄待得君王賜鑑湖
錦袍重訪
山中客

莊祖誥吊吳烈女
有序 湖口吳氏女四貞艾而
美聘周氏數載未及配其夫不

得於繼母欲寒其盟女聞之懼以已另適也輒鳴
咽不已遇晚乃以所簪雙篋及所著襦鞋各分為
二一置笥一置江頭尋赴水死時崇禎元年十月
初三也其烈如此可以風矣余舟過彼地為十一
月十六日爰拊其棺作歌以哀之 莫道儂顏艷
比花儂命如葉薄堪嗟嗟來不如花與葉雨雨風
風但愁怯幾年紅定語偏寒鳴玉筍流辛酸愁
絕斷絃真斷腸絃雖斷兮難更張西家羞逐鬼蝴蝶
蝶東臯嫌屬野鴛鴦弓蓮金篋雙好寂寞青菱
與葦草生骨甘同精衛魂死心不共虹蜺老如花

如葉托貝官好向蘭香披素衷江上筠班多少恨濤陽有淚再傳紅

皇清李明睿蕭江再汎

濛濛雨氣遊人醉江上春風生百媚瞳瞳日影照巖谷江

間波浪如銀屋總為游人探瑰異金鳳迴龍慧力寺蒼蒼暝色歸舟緩江干燈火紛凌亂城郭山林分兩岸橘柚人煙多無算老子無心遊汗漫

陳嘗稽亭

并序 據唐歐陽詢云潯以山水勝古誌載有一亭于山水間凡登臨者每雷

連不去因以稽名近與琵琶海天俱歸鳥有爰傲北山主人聽歌原體聊以志感 匡岑雋懿甲天下瀕洞岷流九派瀉山水適滙觀誠雅亭構何人于此際濤聲秀色飛來麗日所收今心所契萍踪偶集有幽人似苦風塵何弗臻村沽莫禁以吟呻縱欲帆開姑暫止俟將奇好收之紙莫負此中山水吏古人于此洵情淡一片東流去莫勝滄桑惋愕以亭琛

江臯潯陽蕨根謠

蕨根蔓延蔽山野枝葉青青不盈把舊時委棄荒草間無人採

撥溪崖下一朝長鏡遍空谷老稚扳援竟難捨農家三時雨澤枯水田焦涸山田蕪豆苗爛盡蕎麥死更牽菱芡投溪湖荒厨十日無一粒况復郡縣催逋租東隣携家渡江去里社蕭條聞鬼語空林日落豺虎嘯柴門晝掩無人住老農支離步履難荷鋤日日趨崗巒滿檐杈若荆棘朝春暮劓供常餐大男鬻婦中男死孫啼乳下空悲酸昨聞府帖催發賑四野哀呼多道殣官倉積穀升斗需安能遍洒窮簷潤蠲租詔下方停三正供尚苦追呼迅痛哭難為大吏言荒年草木真無存連朝淒風吹破屋炊煙斷絕白日昏怕遣催租吏到門田間食盡無蕨根

龔鼎孳酒間作就亭歌

扁舟昔作蕭山客夜市酒殘江岸黑臨江江上多青

山閣皂知名曾未識臨江江水清濯纓浩蕩白鷗非世情安得更淡萬里路高眠白浪隨春醒何人為築中林閣開樽無數風帆落四圍蒼翠任憑攔萬竹蕭森初解籜愚樓盡日坐愚山退食長悲瘖土難嘯傲亭中渾涕淚賓朋海內忘飢寒滄洲雲樹迷烟霧回頭莫憶長安路就亭高處發高吟應

識當年
游子心

施閏章九日同賓僚讌集天華山
螺川夜雨朝日晴早露正照千

山明郭西走馬即丹嶂巖前把琰看孤城浩蕩風塵成老叟怕見青楓映疎柳孟嘉從事昔淹留落帽曾經此地否賓僚雲物好無敵緩舞清歌凌絕壁東籬有菊未開花野寺何人遠吹笛西江三度送重陽此度車輪轉客賜家園臨發登宜春臺短官舍皆離別且盡今朝任醉鄉

歌問君何事不得登高臺黑雲積雨連江來簿書如山眼不開今朝走馬且徘徊空濛遠色碧空

盡滾滾塵世等飛埃君不見千山寂寞皆暗嶺大小袁山在人口處士翻成古郡名古來富貴亦何

有袁生兮袁生樓中秋夜愚樓觴月
山寺歸來白日

頭酌爾一杯酒
月街官閣清秋逸興共婆婆西棟朱欄倚寥廓屏風側墨環遠山素練平鋪臨巨壑閣前古木三十

垂粉衣中宵羅袂如霜雪銀河倒瀉天地白烏鵲

南飛見羽毛觥籌交錯忘王客兵荒萬事苦傷神良夜初傾竹葉春庾樓滕閣皆偶爾步兵中散彼何人去年此夕客蕪關今年此夕吟蕭灘漂泊浮生為一葉同心合坐千秋難千秋難在今夕群彥聚東南高吟響金石作歌贈明月月亦解愛惜智愚計較何區區鯤鵬斥鷃皆拘墟老夫今夕百愁無鑄金作樓良不愚君不見向平遊興在五嶽安能偃蹇踟躕一寸地使我眼前一日無江湖

朱徽望廬山
望廬山廬山之高不可攀其上咫尺透天關其下蕩漾宮亭萬頃潺湲蒼蘚

壁吐玉龍髓白雲堆現青螺髮橫峯側嶺幾人見但有神仙窟宅于其間五老峯上月色閑三笑溪邊虎聲殷古來賢達共棲託冒險不醉窮往還嗟我茲行大潦草輒值旬餘風雨頑平生此興良不淺頗怪登陟緣分慳蠟屐攜筇之事猶尚爾况乃汗漫塵世半通綸我欲從之路阻難側身終日愁容顏望廬山不可攀

舒忠謙吳女彩鸞寫韻軒
蓬萊婉姁有真訣傳女

舒忠謙吳女彩鸞寫韻軒
蓬萊婉姁有真訣傳女

密香傳上元夫人夜淡說吳家女愛六銖衣細抄
金灼悟天機瓊思瑤想秘不得猶向人間賣字歸
織腰素肘豈凡黛堪鬪少年姑狡猶騎虎雲飄五
暈裙月姊星妃傳十賚蔣侯三妹夢青溪未有新
詞寫綠綈區區常翁紅
蕤枕何足為郎重品題

鄭日奎龜峯老榭

信郡千里無此樹此樹何年植
此處不同桃李競芳妍獨與蕭

蘿結高致老幹撐天根蟠石石亦稜稜相與媚蒼
皮碎裂漬苔痕黛色離披走雲氣童童一蓋暑復
寒不因霜露而榮瘁亦不烟雨不日月幽愛千尋
長幕地密葉吹聲鳥不度翠虬卷浪笙竿沸武侯
廟栢孔廟檜奇崛豈不與之類尤物從來招鬼妒
此獨鬼物相呵衛竦直亦中繩墨用匠石不過樵
斤避我來支石坐其陰瞥覺枵陽飽奇趣高歌慚
乏驚人句數言約畧其大意寂寞窮山今遇賞何
必巴州
光福寺

鄭大雅登武安山

絕磴幽尋尋不足攀藤踏蘚上
崖曲一庵幽窈白雲淡萬象森

羅翠微伏何年種竹且栽松青翠直欲摩蒼穹素
月歸來城方曉老僧看去水雲空午夜鐘聲響天
半毒龍稽首羣魔竄佛火微
微鶴夢殘竹籟松濤互凌亂

史大成擬峴臺

不作峴山遊安知峴山勝但聞羊
叔子片石畱愛敬撫州城東擬峴

臺飛甍離檻出城隈一水寄林明鏡落千峯入抱
翠屏開我觀城內多荆棘城外遺黎稍稼穡新離
水月席未安撫字誰當宣帝力凭闌極目天蒼茫
輕裘緩帶人何方且喜披襟對靈谷漫勞吊古尋
襄陽壁間重刻南豐記記中不及羊公事祇言土
俗與山川刺史當年同樂意咄嗟俯仰幾千秋汝
水環臺不斷流平原返照明如晝遠岫輕烟隱十
洲謾謾涼風起灌木賞心勝會蠲暑溽醉來試作
銅鞮歌如教
兒童唱楚曲

游東昇瀑布

織女銀河梭不釋蛟鮪織就千萬尺
谷神有靈通玉液長曳一端山下射

冰蠶吐繭凍凌漸火雲烘之轉鮮白激越如聞搗
砧聲榮迴錦紋連縹緲安得剪服襯荷衣練漑塵

濁瑩體肌覆露
蒼赤無窮期

柳文標遊東林和陽明韻

山僧揮手謝世人白雲
淡處結蘭若蒲團直上

峭峯巔鳩藜倒擲懸岩下拈花一笑總無言却訝
遠公多結社一壺濁酒是禪機淵明乃為知道者
破盡言詮世所寡空山一任泉聲瀉
疾風不動泉頭幡直向簷前飄屋瓦

胡宗虞烟水亭和洪半石韻

南湖搖漾天河澹鴈
影衝寒驚艷誰將

畫史冥湖心山色霞光揉一片陰晴未辨雨絲絲
日照香爐奔赤電如梭解艇送縱橫鼓柁聲頻魚
鳥亂埜鶴聽經不記年歸雲護法聯還斷文藻交
交徹底清漁習籠霧尤迷漫橫鋪瀑布瀉殘愁昏
旦長江飛匹練騷翁涉此游興奢酒白牙紅
筵未散就中好景入奚囊分得匡廬秋一半

毛會建廬山歌

我聞廬山高高萬丈矯車飛風
不能上夢中忽忽欲騰身絕壁崩

雲空悵望南康太守語我來佳君嶽崎磊落畧敬
毛君才為君濟勝饒有具君但能往無嫌猜從茲

發脚開先寺夾洞奔泉滴空翠萬杉蒼蔚欲畱人
棲賢不墮生客至窈窕冥白虎洞中天談經問道欽
前賢歸宗舊是右軍宅墨池鵞沼猶依朕最是玉
簾飛瀑從天落矯若驚龍赴羣壑五老昂頭時瞰
人足踏紫霄控白鶴庄家兄弟結廬不知在何處
惟見雙雙姊妹芙蓉髻香爐一縷作清供屏風九
疊長相衛此中往往多奇情相看如幻還如真珍
禽異獸時出沒琪花瑤草無冬春陰晴歛現烟嵐
氣昏旦不聞雞犬聲疑有當時避秦者不獨近見
六朝僧廬山高何岩峩我欲造其頂十日不憚勞
仰視山高定幾許半山已入青天裏飛來千里萬
里雲化作十峯五峯雨無復人間看山時如聞天
上作人語欲上不上何處巡髮鬢夢中絕壁崩雲
不可去歸來還以語太守太守聞之為掩口笑謂
今日英雄逢敵手佳君曾勝毛君負臆嘻太守且
莫訶須臾聽我廬山歌廬山畏人藏半面不如美
人坐上揚雙娥太守掀髯復大笑呼童滿
酌雙巨羅為兩君賀戰勝不知誰少誰多

米漢雯樟公行

樟公樟公植何代蔽日摩霄勢蒼
夔蒼皮勁幹饒古色側視遠觀各

殊態其下蔭垂百畝宮繚糾要紹龍蟠空游人藉
 坐時分席好鳥營巢各占叢佳各原自官家賜宋
 史迄今猶紀記炎天獨謝曜靈威晴晝亦闕風雨
 至更憐踞地最清幽萬卉千林迴莫儔遙分歐麓
 朝昏翠俯映修江日夕流繁霜十月朔風急霧葉
 烟條仍翕習昂藏永與斤斧謝颯灑恍疑鬼神集
 我來締視視嘆神奇慷慨翻增吊古思
 樟公此日仍無恙宋代園陵今是非

江殷道煙水亭泛舟和洪半石韻

碧天疑質容澹
 澹萬頃年光湖

激灑白蘋紅蓼藏鳧鷖水紋點破花片片朝涵曙
 色起洛濱欄凝霞痕驚紫電河梁日暮人影稀隄
 柳絲絲空歷亂五老峯頭佳氣浮烟籠千嶂聯還
 斷庄廬自古有神仙乘鸞跨鶴非誕滂溢浦檣帆
 隔渚飛長江東下總匹練棹歌雜杳清波閒開尊
 莫把芳筵散何事錦城絲管聲紛紛吹入江雲半

楊大鯤淇崖井

山光際曉空烟靚雪公攜我尋洪
 井越澗披榛三五人葛蘿蒙密松

花靜盤石下壑知幾尋翻珠濺雪衝波逞兩巖虧
 石迥如秋沉沉鐵壁銀床冷山僧指我舊飛梁春

陰碧蘚無人領九尺長髯此俗丹後來踪跡
 羞箕頰我今坐臥欲忘年煩僧一辨青絲綆

汪懋勳獅子山

獅子山壯骨崑礪水石間玉龍香
 象無消息暮鼓晨鐘自在還蘆葉

渡江千載事天涯念爾還留滯不知說法為何人
 莓苔暗寫心王字有客蕭疎載墨遊寒山片石語
 悠悠眼青為爾畱長句波聲傾動古來
 愁愁向九天時一吼驚來玉兔還山走

鄒篤生詠真行

潯陽山水名天下雙劍之峯天半
 掛洪濤九派此歸宗棠湖生面還

如畫怪得五柳與香山占斷烟霞不受價兩賢相
 去數百年出處平觀一後先合祠祀之洵莫逆何
 堪荒草繞城眠葛公而後公來暮舉廢欣狀急先
 務大捐鶴料庀名材頓使奇觀成指顧詠真一筭
 地無多跨湖背郭面匡峩位其間者西方聖彷彿
 當年白社過傍西一軒大如斗几淨窓虛空所有
 黃堂十日九能閒頻去頻來堪尚友既愛陶公出
 岫詩更心白傳與雲期此間縹緲無今古坐對青
 山足自怡自怡軒上非寂寞亦可獨尋亦酬酢有
 時把酒併催吟民憂憂今民樂樂曾聞永叔守滁

陽醉翁自記夕陽鵬先生之風伊何似似以山高而水長

李啟泰阮重修同仁祠

龍沙湧起仙真會敷政優優霖雨沛公餘加意闡前

徽縹緲形容如可繪同仁舊宇祠忠節功懸日月昭昭揭昔時么磨恣陸梁阻其謀者胡與唐假令藥言而可聽奸謀何至竟披猖孫許稜稜竦忠骨百尔威加終不屈身嬰鏃質甘如飴神騎箕尾斗間出烈烈王君傲義師鄱湖大勦勢如飛忽示擒牌傳水陣伍君勝筭更神奇六人事異心唯一純德無私炳於日燹殘廟祀竟堙淪誰識幽靈耿耿存我公念此心悲惻祠宇重興煥金碧闕宮赫肅神所依庇我黎元康我國公之德業難悉數每事舉行足千古宣昭風教振人心匡阜俱高彭蠡淡

饒宇朴龍沙行

龍沙城外沙彌望沙龍雉堞森相向春風疑有晴雪霏月明直與江

光盪沙中孤峙招提宮松鐘柏鼓隨天風恒沙定水兩相值銀界重見開鴻濛此地天王曾駐蹕嘉辰時有群公集聽松軒外池水清學使文章稱健筆我來策杖路欹斜江天漠漠團風沙傑構貞珉

沒秋草夕陽唯見飛鳥鴉古來消息皆如此神仙識亦徒狀耳何處漁舟晚唱晴一片霜光照秋水

湯永寬遊白鹿洞

五老有心扶正學洞中白鹿開雲壑雲壑天生名教區宋儒宦

遊彌振作我來登廬山親睹先師顏瞻依聖賢下彷彿鄒魯間鄒魯儒風需繼起聖賢芳軌今難企誰為威鳳與祥麟徒見高山及流水水聲何奔流賴茲砥柱留日月昭萬古詩書延千秋千秋萬古學不墜洞中學者如居肆禮門義路朝夕開莫使洞中長塵埃峰頭老人竊相笑不知饒宇猶光耀勗哉衛道還昌明重扶正學呼同調

五言

唐顧况憶鄱陽舊遊

悠悠南國思夜雨江南泊
楚國斷腸時月明楓子落登

匡頂

遙聞林下語知是經行所
日暮香風時諸天散花雨

錢起望廬山

咫尺愁風雨匡廬不可登
祇疑雲霧窟猶有六朝僧

徐凝廬山獨夜

寒空五老雪斜月九江雲
鐘聲知何處蒼蒼樹裏聞

釋靈澈遠公墓

古墓石稜稜寒雲晚景凝
空悲虎溪月不見鴈門僧

朱放題竹林寺

歲月人間促烟霞此地多
殷勤竹林寺更得幾回過

李白別東林寺僧

東林送別處月出自猿啼
笑別廬山遠何煩過虎溪

劉長卿廬山送靈澈

蒼蒼竹林寺杳杳鐘聲晚
荷笠帶夕陽青山獨歸遠

白居易廬山

重遊蕭寺宿再上廬山行
郡人猶認得司馬咏歌聲石鐘山嘗聞

惠遠輩題詩此巖壁雲
霞蘚苔封蒼然無處覓

孟郊過彭澤

揚帆過彭澤舟人訝嘆息不見種柳人霜風空寂歷

施肩吾經吳真君舊宅

古仙煉丹處不測何歲年至今空宅暮時有五色烟

陸龜蒙南塘曲

妾任東湖下郎居南浦邊閒臨烟水望認得采菱船

宋蕪軾廬山

自昔懷清賞神遊杳靄間如不是夢真箇是廬山 聖燈巖 巨室

有金丹山神不知秘何必露光鋸半夜驚童穉

王安石南浦

南浦隨花去迴舟路已迷暗香無覓處日落画船西

祖無擇慶豐堂十閒詠之二

晚接三杯後閒烹北苑茶色香俱絕品雲

泛滿

又晴軒足清趣間與鶴開籠

記萬載風俗

民居

覆其屋大半施白瓦山

又酒里社醉豐年便是宜

酌

張徵差峩嶺

晨登差峩嶺危欲搏青冥安得秦六甲槌鑿使之平

朱熹靜春堂

幽人本同心偶此得安堵

玩易齋

几竹

橫陳處韋編半掩時寥寥三古意此地有深期

楊萬里宿長林

霽月撩人白風燈惱客青倦多資美睡酒薄免遲醒

元揭傒斯北極山

雲歸樹繞環雨餘山更靜 獅子

岩

愛此獅子岩宛若獅子踞

葫蘆石

不隨草木壤

誰能剗其中

趙孟頫五面山

洞中即仙境洞口是桃源

長廊巖

修巖如長廊下有流泉注

道人巖

道之本避世間之無姓字如何

千載後石室有人至

明邵寶石鐘山

有石平堪隱南冥一望深
萬峯青不了一點湖心

夏寅彭浪磯

虎牙彭浪石鐵柱小孤山
漢朝宗道東南第一關

吳與弼宿長林

歇轎來盤石支頤面好峯
道傍秋水淨嶺背夕陽紅

祝世祿芝山春遊

溪山春正半載酒鳥邊亭
取醉非吾事乾坤忌獨醒

萬恭文華山

徙倚通仙徑秋容上薜蘿
仙宮流火樹灑氣入星河

徐瑞芝山尋幽

尋幽鳥石谷曳杖白雲岡
野燒半空赤西風萬葉黃

周獻臣華嚴堂

草色長曇陰禽言秋梵唄
一磬已無生浮雲遶天外
又香徑凍霾

雲禪關寒白日說法
到無聲天花雨六出

傅占衡駐雲亭

空庭無賓客日與雲相知
不招雲來疾欲麾雲去
遲文印峯

赤日弄金光青雲壓石紐
遙從天上看真是大如斗

揭重熙仙人石

仙人何處去空有仙人迹
時一聞笙簫元雲來絕壁

吳誠廬山

虎溪人去遠溪水自冷冷
我欲看何物廬山萬仞青

王思任虎溪橋

三人笑過橋一虎語而止
我欲問青山當年笑何語

何遷四仙亭野望

野迳披寒雪空山傍夕昏
萬峯藏日觀一水上天門

李萬實披霞亭

扶杖尋幽處登高日暮時
穿亭披紫氣霞外即天池

徐遵湯鞋山

江空不可涉沙軟若為迎
雲逐凌波渡風隨響屨生

何濤瀑布泉

瀑布挂長川淙淙寒玉瀉
徐凝亦剩吟合置廬山下

汪應婁擬峴臺

城頭留古蹟登望不勝情
碑遠臺猶在空餘波撼城

皇清史彪古題白石嶺

起處忽如雲盤折還似雪
偏能下米拜蒼烟不敢湮

喬鉢廬山

欲識廬山面古寺成幽徑
林深不見人泉落聞山響

蔣永修舟過馬當風勢東江湖險風殊吳楚觀

范仍舟宿鳧石鳧飛溪水中朝夕水中立

喻周舟中望廬山示同行者匡山兄弟七茅山兄弟三同道本同氣仙

隱在江南

黃文星西山夕照倦雨一聲烟幽棲恣所適

楊貞白鹿洞茗飲茗色貯甌初花香浮座晚 秋日

匡山郊行秋容澹若人野興濃于酒

劉賡宜川玉斧泉虎亂泉聲裏泉開月乍圓

絕七 唐宣宗百丈山穿巖越壑不辭勞到此方知出處

波

李白望廬山瀑布水日照香爐生紫烟遙看瀑布

是銀河 登廬山五老峯廬山東南五老峯青天削

結吾將此地巢雲松

權德輿臘日龍沙會簾外寒江千里色林中尊酒

勝重陽落帽時

來鵠古劍池秋水蓮花三四枝我來慷慨步遲遲

張濱鷺湖山鷺湖山下稻梁肥豚柵雞栖對掩扉

吳筠龍虎山道士身披魚鬣衣白日忽上青天飛

盧士衡鐵柱

千年埋沒竟何為變化宜將萬物齊安得風胡借方便鑄成神劍斬鯨鯢

韋應物寄廬山梭衣居士

兀兀山行無處歸山中猛虎識梭衣俗客欲尋紫閣西邊第幾峯茅齋夜雪虎行蹤遙看黛色

應不遇雲溪道士見猶稀

荅東林道士

紫閣西邊第幾峯茅齋夜雪虎行蹤遙看黛色

戴叔倫夜發袁江寄李穎州劉侍郎

半夜回舟入楚鄉月明山

水共蒼蒼孤猿更發秋風裏不是愁人亦斷腸

羊士諤遊西山蘭若

路傍垂柳古今情春草春泉咽又生借問山僧好光景看

花携酒幾人行

元稹琵琶亭

夜泊潯陽宿酒樓琵琶亭畔荻花秋雲沉鳥沒事已往月白風清江自流

白居易宿西林寺

水落天晴山翠開愛山騎馬入山來心知不及柴桑令一宿西

大林寺桃花

人間四月芳菲盡山寺桃花始盛開長恨春歸無覓處不知轉

林即便回入此中來

趙嘏西江晚泊

茫茫靄靄失西東柳浦桑村處處同戍鼓一聲帆影盡水禽飛起夕

陽中

李羣玉紫極宮齋後

紫府空歌碧落寒晚星嘹亮月光殘一羣白鶴高飛散唯

有松風掃石壇

施肩吾西山靜中吟

重重道氣結成神玉闕金堂逐日新若數西山得道者連

余便是十三人

鄧廷聞分宜讀書臺

鍾山高高鍾水綠昔有佳人在幽谷臺荒只見草萋萋萬

卷不畱誰更讀

劉長卿送梁郎中赴吉州 渺渺雲山去幾重依依獨聽廣陵鐘明朝借問

南來客五馬雙旌何處逢

曹松亂後入洪州西山 寂寂陰谿水漱苔塵中將得苦辛來東峯道士如相

問縣尉而今不姓梅

呂岳元潭觀 褰裳攬步尋真宿清景一宵吟不足月在寒潭風在松何必洞天三十六

陸龜蒙魯望亭題壁咏萍 曉來風約半池明重疊侵沙綠芻成不用臨池

重相笑最無根蒂是浮名

李涉滕王閣 滕王閣上唱伊州二十年前向此遊半非半是君莫問西山長在水長流

遊西林寺 卜地初心在此身水能生月即離塵如今再結林中社可美當年會裏人

韓愈遊西林寺題蕭二兄郎中舊堂 中郎有女能傳業伯道無

兒可保家偶到庄山曾住處幾行衰淚落烟霞 楚昭王廟 丘墳滿目衣冠

樹荒猶有國人懷舊德一間茅屋祀昭王

張籍玉山館 長沙新雨色如泥野水陰雲盡向西楚客天涯行已遠山山時聽鷓鴣啼

陳陶鍾陵秋夜 洪崖嶺上秋月明野客枕底章江清蓬壺宮闕不可夢一一入樓歸

鳳聲

釋貫休東林寺 赤梅檀塔六七級白菡萏花三四枝禪客相逢只彈指此心能有幾

知人

釋靈澈東林寺寄包侍郎 古殿清陰山木春池邊

焚香坐共作鱸峯二十人

宋王安石南浦 南浦東崗二月時物華撩我有新詩含風鳴綠粼粼起弄日鶯黃裊

裊龍虎山

灣灣苔徑引青松蒼石壇高進晚風

曾鞏踈山

一見雲山病眼青野僧勤動水邊迎 麻

姑雪瀑

飛瀑一支天上成寒影沉沉瀉龍穴

吳毅軍峯卓筆

河漢昭回堪作字江山流峙自成

漸分

蕪軾望湖亭

黑雲堆墨未遮山白雨跳珠亂入船

八境臺

烟雲縹緲鬱孤臺積翠浮空兩半開想見

蕪轍翠樾亭

檐前翠樾凋疎盡却放墻東好月來

方浴亭

池上茅簷覆水低早來秋雨尚虹霓

黃庭堅題南塔寺

薰爐茶鼎暫來同寒日鷗啼柿

在大槐中 萍實里

楚地童謠已兆祥果然所得屬昭王

東林寺

白蓮種出爭無塵千古風流社裏人

趙抃龜峯

桃花灘下繫輕舸直上呼嶸勿憚勞

李商老翻經臺

五十餘卷在高臺內史翻時蠟屐

成堆

潘興嗣秦人洞

秦人當日避風烟自種桑麻老洞

山川

毛維瞻筠州山房

樓上青山遶四垂畫樓百步引

江白練微

胡銓寶氣亭

塵容不逐江流淨酒力都從雪壓消

白玉蟾龍虎山

五日連陰霧雨昏驅車應有北山

嶂玉華仙壇

草鋪橫野六七里笛弄晚風三四聲歸來飽飯黃昏後不脫簑衣卧月明

江萬里龍虎山

鑿開風月長生地占却烟霞不老身虛靜當年仙去後不知丹訣付

何人

朱熹盛家洲

湖上欄干百尺臺臺邊水殿倚雲開紅橋人隔荷花語玉梳水盤進雪來

石井

一竇陰風萬斛泉新秋曾此弄清漣人言湛碧深無底只恐潛空小有天

張栻定叟弟頻寄黃蘗仰山新茅口占小詩

集雲峯頂

風霜飽黃蘗洲前水石清不入貢包供玉食祗應山澤擅高名

劉恕題靈山寺

蚤晚報衙蜂擾擾友朋相和鳥關關餘香滿袖花驚眼空翠沾巾雨

山瞑

岳飛雪都華嚴院

手持竹杖訪黃龍舊穴空遺虎子踪雲鎖斷岩無覓處半山松

竹撼秋風

周必大經龍泉武陵瀧

芙蓉池水接清溪晴日初乾雪後泥行過小橋驚野

鴨翩翩飛上綠楊西

阮閱書禪惠寺壁

老僧楷竹面如灰門閉寒雲冷不開車馬紛紛來往客端知不

是愛山來宣風道上

馬蹄西去夕陽催濃淡寒山翠作堆北鴈無情怕秋熱帶將寒信過

江來

林夢英金石臺

雲作岩扉風自關清陰半壑樹中閑傍廂更着茅亭好放入西南一

山面

况志寧豫章臺

城陰冷落豫章臺平地晴沙捲雪來欲訪隣翁問塵跡小園荒徑長

莓天寶洞風雨池邊古木寒千年枸杞當晨餐

王十朋過彭澤萬里歸舟巨浪間只將青眼對青山好處惟彭澤出岫雲歸倦

鳥還

劉季孫芝山屏間偶題驚夢裏閒說與傷人渾不

解杖藜攜酒看芝山

謝枋得九官山真人何代結幽棲累世奎光煥紫泥日月高奔黃道近衡廬傷出玉

繩低

文天祥馬祖巖禪關秋風吹日上禪關路入松花第一灣只願四時烟霧少滿

城樓閣見青山吸江亭絕壁千尋俯雪潭春花秋草自藍鬚當年誤着蒲團坐惹得人稱馬

巖祖

謝逸北津渡竹籬茅舍掩柴扉衰草寒烟野逕遺只有白鷗無俗韻何年相伴老清溪

吳鎰崇仙觀浮丘仙袂風中挹子晉吹笙月下聞翠蓋霓裳君過我尻輿神馬我從君

章鑑杭山買得漁磯繫釣船魚龍吹浪駭鷗眠從來白石清泉地勝似青山小洞天

章藻之明水寺環山清淺一溪水夾徑高低十里松煙鎖石門疑路斷斜陽影裏忽

鐘聞

僧晦機滕王閣檻外長江去不迴檻前楊柳後人裁當時惟有西山在曾見滕王歌

舞來

蔣之奇燕窠石墨窩化石鎖烟苔岩上茅空烟又開塵劫一聲清磬裏至今猶有燕

飛來

張南仲大通院古寺臨川大道傍老僧慣見馬蹄忙洪鐘尚記唐光啓九度高樓下

夕陽

僧德最羅霄洞

江南二月春無邊谿竹十里花爭妍兒童且莫吹羌管我欲臨流枕

石眠

施德抵袁陽

聲聲啼鳥叫鈞輶山自噴岫水自流西望長沙三百里行人道是古袁州

又

曲欄縈紆樹密蒙放船正值標花風王程不及村南好水碓無人晝自春

王觀過廬谿

蘆蕭谿水碧粼粼洞鎖烟霞別有春亂石只聞多誤馬桃花不是解迷人

元伯顏子中北山

平川楊柳翠依微暖日遊絲掛綠扉啼鳥不知江國變多情到

處勸人歸

虞集送吳上卿安仁

雲錦溪上雪盈盈綵船歸來雙羽旌行過梅花一萬樹却

登高閣看雲生

東巖寺

雲林流水到巖前山色溪聲意宛狀昨夜一竿修竹外東西無影月

孤圓

趙孟頫歸鶴亭

仙去人間有古亭四山林木鬱青青步虛聲轉松風響思掬岩泉洗

聽耳

張純仁重建葛溪驛

一葉飄然下弋陽殘霞昏日樹蒼蒼葛溪漫漶干將劍却

是猿聲斷客腸

危素思賢亭

學士前身衡嶽君景星華月鳳凰羣門生只有山人在猶構亭高想暮雲

范德機桑落洲

桑落洲前秋興孤白雲遠見近還無傳聞酒吏今年罷美釀家家得

縱沽

范梈煙雲臺

懶慢辭朝梅子真空山祠廟已千春自從上疏東歸後不見江湖有直臣

明太祖御製廬山羣仙詩

匡廬之巔有深谷金仙弟子巖為屋鍊丹利濟

幾何年朝耕
白雲暮種竹

劉松入西山 江雨溟溟落遠帆驅車西上入烟巉
青松殘雪分明見指點行人問翠巖

胡居仁午風亭 梅花落盡柳初青淡淡輕雲半放
晴舊日勝遊重會處聚懽盡在午

解縉遊慧力寺 慧力寺前春水流菲菲芳草滿汀
洲十年不到臨江郡依舊青松接

吳與弼白楊院 策馬平橋又問禪萋萋春艸月娟
娟蕭然一榻平安夢夜半溪聲落

羅倫湓峯山 一柱東風戀紫霞數聲雞犬也仙家
春風不與人分破添得碧桃無數花

丘濬淵明祠 桓公事業晉山河觸目傷心可奈何
籬下菊花門外柳時時相對醉吟哦

孫治桃花源 千樹桃花不謝花玉樓金殿鎖煙霞
人間甲子君休問蓬海如今漸見沙

王世懋度含鄱嶺 蒼虬絳節度崢嶸下界微茫勺
水明最愛他山雲似絮不知身

王守仁天池寺 昨夜月明峯頂宿隱隱雷聲在山
麓曉來却問山下人風雨三更捲

茅又 天池之水近無主木魅山妖競偷取
盜巖頭雲却去人間作風雨

臺 宜春臺上還春望山水南來眼未嘗
却笑韓公亦多事更從南浦羨滕王

劉髦登東華 層巒華構鬱崔嵬隔水紅塵晝不來
鐵笛一聲空外響月明疑是呂仙回

鄒守益宜春臺步韻 高臺俯瞰萬象春帶雨穿雲
更可人四顧峯巒如浪海中

流屹立又 優詔歸來又十年愛山不用買山錢
自嶙峋又興來欲啖安期棗笑問山神借鐵船

王畿文殊臺 道人慣向雲中宿千仞孤峯等平麓
手排閭闔披層霄還擬虛空結霞屋

王西通志 詩

卷之第四十一

五十一

六十一

羅洪先玄潭 青山隱約霧中看黃葉蕭疎夕照殘

又 野竹蕭蕭水遶村柴門半掩欲黃昏

羅汝芳從姑山 松柯梅榦匝山腰翠結光寒夜未

吹 消好約仙人王子晉月明堂上共

張蓉畢姑山 歷歷雲霞拂樹流洞門苔蘚幾經秋

朱善蓮池垂釣 羣峯環擁晴光炫曲澗清迴野色浮

舟乙 露冷風清池水秋蓮衣落盡藕絲

夏寅出湖口 一痕清濁分湖口秋水南風拍岸齊

小孤山 望見小姑青一點廬山回首大江西

張時古樟觀 海門東去大江橫秋滿乾坤萬籟鳴

道 喬木陰陰路欲迷數聲啼鴈野橋西

徐良傅千金堤權歌 長樂長寧幾萬家不栽桃李

與東風 黃塘口外棹歌收坐看巴華幾派流

灌稻花 又疊鼓正翻獅子峽鳴笳已近虎頭洲

雲谷浮洲望諸山時老僧病起相迎 天際樓臺半

雨隔東湖看山道士芒 鞋綻卧病維摩竹杖扶

傳榮庾樓明月 蘋白蘆黃楓葉紅夕陽晴色動秋

眼 風百年庾亮樓前景都向江光望

林俊東林寺 風流一代付塵埃荔塔秋荒半綠苔

夏言靈溪 危橋跨水玉缸流渺渺春波盡鷓浮

胡虛白望湖亭 鷗外清波鴈外山望湖亭下繫歸

天在 船夜深起坐占風信人在珠宮月

湯顯祖送友遊廬山

王孫原是爭居身草色鄉心一半春堂上白鴉飛欲盡鉢

中香飯施何人

張銓遊洪陽洞至半而返

人間何處覓蓬萊洞府幽奇此地開却笑凡身

仙骨少未窮靈境便歸來

劉一燦送友遊廬山

瀑水淙淙帶雨新枳花香發滿山春烟霞我亦探奇士自

向紅塵看別人

張位遊廬山

野服籃輿踏曉烟白雲深處洞藏仙問僧幾臘蒲團事笑指巖松不記年

胡鼎烏遮塔

隋塔稜層疊石危滿前芳草夕陽低靈鳥也解興亡事猶向天王寺裏啼

萬虞愷鷺湖訪華憲副嵩峯舟中即事

八月尋幽偶泛槎水

邊茅屋十餘家家女兒能盪漿爭入殘荷拾落花

鄭岳岳王祠

石發方池幾百年岳王舊宅世猶傳格天高閣今安在葛嶺荆榛野雉眠

傳占衡翠雲寺

廢寺荒泉帶晚城翠雲猶向嶺頭生漫呼古佛為高士却借秋山作

主人

陸夢龍再過東林寺

山房懸宿鳥爭棲曉入東林霧不迷昨夜西風愁路滑遶

林吹雨過前溪

吳存兩堤柳色

南北長堤采蠅連垂楊夾道綠如烟春風曠長絲千尺辨與遊人繫

畫船

李萬平過石頭口

木落江空鴈影孤十年無夢落江湖豪來試把青萍拂莫道元

龍是故吾

鄭邦福青巖山

薰風長日遶迴廊飯後尋僧納晚涼自嘆俗緣猶未竟襟裾空帶積

厨香

夏尚朴松溪 風潭百尺水溶溶潭上亭亭萬樹松坐待夜深明月上一溪寒影走虬龍

凌杞普明寺 鳳凰山下梵王家金碧樓臺護紫霞重覓西峯舊時跡滿階香雨落天花

袁宏道大林寺寶樹 鐵幹銅膚四十圍隔峯猶自望孫枝塗雲抹月空山裏曾

見東林行道時

王思任天池寺 高風急雨下鳴泉雪鬪雷轟激半天盤到天池天更半不知幾踏白

穿雲

劉梁高湖口縣山響樓下 迎灣纜轉江如帶逸曠帆行山幾層始信江山

空入畫半厓懸處挂漁罾

楊廷麟入閣皂 石上安巢竹跡分午鐘山外隔溪聞丈人自愛前峯好手剪松枝弄

白雲

譚元春登五老峯聞檄 有人知我入匡廬身到茅齋事已虛絕頂風寒思北

道五峯忙寫逆行書

黎元寬田御宿媿德詩 蕨根不飽自遺民楓陛分憂倚重臣豈似道州詩未

採徒聞擊節草堂頻

萬時華寫韻軒 誰識當年寫韻心軒空只有碧苔陰應知天上諸仙課雞犬聲中亦

苦吟水操臺羽扇新開江上來中丞號令轉風雷操舟真道南人事只解青山款乃回

黃雲師鐵柱宮 名在丹臺重策勳章門福至頌真君蛟螭封盡方仙去雞犬相將上

白雲

陳弘緒達摩峯 東來西去歲時除錫杖遙衝洞口霞一自踢翻蘭若壁始知九載見

空華 葛仙壇 煉藥曾傳勾漏廬殘霞片片染衣裾

皇清龔鼎莘過弋陽 昇平歌舞大江西江烟水外樓臺斜

日亂 勝王閣 映蝶雲連茂苑垂鷓鴣聲斷驛書遲

李元鼎香爐峯 攜得仙人白玉筇夜深無語對青

朱徽愚樓 鳳尾龍髯蒲院陰樓高不怕歲寒侵

周之恒鐘鼓石 重巖惟許靜相參鐘鼓無聲倚磻

優曇 洪崖橋 仙蹤異代不曾消丹井泉流舊石橋

施閩章峽山寺 曲徑疎林竹萬竿空山秋氣白雲

杖狀元洲 鷓鴣城下水東流草色青青過白鷗

鄭日奎咏嵩山 十里溪聲五里山數椽古刹萬松

還往 劉臨孫遊雙巖 笋雨吹香過枳林臧輿未許起幽

深壑 葛觀昌咏嵩山山靈啓運 蒼烟蔓草隱空山一片

形夢告祇園 原只在人間

張世經題從姑山圖 松老龍鱗掛薜蘿山中日月

信歸時 已爛柯

蕭韻雙瀑泉 百里芙蓉湛碧秋千尋飛雪捲丹丘

黃文星東湖曉釣 半湖春雨一簑烟檣楫蕭蕭

碧天隔岸桃花茅屋啟蒼茫孤

江西通志 詩

卷之第四十五

六十四

漁船

汪懋勳宿賢女舖聽溪聲

誰將幽思寄鳴琴海上
仙人曲可尋五嶺月明

雙雀唳十洲
風起一龍吟

楊貞登進賢高宗嶺

選勝凭高煙樹閒虛傳帝蹕
度茲山錢塘花柳空佳麗不

及松陰
蒲舊關

江西通志卷之第四十六終



